

中國第一歷史檔案館  
遼寧省檔案館  
編

中國明朝檔案總匯 (七九)

廣西師範大學出版社

中國第一歷史檔案館  
遼寧省檔案館

編

# 中國明朝檔案總匯

(七九)

廣西師範大學出版社





目錄

兵部行移簿

兵部為督餉御史舉薦海運有功文武官員事題行稿	天啟四年四月十六日※	一
兵部為推選畢德隆補浙江昌國把總員缺事題行稿	天啟四年四月十七日※	七
兵部為登萊塘報遼陽城內有雷趙兩姓人氏將潛入關上內應嚴加盤查事行稿	天啟四年四月二十二日	九
兵部為獎賞毛文龍等有功將士事行稿	天啟四年四月二十五日	一
兵部為宣府清查馬匹急請發銀買補事行稿	天啟四年四月二十五日	一四
兵部為平遼總兵毛文龍為征剿請接濟糧餉事行稿	天啟四年四月二十六日	二〇
兵部為專官查驗發抄事關軍務章奏事行稿	天啟四年四月二十六日	二五
兵部為山東擒獲張爾心等請旨處分事行稿	天啟四年四月二十六日	二七
兵部為太僕寺應查明從前發過銀數等逐項冊報事行稿	天啟四年四月二十九日	二九
兵部為擬選田仰補溫處二府兵備員缺事行稿	天啟四年四月二十九日	三〇
兵部為擬選浙江山東中軍守備員缺官員事題行稿	天啟四年四月※	三二
兵部為措籌軍需銀兩事行稿	天啟四年四月	三六
兵部為守備宋純臣家丁劫掠按律論處事行稿	天啟四年四月	三八
兵部尚書趙彥等為推選馬孟驊李友梅補山東臨清參將等員缺事題行稿	天啟四年五月初七日	四一
兵部為褚翰陞任浙江杭嘉湖參將請寫勅書事行稿	天啟四年五月初八日	四七
兵部為張應魁系實職準給守備銜管塘報事行稿	天啟四年五月初九日	四九
兵部為出海淮兵糧餉事行稿	天啟四年五月初十日	五一
兵部為參革守備金一鯨橫占官舡擾害朝鮮應查處事行稿	天啟四年五月初十日	五五

兵部尚書趙彥等為推選黃承爵補浙江軍門標下游擊將軍員缺事題行稿	天啟四年五月十二日※	五七
兵部尚書趙彥等為遵旨申飭邊備事題行稿	天啟四年五月十二日※	六〇
兵部尚書趙彥等為火速催運遼東糧餉并獎賞捐資助賑之士事題行稿	天啟四年五月十六日※	六五
兵部尚書趙彥等為原任總兵李懷信病故事題行稿	天啟四年五月十八日※	七〇
兵部為捉獲漏網叛逆奸細董萬象等人審理事行稿	天啟四年五月十八日	七三
兵部尚書趙彥等為宣府清查馬匹及銀兩事題行稿	天啟四年五月二十一日※	八六
兵部為查取解運天津等處軍器實收情形事行稿	天啟四年五月二十二日	九三
兵部為戶部酌議兵餉事行稿	天啟四年五月二十四日	九五
兵部為戶部主事曹履吉陞補浙江按察司僉事員缺事行稿	天啟四年五月二十四日	九六
兵部為喻安性等官員速赴任事行稿	天啟四年五月二十七日	九八
兵部為推選周鴻謨補山東登萊巡撫標下游擊將軍員缺事題行稿	天啟四年五月二十八日※	一〇二
兵部為平遼總兵毛文龍亟催戶部速發銀米事行稿	天啟四年五月	一〇五
兵部為張孔夢補山東分巡東昌道管理中軍守備事行稿	天啟四年五月	一〇七
為陳汝明等加職銜叙陞事行稿(首缺)	天啟四年五月	一〇九
兵部為優恤浙江長興縣知縣石有恒等不屈身死官員事題行稿	天啟四年六月初四日※	一一一
兵部為捉獲漏網奸細董萬象等解送山東巡撫衙門事行稿	天啟四年六月初四日	一二四
兵部為照例請給海外槍砲盔甲等軍需品事行稿	天啟四年六月初四日	一二六
兵部為催解戶部所欠海外兵餉五萬兩事行稿	天啟四年六月初四日	一二八
兵部為甘肅銀兩尚欠請藩庫挪用措給事行稿	天啟四年六月初十日	一三〇
兵部為督催銀兩赴關以濟軍需事題本	天啟四年六月十二日	一三三
兵部為督師題調更換官兵及挑選營馬如期赴山海關事題行稿	天啟四年六月十四日※	一三五
兵部為恭報登萊官員出海日期等事題行稿	天啟四年六月十五日※	一四七
兵部為派員齎送勅書于總兵毛文龍以示鼓舞事題行稿	天啟四年六月十五日※	一五五

兵部為調撥宣府大同山西等地新兵抵關更換舊兵事行稿	天啟四年六月十五日	一五八
兵部為議應敵之策事題行稿	天啟四年六月十七日	一六三
兵部為解銀十萬兩赴山海關督師衙門事行稿	天啟四年六月十七日	一七二
兵部為挑選戰馬發山海關督師衙門事行稿	天啟四年六月十九日	一七三
兵部為戶工二部設法協同籌措軍需銀兩事行稿	天啟四年六月十九日	一七六
兵部為推選賈士奇房可宗補山東德州參將及登萊巡撫標下中軍游擊將軍員缺事題行稿	天啟四年六月二十二日	一八〇
兵部為裁減山東馬步兵并將官員另行推用事題行稿	天啟四年六月二十五日	一八五
兵部為內外各衙門章奏有關軍務逐一稽查發抄事行稿	天啟四年六月二十六日	一八九
兵部為解到太僕寺銀兩不許輕動事行稿	天啟四年六月二十六日	一九一
兵部為差官赴山東催解軍需銀兩事行稿	天啟四年六月二十九日	一九三
兵部尚書趙彥等為協同籌措軍需銀兩事題行稿	天啟四年六月三十日	一九五
兵部尚書趙彥等為報浙江緝捕盜賊情形并議叙文武官員事題行稿	天啟四年六月三十日	一九八
兵部為急速發給海外軍需物件事行稿	天啟四年七月初七日	二〇二
兵部為推選余思明補山東按察司副使員缺事行稿	天啟四年七月初八日	二〇三
兵部尚書趙彥等為推選王時春補山東王徐寨守備員缺事題行稿	天啟四年七月十一日	二〇七
兵部尚書趙彥等為沙溝守備王應兆革任回衛事題行稿	天啟四年七月十六日	二一〇
兵部為遵旨戶工二部設法籌措軍需銀兩事行稿	天啟四年七月十六日	二一三
兵部尚書趙彥等為解送軍器赴天津巡撫衙門交收事題行稿	天啟四年七月十八日	二一五
兵部尚書趙彥等為推選陳鏐補山東沙溝守備員缺事題行稿	天啟四年七月十八日	二一八
兵部為催請海外官兵廩俸事行稿	天啟四年七月十八日	二二一
兵部為查核海外領糧各官事行稿	天啟四年七月十八日	二二三
兵部為山東副千戶岳萬陞收錄軍前效用事行稿	天啟四年七月十八日	二二七
兵部為平遼總兵請速解軍器盔甲甲等事行稿	天啟四年七月十八日	二二九

兵部為督師所調更換官兵速赴關事行稿	天啟四年七月十九日	二三一
兵部為援遼馬價銀兩缺欠事行稿	天啟四年七月二十二日	二二三
兵部尚書趙彥等為差官赴工部領取軍需器械等解送榆關事題行稿(尾缺)	[天啟四年七月二十三日]	二三五
兵部為請查勘軍功酌量升遷官員事行稿(中缺)	天啟四年七月二十四日	二三七
兵部為平遼總兵毛文龍塘報遼東夷情事行稿(中缺)	天啟四年七月二十四日	二四〇
兵部為議原派更換官兵照數督發等事題行稿(首缺)	天啟四年七月二十六日*	二四三
兵部為差官解送軍需銀兩赴山海關督師衙門查收事題行稿(首缺)	天啟四年七月二十六日	二四八
兵部為山東陣亡官員王三畏等照例優恤事題稿(尾缺)	[天啟四年]	二五〇
兵部尚書趙彥等為海外大捷總兵毛文龍等斬獲有功等事題稿(尾缺)	[天啟四年]	二五三
兵部為籌備糧餉等事行稿(尾缺)	[天啟四年]	二六五

## 楊鶴奏議

都察院右都御史楊鶴為微臣誤蒙起用事	崇禎元年九月初九日	二六七
陝西總督楊鶴為布信招降事題本	崇禎四年二月二十二日	二七一
陝西總督楊鶴為恭報剿賊情形事題本	崇禎四年七月十六日	二八四
陝西總督楊鶴為賊平無日臣罪當誅事題本	崇禎四年八月初六日	二九七
陝西總督楊鶴為待罪靜聽處分請賜回籍養病并願子楊嗣昌盡瘁危疆事題本	崇禎四年八月二十一日	二九九
陝西總督楊鶴為負不白之冤事題本	崇禎四年八月二十一日	三〇七
原陝西總督楊鶴為待罪聽候處分事題本	崇禎四年十一月十八日	三一四
原陝西總督楊鶴供狀	.....	三一八
陝西總督洪承疇為請寬前督臣楊鶴之罪事奏本	.....	三二八
御史吳姓為遵旨查明原陝西總督楊鶴出示告示禁殺之情形事奏本	[崇禎四年]	三三三
楊嗣昌為父楊鶴請開復原官事奏本	崇禎八年十月二十七日	三三七

楊嗣昌為亡父楊鶴賜太子少傅及撫恤銀兩謝恩事奏本

崇禎十年九月初三日

.....

三四四

兵部

題為薦舉海運有功文武官員以昭激勸事職方清吏司案呈奉本部送准戶部咨專理新餉司案呈奉本部送戶科抄出督餉御史李時榮題稱慨自奴酋竊難以來海運創闢五年於茲矣雖遼瀋廣寧相繼陷沒航海之舟移而之關門秦玉島南海口等處道里稍近邇者因遼民漸集關外兵馬雲屯寧遠覺華之間有分運焉糧額漸廣運道漸迂又且以毛文龍孤軍海外設法接濟兩年以來歲運糧米以十二萬計直抵平島其犯洪波而破巨浪凌蛟宮而探龍穴者諸文武紳弁拮据力不可泯也臣廣為諮諏隨據司道開報復移會督餉部院詳加商度一一真確敢據實為

皇  
陳之訪得天津管糧馬河間府同知張懋德管兵糧河間府同知王從諫屯田同知盧觀象高郵州判官楊化龍天津衛經歷劉禹卿右



衛經歷馬登瀛總理海運遊擊黃胤恩海防遊擊吳周支海運  
都司張性徵原任遊擊陳懋功督餉部院旗鼓守備只啓元聽用守  
備錢道亨提塘守備謝兆禎巡捕指揮張承業委造倉廩衛鎮撫  
蕭泰禎部院造廠今陞白石守備佟遐齡原任加銜守備湯九州撫  
院旗鼓守備趙錦鎮海營中軍官金星淮津道中軍指揮僉事李  
延贊司中軍加銜守備張國禎天津道署中軍事旗鼓指揮陳  
自修遼餉道中軍三科武舉劉維莊遼餉道巡捕武舉王三鳳管  
造新倉千總王有功守備于從朴陳汝明王文憲王成龍王應龍俞明  
胡遠高登任國輔海運千總丁啓陽以上文武各官皆有功餉務所  
當薦揚紀錄以備擢用者也內黃胤恩海上多年勞績最久曾  
經于解運報完疏中督餉部臣曾臣題陞參將其加銜守備陳  
汝明俞明胡遠高登亦以解運兩次比照王文憲等例准其實授

未經部覆所當仍照原疏並行陞授照舊督運以勵其將來者  
也謝兆禎總理餉務文檄勞績獨多亦應一體實授再照有舉  
必有刺但供運武運題授者少割委者多么麼弁流臣得徑行不  
足煩白簡且舊各臣如歷津門舊訪警李成龍錢世芳高日章三  
人見在發問無可瀆

聖聽者伏乞

勅下該部再加查議如果臣言不謬將張懋德黃胤恩等次第擢用  
陳汝明俞明謝兆禎等准與實授庶人心奮勵而餉務大有裨矣  
等因奉

聖旨該部知道欽此欽遵抄出到部送司查得巡餉御史疏薦海運  
文武各官誠激勸將來之法及查去歲所薦俱照抄移咨吏兵  
二部查議擢用相應照例仍咨二部聽其酌議為便擬合就行為



以合各兵部煩為查照各內事理將疏薦各官分別紀錄擢用施行等因到部送司查得先准督餉御史李時榮揭同前事徐文職張懋德等聽吏部查覆及遊擊黃胤恩患病回衛張性徵只啓元各經別疏題覆餘俱附簿紀錄李成龍等已經提問無容再議外案呈到部為照遼左淪沒懸孤師于異域以牽制逆奴日虞糧餉之不敷也而海上波濤轉運最艱有如陳汝明等不避風濤之險宣力海嶼之間先于海運事竣一疏督餉撫按曾經題請將陳汝明等准與實授未經題覆而餉臣又有以請是必實有見于各官之勞勩可憫應照王文憲等例准其實授者也既經各揭前來相應題

請將陳汝明俞明胡遠高登謝兆禎各准實授守備職銜仍管海運

事務合候

命下遵奉施行等因天啓四年四月十六日太子太保本部尚書趙

芳具題十八日奉

聖旨是欽此欽遵擬合就行為此

一各督餉部院 合各前去煩照本部題奉

欽依內事理欽遵查照施行

一各戶部 合各

貴部煩照本部題奉

欽依事理欽遵查照施行

一各都察院 合各

貴院煩為轉行天津督餉御史照依本部題奉

欽依事理欽遵查照施行

一割付陳汝明 俞明 胡遠 高登 謝兆禎

天啓四年四月

下

日郎中廖廷獻

兵部

題為缺官事職方清吏司案呈照得浙江昌國把總胡桂芳近該本部題奉

欽依推陞河南邊操秋班都司僉書所有員缺合當推補案呈到部臣等從公推舉得衢州所正千戶畢德隆杭州右衛指揮僉事陪李根仙俱各堪任伏乞

聖明于內簡命一員照例以都指揮體統行事充前項地方候命下之日本部備查原擬責任劄令欽遵任事如用畢德隆量陞署指揮僉事

計開擬堪浙江昌國把總官二員

畢德隆

係衢州所正千戶天啓元年該直隸巡按安伸等奏保三次

李根仙

係杭州右衛指揮僉事天啓三年該浙江巡按馮三元等奏保三次

等因天啓四年四月十七日太子太保本部尚書趙 等具題二十日奉

聖旨有點的依擬用欽此內畢德隆有點抄出到部送司案呈到部擬合就行為以除割仰畢德隆定限本年五月二十五日到任外

一咨浙江巡撫 合咨前去煩照本部題奉

欽依內事理行令本官依限到任仍將到任日期併履歷緣繇同原奉本部割付繳部查考如或違限不到及不繳部割照例參究施行

一咨都察院 合咨

貴院煩為轉行浙江巡按御史照依本部題奉

欽依內事理行令本官依限到任如或過違照例參究施行

一割畢德隆

二十四

天啓四年四月

日郎中廖起巖

兵部為塘報事職方清吏司案呈奉本部送准登萊巡撫袁

咨准平遼總兵官毛文龍手本前事內稱本年二月十二日

據來鄉張登雲口稱於去年七月內在遼陽城裏見有姓雷

姓趙者去見老嫗說如今江東毛總兵兵多勢大又有朝鮮助

他終久喫他大虧不如我二十人替你扮作道士潛往關上奸細

作為內應你好進兵奴賊當與金珠無數又攢假達二百餘名

跟隨過河竟投關上去訖又見奴賊連月出兵常是途中屢因

江東兵馬過去剿殺往還四救不能前往關關等情備咨到部

送司案呈到部擬合就行為此

密加盤

一咨督師閣部

合咨前去煩為查照咨內事理

密加盤詰姓雷姓趙勿致潛為內應施行

天啓四年四月

三

日郎中廖起燾



兵部為塘報事職方清吏司案呈奉本部送據平遼總兵官  
毛文龍揭前事內稱報功請賞緣繇等因到部送司查得先  
為大將督師深入等事該本部題請仰乞

聖明念其前勞策其後効頒賜

勅諭一道獎勵毛文龍功績特發帑金三萬兩給賞將士勞苦差官

一員齎至海島宣布朝廷憫恤征人寵賚功臣之

德意文龍以及將士有不感激

皇恩益奮忠勤誓以滅奴為期者未之信也近奉

旨取太倉太僕寺銀內亦可動支三萬兩及時解發懇乞

聖明之留意而俯從焉等因具題奉

聖旨毛文龍深入斬獲有功著賜勅獎勵賞銀一百兩大紅蟒衣一襲  
併有功將士統候另叙仍發帑銀三萬兩充賞功等費作速差官



解去其糧餉着戶部即與議處欽此該本部題差中書許立禮  
解送訖又為海外致勝益奇等事奉

聖旨該鎮屢斬奇捷着巡撫官查明優叙仍于前取各衙門賞軍  
銀動支三萬兩作速解送給賞等因該部知道欽此該本部題  
差主事張福臻解送訖該鎮屢次奇捷本部兩次題請發賞  
功銀共六萬兩已差官解發訖今難再請應行割該鎮通查獲  
功員役照例每顆五十兩外止用一半其餘普一賞大小將領及各  
軍士以彰

朝廷勸激之恩等因案呈到部擬合就行為此合割該鎮即便遵  
照割內事理施行

一割毛文龍

天啓四年四月

五

日郎中廖起麟

兵部為清查馬匹急請發銀召買以充戰陣事職方清吏司

案呈案照天啓三年十二月初八日奉本部送准宣府巡撫王

谷稱據分守口北道右叅政張曉呈蒙本部職憲牌備查都

督黃明臣原該馬價銀七萬七千五百五十二兩零節次買完馬

若干用過價銀若干解送榆關有無取獲印信批廻其價是否

准其照數開銷仍該未買馬價銀若干見今收貯何庫作速查

明造冊呈報蒙必行據在城同知簡懋爵呈准中軍都督府都

督同知黃明臣回稱本職原該馬價銀七萬七千五百五十二兩

二錢六分陣除奉文庫貯七萬兩外存剩買馬銀七千五百五十

二兩二銀六分嗣後復領出庫銀六萬三千二百一十八兩八錢四分二

項共領過七萬七百七十一兩一錢按宣大兩鎮市口買解過馬三十

四運共計三千七百七十匹用過馬價草料籠繮馬稅共銀六萬

六千八百一十一兩七錢六分又雇覓長川餵馬人役併通官牙行  
馬字人等工食共八箇月用過銀四百兩二項通共用銀六萬七千  
二百一十一兩七錢六分奉有閣部批廻十九張仍該十五運批廻未  
回難以造冊及差官姚天輔等領賚馬價見在殺胡堡市口收買  
馬匹待買完用過價值等項銀兩另行開報查得山海召商買馬每  
匹價銀一十八兩今職所買馬匹連草料人工馬稅每匹止用一十七  
兩有奇較之召買似亦少省今准前因先行揭復等因到職准此  
查得黃都督原該買馬支剩銀七萬七千五百五十二兩二錢  
六分內除奉文寄收本職官庫銀七萬兩本督存留銀七千五  
百五十二兩二錢六分買馬間節准本官具領於前項銀內陸續領  
去六萬三千二百一十八兩八錢四分二項共銀七萬七千一百一  
錢共買過馬三千七百七十匹用過馬價草料等銀六萬六千八

百一十一兩七錢六分又餵馬等役工食用銀四百兩二項共用銀六萬七千二百一十一兩七錢六分外該督仍收見在銀三千五百五十九兩三錢四分見今差人赴市收買本職官庫實存馬價銀六千七百八十一兩一錢六兩其本督買完前馬三十四運解赴榆關今已取護閣部批廻一十九張尚有批廻一十五張未曾取到中間馬價不知減駁多少實用銀數未定以以不便造冊等因具呈到道覆查無異轉呈到職看得買馬之役至煩費至勞擾也自有東事以來本鎮買馬解遼無歲不有然或委官借以以齟齬地方或將領借以以科派營路每馬一匹費至二十餘金而告幫貼告賠費者不可勝數此本職所目擊者黃都督承委以來親率弟男家丁遍歷市口自買自解不擾一軍先後先後凡八月買馬三千七百七十匹不但比營路為省且視召商節省亦已多

矣雖批文未盡回而本職驗發有數似亦無冒破也該省忠勤超  
事謹慎過人此事原非所欲堅辭至再職原許以事竣之日  
各請優叙今職以來裝候代該督事已告竣所有買過馬匹用  
過價銀應行各請既經該道具呈前來擬合各報為此合各  
兵部煩請查照施行果中無冒破馬有實用仍從優叙以酬  
其勞庶一風百於戎務有裨矣等因到部送司存查聞天啓四年  
四月十八日據黃明臣揭同前事內稱本職自天啓二年六月內蒙前  
經畧尚書王 題銀十萬兩付職買馬于九月內領到前銀即  
于本年買完馬一千二百三十五匹解交視師閣部孫 驗收  
共准過價值草料人工馬稅籠纜等項銀二萬二千四百四十  
七兩七錢四分天啓三年正月內蒙前本部尚書董 咨宣府王  
撫院銷算明白復咨在部亦有視師閣部孫 印信總批回存



照于本年六月內復蒙本部閣部咨王撫院又接本司與職手本  
相同將下剩銀七萬七千五百五十二兩二錢六分仍令職及時  
易馬解送掄應用即咨會王撫院查驗馬匹覈定價值職  
于六月至十二月復買完馬三千八百七十四匹俱經王撫院一一驗  
過然後運發掄關其用過價值人工馬稅籠繮等項銀兩撫  
行道道行府查駁再三銷筭詳明止准用過銀六萬九千零九十  
二兩八錢六分逐款造有清冊咨本部訖因見職買馬辛勤賠補  
虧苦咨會本部優用以酬勞勛咨文可查所有下剩銀八千四百  
五十九兩四錢賠累最苦亦不敢言業照報部冊內數目逐一湊處  
交宣府撫賞庫取有簡同知庫收一紙應緣本部以聽別用是  
役也職竭盡一腔心力博得五千餘驥見今卧病悉繇勞傷其  
用過銀兩宣撫咨冊可查交過馬匹閣部印批存証下剩銀兩

見有庫收惟本部一按即無容職之多贅矣等因到司該本司  
查得本官原領銀十萬兩買過馬匹有無實收用過價值有無  
冒破剩下銀兩本部作何支用應俱查會宣府巡撫衙門以便  
題請銷算等因呈堂奉批本官買馬四千有奇用銀九萬餘  
兩計二十兩一匹夫據院疏參皆段不堪劣馬尚未知有實數  
否何得以節省八千修足行文嚴查報奉此案呈到部擬合就  
行為此 一咨宣府巡撫 合咨前去煩為查照咨文內事理  
備查黃明臣原調馬價買過馬匹用過價值并遺剩銀兩交貯  
是否務期查實咨覆以憑銷算施行

天啓四年四月

二十五

日即中廖起獻



兵部為任重材疎時艱苦盡懇鑒東事緩急可否接濟蚤賜禘職以免厭賂事職方清吏司蔡呈奉本部送據平遼總兵官毛文龍呈職自天啓元年七月內復鎮江以來駐師朝鮮糧米本色有數盔甲器械無多種種備造扶年逐月兵馬錢糧人口總數清冊呈報外三年至今乞餉請糧百不發一旦歸附遼人日漸日衆因糧於敵日久日無即借地分屯各各島雖獲秋成難賑億萬之饑急于五六月間差官毛士美等至登買米銀五千餘兩周宗禹等買皮襖守支原貯山東銀一萬兩冬底不到饑寒何濟誤在原差都司二員駕舡接運陸九州以武科而委用鄧子智以青衿為可託詎知道遙登萊接濟不前視

國法如弁髦矣獨不思足兵先於足食師行而後糧澄一朝無食

父子不顧饑寒迫體壯士夫色職豈能置之膜外於是括借商民  
既苦於償還之無自買糴朝鮮又苦于旱潦之告荒則職之不  
能為無米之炊惡寒輟冬其供職無狀可知矣最可哀者浙直  
營官兵五百餘員名從天啓二年九月起無糧至今必惟救死而  
恐不贍計有忍凍餒以就斃斃而已又如江淮營官兵五千出海  
于三四五六等月至鮮實數三千五百員名皆裸體赤身並無一人  
持半月之餉遺下一千五百名職隨補東歸西兵撞實前數至今  
九個月有餘月餉分毫未到又如南北遊營原題援遼官兵一千三  
百餘員名到鮮者寥寥數百其餘不知規避於何地又如征東營  
官兵三千員名至鮮止一千一百員名餘皆不到總之有名無實  
總之餉皆不給即少有給發者在登管糧掾吏每餉銀一千兩  
勒捐常例一百兩而鋪堂管兌者又不知勒詐若干也至于鎖

舡修船隻貪酷索書辦等每領舡一隻不論其大小堅脆勒銀十兩修船亦不問其堅固每銀百兩抽銀三十兩當事者或不能禁受害者誰能箝口嗟嗟以何時也而尚容以盜臣沒削脂膏耶不獨此也職差官買米請餉之舡不容進登水城內安泊悉皆驅逐海洋隨風颶損傷人覆糧亦不痛惜豈方內方外視為兩截民脂民膏視為土苴乎抑職不屬王臣致誤封疆大事故視為冷着不急應耶如視為冷着則當罷職罷兵以蠲虛糜之費倘視為急着則當發糧發餉以救燃眉之急今既不撤四又不接應則職之身肉無多鬼運無術不能點鐵成金又不能囊沙為米忍坐視擐甲之士招徠之民凍爛手足餓死道塗乎昔徐庶有言曰方寸亂矣今職一心聞敵西叩身先士卒又一心料理萬姓之饑寒又一心日給窮兵之凍餒方寸搖搖不惟

亂而且碎矣又安能為

朝廷完以勦局也懇乞俯鑒機宜奴賊可否征勦餓士糧餉該否接濟流民衣食聽其先生汚吏誤事合無正法明割緩急的示進止選擇賢能之將代理其事以終大勦庶免脫巾之虞以解倒懸之阨職得生入榆關有餘榮矣苟因到部送司查得該鎮糧餉不敷應客行戶部措處接濟其兵餉船隻與未到之兵事隸登萊者客登萊撫院查給至若陸九州鄧子智之奉委遲滯胥吏之勒索常例併行登撫查勘庶無隳該鎮任事之苦心苟因案呈到部擬合就行為此

照施行

一客登萊巡撫 合客前去煩照客內事理逐一查

一客戶部 合客

貴部煩為查照各內事理措處糧餉接濟施行

天啓四年四月

十六

郎中廖起獻

兵部為專官稽查發抄以慎軍務事職方清吏司案呈案照  
先奉本部送兵科抄出貴州道御史徐吉題為毛帥之驕謔  
報萬分可虞等事奉

聖旨邊備宜嚴這所奏着該部嚴行着實整飭不得仍前虛文塞  
責你每科道官條陳邊事併各處邊情奏報不得發抄且屢旨  
嚴禁通不遵行着兵部專委司官丁員嚴查抄報人治罪如違併  
行究處欽此欽遵抄出到部送同欽遵在案近查內外各衙門一  
切章奏無論大小一槩發抄甚至違手好閑之輩駕語誼謔以  
致中外不寧殊非法紀相應專官查覈嗣後凡有內外一切  
章奏事關軍務者各報房俱送本官查驗方許發抄不得  
朦朧槩發案呈到部擬合就行為此

一劄主事鄒忠胤合劄本官照劄事理凡內外各

衙門章奏有事關軍務者逐一查覈方發報房如賁奏員役  
并坐班及寫報等役遵約束者即盡法究治施行

天啓四年四月

二十六

日郎中廖起獻



兵部為擒獲叛黨請

旨處分事職方清吏司案呈案照先奉本部送兵科抄出山東巡撫王題稱擒獲叛黨張爾心等因奉

聖旨逆黨查明正罪併紀錄各官已有旨了韓宗功審係逃將招逆賊情已經正法族屬親黨不得株連其避難官民人等流離可憫訛言易興着該地方官曉諭安輯毋聽讐言板誣陷以致驚擾還書刊榜文徧示遠近使知朝廷軫恤至意該部知道欽此該本部移咨山東撫院知會外先該登萊巡撫索題為拏獲逆黨事內稱拏獲逆黨張爾心等緣繇奉

聖旨這擒獲逆黨查無讐誣等情着分別正罪有功各官准紀錄其避難官民地方官不時譏密察仍晚諭撫恤毋致驚疑該部知道欽此該本部移咨登萊撫院知會外查得逆黨張爾心等奉有



明旨查無讐誣等情着分別正罪似無容本部再為題覆今該省衙門未見題結此案恐是候本部覆題也應行咨彼中遵奉

明旨查無讐誣分別正罪以完前案以定民心等因案呈到部擬合就行

為此

一咨

山東登萊

各巡撫

合咨前去煩為查照施行

一咨都察院

合咨

貴院煩為查照咨內事理轉行山東巡按御史施行

天啓四年四月

奉

日郎中廖起壽

兵部為榆關需馬甚急奸弁侵盜成風等事職方清吏司案呈案照  
先該本部題祭買馬各弁吳一朝等奉

旨嚴查去後至今未見銷筭視

帑金為土宜等法紀若弁髦應劄太僕寺將從前發過

帑金若干某年某月某官領過若干買過馬若干見貯若干逐項冊報以

憑查考尚有未收五萬兩不得擅動聽本部劄發以備實用等因案呈到

部擬合就行為此

一劄太僕寺

合劄該寺即便照劄事理逐項查明冊報仍將

見貯帑金五萬兩不得再動分毫聽候本部劄發以應急需施行

天啓四年四月

二十九

日郎中廖起懋

兵部為缺官事職方清吏司案呈奉本部送准吏部咨前事內稱原任四川按察司僉事田仰復除浙江按察司僉事官理溫處二府兵備事務補賈允元員缺移咨該部照例請

等因到部送司案呈到部擬合就行為此

一合具揭帖差主事鄒忠胤賞赴

內府翰林院請寫

勅書施行

計開請

一員浙江按察司僉事田仰查得本官責任整飭溫處二府所屬地方兵備要管分巡在於溫州駐劄往來提督各衛操練軍馬修理城池查考倉糧問理刑名禁革奸弊如遇倭賊流突曠徒嘯聚即與衆將協謀設法擒捕或調兵剿除務令盡絕毋致滋蔓如果賊勢重大申呈撫按官計處本官

為憲臣須持廉秉公正已率下用副委任或曠職誤事責有所歸

二十九

天啓四年四月

日即中廖起燾

兵部

題為

欽例奉行而倏止武科已疏而復墮業改督撫各缺於部復各留部各官於督撫人缺兩懸勢同永錮伏乞

聖明勅照節次已行揆選

欽例以信

明旨以鼓士氣事職方清吏司案呈奉案查近該本部覆議將各撫鎮下

旗鼓部道中軍註選會試中式舉等因題奉

欽依

欽遵外所有應選各官相應遵照註選案呈到部臣等查照題議

事理將項員缺從公註選見在守候三十七人一時盡註若涉于多然既非實缺又非舊缺令其各回候缺猶然各回之遺意也况各弁叨中制科旅棲已久雖膺虛銜未知實補何日盡選回免其羈旅窮困所稱情理之極便者無踰此矣合候

命下將後開各官俱量陞署指揮僉事照例以都指揮俸統行事照依註定

地方割令欽遵前去任事在各該督撫不得仍前議留舊官而選去各官亦俟舊官任滿到任不得躁競生事庶于選法得通而于

明旨不背矣竊因天啓四年三月二十六日太子太保本部尚書趙 等具

題二十九日奉

聖旨是欽此欽遵擬合就行為此

一行浙江巡撫合咨前去煩照本部題奉

欽依事理轉行各該守巡兵備等道將本部註選各官俟舊官任滿之日

即令到任管不得仍前議留舊官仍將各官到任日期各部查考施行

一割付傳宗義等十員合割本官遵照本部題奉

欽依事理前赴

管理

事務頂補

員俟本官遷轉之日即行交代管事仍將到任日期同原奉本部割

付呈報巡撫衙門各部查考施行

計開

傳崇義係浙江三江所武舉署實授百戶今選浙江寧

紹海道中軍守備頂任應科員缺

王業亨係浙江三江所武舉署所鎮撫今選浙江金衢道

中軍守備頂王信己員缺

吳有熙係浙江紹興府衛武舉署所鎮撫今選浙江紹台兵

道中軍守備頂章明幹員缺

施王政係紹興衛武舉署所鎮撫今選浙江撫院後牆把

總頂錢中選員缺

周建係錦衣衛武舉署所鎮撫今選浙江嘉湖道中軍

守備頂王璵員缺



章易係浙江紹興衛武舉署所鎮撫今選浙江杭嚴道  
中軍守備頂沈瀚員缺

邵允亮係錦衣衛武舉署所鎮撫今選浙江溫處道  
中軍守備頂彭宗周員缺

胡昌祚係錦衣衛武舉署所鎮撫今選山東青州道中軍  
守備頂黃建都員缺

李銳係山東萊州衛武舉署所鎮撫今選山東沂州道中  
軍守備頂彭文炳員缺

蕭九韶係忠義後衛武舉署所鎮撫今選山東濟南道  
中軍守備頂姜兆熊員缺

天啓四年四月

日郎中廖起獻

兵部為經費既乏軍需至急懇乞

聖明立發帑金以濟急需事職方清吏司案呈奉本部送准督師

閣部孫

咨前事內稱趙鴻臚齎解

帑金十萬兩到關隨行督發通判宋廷錫照數查收訖第軍務勢

劇需用襍還前項銀兩為數未敷是唯念軍機重急遵照

明旨咨催戶工二部多方措處解發來關接濟應用具仰同舟大誼

為愴笑等因到部查得先經遵奉

明旨移咨戶工二部去後今准前因應行再催案呈到部撥合就行

為此

一咨

戶部

合咨

貴部煩為查照先令咨內事理設法措處施行

天啓四年四月

日郎中廖起獻

兵部為姦弁縱兵劫掠捕官登時捉獲懇乞

聖明大振法紀嚴行拿問以懲貪暴以靖地方事職方清吏司案呈奉本部送准刑部咨山東清吏司案本呈奉本部送刑科抄出太子太保兵部尚書趙 等題前事奉

聖旨將官家丁盜劫比迹軍尤為可恨宋純臣着嚴帑拿究問賀文炳捕獲有功即加優錄該部知道欽此欽遵抄出到部送司該本司行據宋純臣張國相等研審情詞明白具招呈堂審看得守備宋純臣家丁張國相等以家丁而為盜敢往逞於都門強劫張寡婦之家私捆載而出適遇賀文炳之夜巡公然拒敵折其槍杆傷其海巡人賊并獲於當場駢斬何辭於島示宋純臣守備是司未聞備禦之策統馭無法全疎鈴轄之防原情固無縱放按律難追杖懲且剝削嘖嘖於衆口而辯飾曉曉于口頰仍發閤門立功圖報既經該司

問擬前來臣等覆審無異相應題

請恭候

命下臣部將張國相張文保張三才即便押解赴市曹會官處決餘  
依擬發落施行等因具題奉

聖旨張國相張文保張三才着便會官處決餘依擬欽此欽遵該錦衣  
衛官旗賁捧

駕帖到部將張國相張文保張三才押赴市曹會官處決訖又該刑科  
抄出到部送司將宋純臣追完紙贖周希東追紙的決發落其  
宋純臣相應解兵部附過還職查發山海立功等因案呈到部擬  
合就行為此合咨兵部煩為查照咨文內事理希將解到守備宋純  
臣查發山海關督令盡心立功報効希文回覆過部以憑附卷施行  
等因到部送司案呈到部擬合就行為此

一各督師閣部

合各前去煩為查照來文事理將

守備宋純臣查故立功施行

天啓四年四月

日郎中廖起獻

太子太保兵部尚書臣趙 等

題為缺官事職方清吏司案呈照得副總兵職銜管分守山東臨清地方叅將事楊國棟近該本部題奉

欽依以原官調協守大同副總兵所有員缺合當推補案呈到部臣等從公推舉得原任浙江台金嚴叅將署都指揮僉事正馬孟驊新推薊鎮總督標下右掖營遊擊將軍署都指揮僉事陪高璘俱各堪任伏乞

聖明於內

簡命一員如用馬孟驊降起遊擊將軍職銜管分守前項地方叅將事如用高璘仍以原官管事候

命下之日本部備查原擬責任請

勅一道責付本官欽遵任事合用

符驗旗牌照例就彼交代具繇回奏 云



旨

計開擬任分守山東臨清地方叅將官二員

馬孟驛係海寧所指揮同知歷陞署都指揮僉事原任浙江金嚴叅

將革任回衛天啓三年本部題差押解貴州餉銀<sub>其</sub>事竣推用近

該協理京營戎政朱

咨稱本官危黔解餉備嘗險阻歷盡苦辛且

久在京營兩經薦剡本屬有用之材

為推用茲值前缺相應推用<sub>補</sub>

高璘係綏德衛指揮同知歷陞署都指揮僉事先任都司僉書職銜

管宣府上西路叅將事天啓四年正月推薊鎮總督標下右掖營遊

擊將因員缺咨補麻登雲本官聽候別用茲值前缺相應推補

天啓四年五月

初七

日郎中

廖起燾  
張瑋

太子太保兵部尚書臣趙 等謹

題為缺官事職方清吏司案照得叅將職銜管山東巡撫標下中軍遊擊將  
軍事查克鏐近該本部題奉

欽依調保鎮倒馬關叅將所有員缺合當推補案呈到部臣等從公推舉得叅  
將職銜管登萊巡撫標下中軍遊擊將軍事署都指揮僉事

李友梅分守廣東香山地方叅將署都指揮僉事

蔡一申俱各堪任伏乞

聖明於內

一員俱以原官調管前項中軍遊擊將軍事候

之日本部備查原擬責任請

勅道賚赴本官欽遵任事遺下員缺另行推補 云

計開擬堪山東巡撫標下中軍遊擊將軍官二員

李友梅係大同前衛百戶歷陞署都指揮僉事見任叅將職銜管  
登萊巡撫標下中軍遊擊將軍事

蔡一申係黃州衛武舉署所鎮撫歷陞署都指揮僉事見任分守  
廣東香山地方叅將等因天啓四年五月初八日太子太保本部

尚書趙 等具題十一日奉

聖旨是有點的依擬用欽此內馬孟驊李友梅各有點抄出到部送司案呈到部除  
劄仰馬孟驊定限本年六月十五日李友梅以新官交代之日為始定限十日  
以裡各到任外

一咨山東巡撫 合咨前去煩照本部題奉

欽依內事理行令各官依限到任仍將到任日期并履歷  
同原奉本部劄  
付呈報巡撫衙門繳部查考如過限不到及不繳部劄照例叅究施行

一咨都察院 合咨

貴院煩為轉行山東巡按御史照依本部題奉

欽依內事理行令各官依限到任如或過遠照例參究施行

一劄馬孟驊

李友梅

一合具揭帖差主事孫元化賁赴

內府翰林院請寫

勅書施行

計開請

勅官二員遊擊將軍職銜管分守山東臨清地方叅將事署都指揮僉事馬驊查得本官責任專駐臨清地方管轄德州武定沙溝三守備濟南東昌兗州三府兵防俱屬管理調度無事則選練兵馬脩理城池緝捕盜賊有事則移駐德州督率武定德州二守備相機防禦鄰境重大賊情亦要兵策應毋得觀望推諉坐失戰守機宜如遇漕船過往即督率該路官軍

沿途催備防護凡一應軍務事宜與各該兵備計議而行仍聽撫按官節制本官受茲復設委任尤須持廉秉公正已率下以稱職守如或貪黷僨事責有攸歸

叅將職銜管山東巡撫標下中軍遊擊將軍事署都指揮僉事李友梅查得本官責任管山東巡撫標下中事務專統領新募標兵官舍家丁三千二百員名併為一營平時統領訓練整飭營陣撫養士馬精利器械有警隨處應援往來截殺聽巡撫官節制本官須持廉奉法正已率下圖副委任如或貪殘僨事

典具存決

天啓四年五月

十七

日即中  
廖起獻  
張瑋

兵部為懇乞就近題陞廉勇將領等事該本部題云等因天啓四年五月初三日太子太保本部尚書趙等具題初六日奉

聖旨是欽此欽遵擬合就行為此

一合具揭帖差主事孫元化賡赴

內府翰林院請寫

勅書施行

計開請

勅官一員分守浙江杭嘉湖等處地方將署都指揮僉事褚翰查得本官責任專在海鹽住劄往來蘇山海寧平湖嘉興湖州等處召集驍勇操練官軍修葺城堡其杭嘉湖三府境內衛所衙門把總府佐州縣等官悉聽本官調度管轄凡事俱與兵備官協同計議而行若有探有警不分水陸相機攻捕西接金山東接紹興如遇賊勢重大俱要會同截剿仍聽巡撫總兵節制本官須持廉奉法振揚兵威圖稱任使如或貪黷債事必罪不宥

天啓四年五月

初八

日郎中廖起獻

張瑞



兵部為請設提塘以通海外聲聞事職方清吏司案呈奉本部送據平遠總兵官毛文龍呈稱職居海外責無征剿其於進取機宜併

廟堂行止事件損益利病以及山海聲息因相遠隔三年以來纖毫不知然念與疆場有大關係不得提塘傳報相聞職從何領悉今有張應魁久歷戎行則知邊務堪任斯職伏乞速賜施行則職不致龍耳瞽若張應魁蒞事不勤有負委用亦何難易之推而梯之職忝等因到部送司查得海上寫遠邸報不聞毛帥議立張應魁為塘報似應准從呈堂奉批准從奉此又奉本部送據張應魁呈為懇恩憐念海外提塘俯准題授實銜事等情到部送司查得張應魁係實職鎮撫毛帥呈請為遠鎮提塘業奉批允本官遽請題授都司職銜碍難准從似應給與本部守備劄付管傳報事俟効勞日久再為議處未為晚也呈堂奉批張應魁既係實職准給守備職銜管塘奉此案到部擬合就行為此

谷登萊巡撫

合谷前去煩為查照施行

一割付張應魁

合劉本官照創事理管理塘報施行

初九

天啓四年五月

日即中廖起嘯

張瑞

兵部爲出海淮兵虛名無餉備舉巔末之因危迫之狀以清糧餉事職方  
清吏司案呈奉本部送據平遼總兵官毛文龍呈稱切照卑職奉行  
天討駐師朝鮮招撫入冊順民四十餘萬入伍者三萬七千有餘馬騾六千  
餘匹併發米銀米布足業已備造花名實數文冊呈報部院外無  
事喋喋再瀆矣獨江淮營之官兵不得不備細一昭揭之也蒙登  
萊游監院于天啓二年九月間查點官兵五千員名付與叅將許日  
省張國棟汪崇孝朱家龍李大珊等帶領出海應援來文不啻詳  
矣除許日省本年十月到外餘官遂巡各島于天啓三年四<sub>五</sub>月六七八  
等月零星到鮮職隨按冊點閱考其文冊則五千員名也核其實  
數則三千五百名也現其狀貌皆裸體單衣也問其器械則赤手空  
拳也驗其盔甲則百無<sub>有</sub>一也稽其月餉皆曰渡海以來分文無有也及  
叩之以衣食又皆曰茹海苔而處茅草也職聞言駭然驚愕不禁歎

噉曰兵以禦敵為職遇于不得已之中選西來避難之兵一千五百以足其數又分遠衆之口食以救江淮之饑夫有不足者再借客商之布疋銀貨換米豆以延其殘喘復諭統領將官急令造冊掛號鈴印以請額餉庶幾早一日得早濟一日凍餒詎知望餉者如止渴之梅而處餉者如清風之嘯力請而愈不應即如許日省張國棟李大珊來者十分之四朱家龍與汪崇孝之營自渡海以來不聞絲毫之到鮮也將置此兵於何地乎抑亦立而視其死與求收與留斷不容已也嗟嗟以數十萬之軍民仰給於職之一身已自無策可施以慰嗷嗷懸絲之命再加饑寒之淮兵籲天號地向職控訴雖鉄石心腸有不痛哭流涕者幾希矣為今之計凡移文到日乞即為照數兌發速解至鮮仍令職公同各將領照驗明白然後分鑒秤兌逐一挨查唱名給散其中有曠與有餘者登記明白移文知會現曠餘若干以省後月之糜此法一立庶在兵無虛

冒之弊在將領無影射之虞在職有稽查之實無干係之擔矣否則  
駕言於波濤之捐壞或托故於廩祿之侵尅獎實百出莫知底止他  
日勿謂職不言而蒙

上欺

下併以昧心跡也伏乞體察施行等因到部送司查得兵餉事隸戶  
部應移咨戶部代為題請案呈到部擬合就行為此

一咨戶部

合咨

貴部煩為查照施行

等因到部送司查得淮兵糧餉事隸登萊應移咨萊撫院查處

案呈到部擬合就行為此

一咨登萊巡撫

合咨前去煩為查照施行

初十

天啓四年五月

日郎中廖起獻

張瑞



兵部為桀弁藐法強橫騷擾急正軍律以肅効尤事職方清吏司案呈奉本部送據平遼總兵官毛文龍呈竊照卑職擁二百孱弱之衆當數萬虎噬之虜其衆寡弱強之勢既已相懸而席捲破竹之威又不能禦斯時非藉聲援於麗國則成敗利鈍又非職之所知也然職居藩服斤斤自持結以忠信陳以大義不欲騷擾者留此一塊土以復遼之基耳柰西來之官識見不同肝腸各異於天啓二年六月間有加銜守備金一鯨者既奉先任登萊陶撫院紅旗督兵海上乃其責也迺竟假紅旗名色無故直至朝鮮王京城內假虎之威索勅無厭盈橐充囊網載而歸至今麗人冤聲不絕欲吸其髓不特此也有登州南北遊營原題援遼官兵一千三百三十四員名沙唬划舡十七隻

明旨昭然斷不容規避者乃金一鯨橫占官兵舡隻不發至鮮逍遙海上輕視國法致悞軍機何物么麼而敢為此無忌憚也獨不思



國家養兵原以戡亂人臣受官亦當報効均一鯨也前何以視利如鷺擾  
害朝鮮而不顧後何以視敵如虎規避內地而不來律以逗遛之條則藁街  
之誅固不容逭正以騷擾之刑雖頭足異處亦不為嫌也懇乞

乾斷絕法遊示九邊庶軍國大務不為神奸阻撓則東征將士有所儆戒振  
惕而平遠可指日也否則悠悠忽忽任玩愒之官效清人之翩翩而不  
之禁歌北山之獨勞而莫之恤將來之事不知所底止矣勿謂卑職不言  
而自泄泄也職之身固不足惜其如疆場大事何等情到部送司查  
得毛總兵呈稱加銜守備金一鯨橫占官舡擾害朝鮮似應行登萊撫  
院查確處分呈堂奉批咨行奉此案呈到部擬合就行為此

一咨登萊巡撫

合咨前去煩為查照咨內事理將金一鯨查處施行

初十

天啓四年五月

日即中

廖起鳳  
張常

太子太保兵部尚書臣趙

等謹

題為缺官事職方清吏司案呈照得浙江軍門標下左營遊擊將軍兼理中軍事周之翰近該本部題奉

欽依推陞貴州清浪寨將所有員缺合當推補案呈到部臣等從公推舉得都司僉書職銜管四川建南遊擊將軍事署都指揮僉事黃承爵南京都城巡邏營坐營以都指揮體統行事指揮僉書黃一麟俱各堪任伏乞

聖明於內

簡命一員如用黃承爵仍以原官調管前項遊擊將軍兼管中軍事如用黃一麟量陞署都指揮僉事以僉書職銜管事候

命下之日本部備查原擬責任劄令欽遵任事所有不生名傳勅并旗牌照例就彼交代具繇面奏遺下員缺另行推補

計開擬堪浙江軍門標下左營遊擊將軍兼理中軍事官二員

黃承爵係南京興武衛指揮使歷陞署都指揮僉事見任都司

僉書職銜管四川建南遊擊將軍事

黃一麟係安慶衛指揮僉事天啓元年九月推以都指揮體統

行事南京都城巡邏營坐營四年該南京兵部等衙門尚書

陳道亨等奏保四次歷俸二年十個月等因天啓四年五月初

三日太子太保本部尚書趙 等具題初六日奉

聖旨是有點的依擬用欽此內黃承爵有點抄出到部送司案呈到部除劄仰本

以新官交代之日為始定限 月十五日以前到任外

一咨浙江巡撫 合咨前去煩照本部題奉

欽依內事理行令本官依限到任仍將到任日期并履歷緣繇同原奉本部劄  
付呈報巡撫衙門繳部查考如過限不到及不繳部劄照例從寬施行

一咨都察院 合咨

貴院煩為轉行浙江巡按御史照依本部題奉

欽依內事理行令本官依限到任如或過違照例叅究施行

一劄黃承爵

十二

天啓四年五月

日郎中廖超獻

張瑞

太子太保兵部尚書臣趙 等謹

題為遵

聖諭申飭邊備事職方清吏司案呈到部該臣于五月初四日内閣傳奉  
聖諭一道到部臣長跪捧讀仰見我

皇上留心東事明見萬里其於制禦機宜詳言之臣部自愧無謀不  
能為

皇上汛掃夷氛致

聖明殷憂若此真有食不下咽寢不帖席者除即時馬上差人傳諭樞輔  
總督鎮巡等各衙門守隘諸奸倍加謹密又傳諭戶工二部督餉等  
官查給軍需接濟毛師無敢遲誤時刻悉遵

明命奉行矣然臣料薊門一帶元老提衡于上諸臣戮力于旁其為未雨  
之防衣袵之戒者固已有素即奴至可必無虞但兵貴伐謀與其來而制



之不如制之使其不來夫不來有二非使之畏而不來即使之疑而不來耳畏之非一大創之不可而度今時勢且未能及則舍疑之一法更無策矣疑之之說亦有二不過曰聯西虜以携其交也濟毛帥以牽其應也蓋西虜不假道于奴決不能飛度我不開隙于西虜決不肯假道而虜性貪婪不能不為賞動也惟其可以賞動故我還可以款收之蓋款之利厚于戰虜必徇其享者而撫之利永于剿虜亦必徇其永者故數陳利害申明盟誓在有心計能言辨之士耳然款不在額外之增要在額內之實國家金繒歲費十數萬而邊臣率以濫恩充抵致黠虜面承心恨則啓侮召釁恒必由此若慎簡廉謹之臣以司撫賞以結虜情則虜必不輕受奴賄而輕假奴道奴度賄輕不足以動虜而賄重又先已自損則買道之意亦息矣此在督撫諸臣所宜絳

聖諭而以實應者也毛文龍孤軍海外倏進倏退雖未遽能滅奴而亦足以掣

奴昨歲屢戰屢捷奴亦有懼心焉然先師之軍孤懸於海島而奴之奸謀未可逆料又當乘其不備而批吭搗虛者是在文龍之磨礪以需耳乞皇上賜一璽書獎其忠勇而飭以廣偵探精間諜使奴果有狂逞之意務必多方撓之使不敢西向一步方為全功而朝鮮向為文龍所倚居其地資其糧形勢必解體解體即未敢明悖天朝而文龍失一應援亦非進取之利也

皇上即不遽聽其請亦不宜久稽其封容臣申明李徐輸順之誠今與毛文龍同心合力以制奴至今冬明春有實績可紀即遣使立封以昭大位以獎忠勤尤勛文龍以率奴賊之上策也而文龍部卒數萬求糧不得求器械不得將令其枵腹荷戈空拳冒敵乎則酌量接濟所斷不容緩矣但使資糧粗辦士馬飽騰則文龍可以深入可以堅守至於可入可守則奴又必却顧而不敢西來矣此在戶工西部與督餉諸臣所宜絳



聖諭而以速應者也雖然奴謀甚謫奴筭甚周離深窟而走迂道捐厚貲而圖未獲度不出此安知其非陽借徑于潘家口等處而陰伺隙于山海取又安知非聲言于西而實注意于東將掄取毛帥以除其肘腋之患耶總之為今日計無處不宜防無時不宜防而又宜厲兵秣馬鼓勇作勢如寧前將士則勃勃有規廣寧渡三岔之象如登萊將士則駸駸有越旅順窺海蓋之象使奴常慮我往則我自可無慮奴來矣而日邁月征師老財匱究竟捷伐恢復之局亦不可不及時早結者也臣智畧淺短何能仰佐高深止據目前緊要一二以伐狡謀以寬

睿慮如此伏惟

皇衷採擇施行等因天啓四年五月初六日太子太保本部尚書趙等具題

初九日奉

聖旨是朝鮮封事已有旨了該部移文應援還查明行欽此欽遵擬合就行為此

一各登萊巡撫

合各前去煩照本部題奉

明旨內事理欽遵查照施行

一各朝鮮國王

合各前去煩照本部題奉

明旨內事理欽遵查照施行

一劉總兵毛文龍

合劉本官照依本部題奉

明旨內事理欽遵施行

一合具揭帖差主事孫元化賞赴

內府翰林院請撰獎勵總兵毛文龍

勅書施行

天啓四年五月

十二

日即中廖起獻

張瑞

太子太保兵部尚書臣趙

等謹

題為遵化變夷正人心濟時艱以期恢復事職方清吏司案呈奉本部送准平遠總兵官毛文龍呈稱職思自古濟大事者以收拾人心為本而收拾人心以教育鼓舞為先故人心一日不正則淪於夷狄一日無食則父子不相親心離倫數大事去矣而欲終大剝惜

國費其可得乎不知奴酋奴固強非難制之賊志剛而膽怯心狡而性疑數年以來喙息巢伏不敢向前一矢加遺其伎倆可知也倘職之士飽馬騰干戈所向何虜不破無柰當草枯冰凍之時斷絕往來船三軍饑苦洵洵人情危若朝露岌岌乎有朝不謀夕之勢又安忍驅其朽腹以櫻鋒鏑乎然饑寒雖迫於眉睫歸附如潤始知天理之在人心人人切故國冠裳仁義之思也於天啓三年十一月間寬奠右衛生員王元勲程鴻鯉等奉有

先師孔子神位一座奔島來見隨該職不敢棄褻暫借南遊營茅室三間安

其神位每遇朔望率領諸生行香諭之以

君師之理華夷之分周急不繼之格言固守其窮之要旨諄諄勸示而同舟共濟捐資賑施者爭相競助矣如右衛儒學生員程鴻鯉出銀二百兩浙人國子生章以獻出布二千餘疋聽選典史包九德與金華府學生員葛應貞商人方正劉一田吳宗成武旺洪文遠張時程佈功此數人等皆目擊時艱心存惻隱共出銀六千餘兩又如生員王佐出米二十七包陳繼盛沈世魁承恩蘇萬良倪洪元等各捐銀買米煮粥賑饑雖周濟於一時得弭脫中之禍不為溝中瘠者皆諸人樂助力也為今之計欲變夷為夏在先正人心心一正則有無之相通饑寒之相恤侏偁左社之民忽變為冠裳禮樂之俗無父無君之倫皆化為尊

君親此風共期復此遼東一塊土耳此職之鄙見實非多事妄行故不避斧誅激切呈請萬惟俯念職輩疆場性命僅在呼吸瞬息之間亟賜題

請火速催運糧餉登至軍前猶可救一生於萬死收將渙之兵心振幾墜之

國脉更乞獎賞急公尚義之士用勸將來其於恢復剝局不有補乎職之憂  
深慮遠熟計真真實實非敢過為張皇也等因到部送司案呈到部為照  
遼廣續亡所在瓦解其以孤軍錯處鄰偏而招徠撫戢使鼠竄流民幸父母  
之孔通鵠張狡賊憚虎豹之在山者不忍不為文龍傾服也而今益祀崇

先聖草野復見威儀賑助多人顛沛爭先仁義據程鴻鯉等或銀或布或米或  
粥數千餘金咄嗟立聚夫此數人者疇非難民而能挾有多貲可為深藏  
揮無吝色可為慷慨以夷狄患難之餘生而相率輸金不煩括粟風高卜

鄭畧備蕭韓抑何海外之多奇而師中之速化也是宜因

先聖以鼓舞就諸士以表章量照武學則例即以諸士領袖其中該鎮督  
理於上相其巧拙以為用之重輕衡其多寡以分銜之高下但不得仍用  
從前監生生員名色以希日後教授訓導職銜蓋干戈之用正殷禮樂

之興尚早除官不需吏部則黜陟更得自繇尚義盡可將軍則知方益  
 以有勇此在臣部不為越俎而該鎮亦易於觀成合無容臣行文該鎮  
 將助賑諸人收入武學聽該鎮便宜分別等第量加名銜以為義勇之  
 勸俟功成之後一併奏報叙授實官其請餉一節容臣移咨戶部多方設  
 處必期速濟萬勿以崇師興學之雍容信其飽煖勿以刮髓割脂之捐  
 助疑為富強致使雄臣色消於懸罄徒嗟吾道之非義士體解於空囊深  
 悔為仁不富亦何以希獻泮之誠因而返秉桴之木主哉既經具呈前來相  
 應題

請合候

命下遵奉施行等因天啓四年五月初九日太子太保本部尚書趙

等具題十

二日奉

聖旨是欽此欽遵擬合就行為此



一咨登萊巡撫

合咨前去煩照本部題奉

欽依內事理欽遵查照施行

一劄總兵毛文龍

合劄本官照依本部題奉

欽依內事理欽遵施行

天啓四年五月

十六

日郎中

廖起獻  
張瑞



太子太保兵部尚書臣趙 等謹

題為大將病故事職方清吏司案呈奉本部送據原任總兵官李懷信弟大同府儒學生員李懷遠呈為病兄奉調抵都謝世家鄉離遠旅視難歸懇乞憐給勘合事內稱有兄原任總兵官李懷信久抱沉疴呻吟床褥一聞起用之

告即興叱馭之思莫得殘喘可瘳馳驅可效遂於本年四月二十日輿疾前赴蓋欲仰報

聖明不期調治不痊於五月初九日午時身故離家七百餘里寸步難前旅邸遊魂號悲原野急公念重情實可憐乞查舊例填給人夫五十名馬三十匹庶骸骨得歸故土等情到部送司查得先該本部奉

旨催到總兵官李懷信方擬任用今據其弟李懷遠呈稱病故緣繇臣部一面差標營把總李成龍即刻親驗明白令其收殮外相應題

知等因案呈到部為照總兵李懷信嘆惜宿將威望可資

皇上宏簪履之仁諒將急纓冠之誼不辭間關遠赴

都門固其圖報之念也詎謂二豎纏身一逝不返亦諒將之命數至此則從

前告病之迹盡明矣除臣部酌量給與夫馬令其弟扶櫬籍分至本家  
久歷衝塞屢著戰功向以援遼戴患今以應召病故勞瘁亦有足多  
應照例給與卹典令行大同撫按官覈其生平功績有無過愆查例具奏  
仍容臣部從優酌覆以為武臣盡瘁之勸既經案呈前來相應覆

請合候

命下遵奉施行等因天啓四年五月十二日太子太保本部尚書趙 等具題十

五日奉

聖旨是李懷信力疾赴召勤瘁殁身還著照見任官給卹以示風勸欽遵擬  
合就行為此

一咨宣大總督 令咨前去煩照本部題奉

內事理轉行大同巡撫衙門一體欽遵查照施行

一咨都察院 合咨

貴院煩為轉行大同巡撫衙門御史照依本部題奉

內事理欽遵查照施行

天啓四年五月

十八

日即中廖起獻

張 瑞

兵部為捉獲漏網叛逆奸細懇乞

天誅以保

宗社以寒賊膽事職方清吏司案呈奉本部送刑科抄出本部等衙門題

前事該署陝西司事主事吳道會同掌陝西道事浙江道監察御

史林有臺大理寺右評事馬之陞浙江司郎中侯應瑜河南司郎中劉廷

諫公同會審得二名董萬象年四十歲遼東蓋州衛人韓攀桂年二十二歲

遼陽人狀招萬象與前案問斬已決副總兵韓宗功係兒女親家攀桂係

宗功長男即萬象女婿先是宗功屢因邊功歷陞副總萬曆四十六年間

奴酋犯搶撫順陷沒逆賊李永芳叛降入虜有已決劉保向充遼東塘報

官在京傳送一鎮文武官邸報因與李永芳通好仍舊傳送不絕天啓元年

四月內叛逆總兵賀世賢差人來京謀探有劉保已決次男劉于簡代父吞冤

賀世賢書內開韓宗功到已知事體停妥但三岔河兵馬不知多少此時乘

勝前來諒必無敗之理如過三岔廣寧更易山海愈便如或取勝  
師何難目今兵馬調赴不前畏怯大兵速速前來可也茲宗功回遼忙中草  
此密報該巡視中兵馬地方梁御史訪知前情題奉

會審節次將劉保劉于翰劉于簡各處決訖後遼陽失陷宗功自遼陽  
開船同家眷飄海到登州住下却不合帶領攀桂及在官小男韓三家人  
翰四韓宗人韓真各不合跟隨一同來張家灣投在官張義陽家歇寓伊  
亦不合容留居住時常京中往來比萬象亦因飄海至登州相遇宗功亦  
不合跟隨來京投在官首告人傳汝臣家歇寓宗功又不合以襲職安  
衛所為名將攀桂等進京與萬象同住萬象又不合做賣布賣豆  
生理往來山海關上因帶得在官先為僧侄董成俊至京同在傳汝臣家  
寓住成俊亦不合接先在官今省放娼婦左鳳來寓嫖宿攀桂韓三等各  
亦不合在先任官今省放水戶王瞎子娼婦胡藍田三武老馮七李銀家嫖飲



宗功等後搬住崇文門外三元菴在官僧性容虔性容亦不合容留居住  
傳汝臣見伊搬往菴內又思成俊充頭好指做達子隨將大夥奸細赴西城  
首報內稱韓宗功韓攀桂韓三帶領真達奴董成俊家人韓四韓宗仁董  
萬象投汝臣店歇踪跡可疑的是奸細開列在官李文英楊遇枝及左鳳等  
姓名在內隨該巡視西城崔御史差後押同原首及錦衣衛在官百戶傅養  
全認拏韓四萬象韓宗仁到城面審據韓四韓宗仁口供韓宗功同男韓  
攀桂韓三代奴酋來京探聽聞山海有兵馬謹守難以直入欲往喜峰口進  
約在正月內起兵大舉李永芳為總領奴酋第三第四子俱來奴兒哈赤  
坐老營兵馬十五萬來京犯搶今同達酋一人進京宗功在張家灣潛住等  
情續差兵牌至通溝張義陽家拏獲宗功韓攀桂等又於通州左把  
總下拏獲董成俊解城研審題奉

欽依抄部送司該署司事刑員外郎案呈奉本部咨會刑官會審各

奉委前來該本司刑員外郎會同陝西道掌道事王御史大理寺馬評事署山東司事侯員外郎廣西司劉主事會問各犯情辭參差不一在韓四韓宗仁各又不合妄供奴兵十餘萬要在正月內入犯叫宗功打聽

京師有多少兵馬時宗功與萬象家議不令別人與聞及供宗功欲錯營職官招兵來關上接應在董成俊又不合妄供岳巡撫要差李三都督往殺西達成俊遂報於西達子孫樞輔要趙將官哄王喇嘛進關領賞殺他成俊又報知王喇嘛因而不來及審韓攀桂則供家口四五十人見在集喇麻安東衛居住董萬象亦供家口五六十人見在登萊居住原未降承俊又供自幼為僧廣寧陷後與一玉田縣僧如夏同進關來後與山海關月城內關王廟僧承明為徒弟原非真達子致蒙會者得韓宗功以世職為遼大將遼陽城破逃潰從奴前日劉于簡所供懸案未



獲恨不得本犯而其心焉今乃與董萬象等以賣布襲職為名往來通灣

京師之間為打點偵探之計密謀暗室消息潜通韓四韓宗仁董成俊等董楚未加各行供吐所云招兵往關以圖應賊而宗功之罪通于天矣以今日之招合於劉于簡之所供逆券已無隱情一斬尤有剝罪至于董萬象韓攀桂韓三韓宗仁韓四韓真董成俊等情辭不一衆証未齊相應行查另結問擬韓宗功奸細走透消息探聽事情者律斬照杜茂新例決不待時具招呈部會同都察院大理寺覆審無異會看得韓宗功舊係遼將遼陷降賊而為之用已供在劉保前案矣不謂巨膽包天仍入內地以董萬象為腹心以董成俊為線索以其子韓攀桂襲職為名目曰賣布賣豆曰安衛所脩

京師脩通灣脩河西務踪跡靡常諱張為幻以至於暗室密謀招兵迎

敵供自董成俊韓四張義陽等口確有可據神人共憤蓋載不容所宜亟斬  
傳示榆關以遏元慙以寒奴膽者也其董萬象董成俊等或為共謀或  
為傳報或為親男或為廝養法難輕縱但所供情詞不一而就中衆証未  
齊妥應監候行查再結正法本部等衙門題奉

欽依這奸細韓宗功便看會官取決傳首榆關梟示董萬象等查明另結欽  
此除將韓宗功會官處決及將首級傳首榆關懸示訖案呈本部咨行督  
理軍務閣部併山東登萊順天遼東各撫及都察院轉行山東巡按御史  
行查去後又該巡按河南監察御史梁之棟題為逆裔韓前直窮塘  
報根因以除禍源事題奉

欽依法司知道欽此抄部送司隨准山東巡撫王 咨稱韓宗功家人韓萬成供  
稱天啓元年三月內遼陽失陷跟隨宗功併家口四五十人逃至海東蒙陶撫  
院用船接渡過海至登州住八箇月天啓二年六月內搬至安東衛賃生

員柄楊空房一所居住往來賣豆布生理糊口已經一年七箇月其家口除死  
亡賣買在外不計外有功妻姜氏萬氏王氏男韓天法韓天照小四麻兒  
婦董氏王氏家僕韓文魁等計共男女二十四名口見在董萬象胞兄董萬化  
供稱自天啓元年遼陽失陷携家眷五十九人逃至石城島蒙毛兵帶至朝  
鮮因陶撫院用船接濟繇彼渡海於本年九月初三日登州賃生員朱廷俊  
空房住後弟萬象遷安東衛賃王指揮房住挾贊同韓宗功往來買布  
豆生理本身仍在登州開紙馬舖今有萬化并父監生董達兄董萬民  
侄男董一清董一寧等母張氏嫂郭氏弟婦侄婦幼女等係男董瀛海家  
僕董自強等共計五十名口見在山東巡按回文亦同又准順天巡撫岳  
咨稱遼人有李三都督者名為李平胡皆言其知兵可用又有言其非  
李平胡也且年已老耄胡置而不用併無差其往殺西虜之事續又咨解  
僧人如曼到部送司又該督師閣部孫 奏為姦細之搜防當密流備

之惶惑堪憐懇乞

聖明詳察民心以弭邊釁事內稱如近日刑部咨稱臣傳趙將要殺王喇嘛女奴細董成俊從羅城密報王喇嘛逃走見今王喇嘛日在關城原為尚書張經世從宣鎮招來講誓每見臣時有賈慰何曾要殺何曾要逃大約反側之窺伺豈盡無因而奮快之筆楚何求不得等因奏奉

覽卿奏撫輯遠民譏防奸細自是弭釁安邊至計便著通行申飭地方各官務先鎮定人心毋得疎防苛索生事邀功該部知道欽此抄部送司又據通州道回本司手本內稱據奇兵營把總左良玉呈稱張義陽曾以書送董成俊到營食糧職未奉上行未敢私補而成俊隨即被獲等因遵該署司吳主事會同掌陝西道林御史大理寺馬評事浙江司侯郎中河南司劉郎中嚴提各犯到官逐一細加研審其董萬象韓攀桂家眷多人見在登州安東衛是實其岳巡撫差來三都督殺西達子董成俊密報西虜樞輔孫差趙將哄喇嘛進

關鎖賞殺他亦俊密報不來反覆疏咨全無影響妄係一時畏刑妄招并雷順  
天巡撫咨解先在官今省放僧人如夏秋稱董成俊實係從弟為僧在廣寧城觀  
音堂同住後廣寧陷復同逃進關是實矣與達子等情隨會審得董萬象  
者與韓宗功父子共旅於灣者也宗功以奸細服上刑矣恨不此輩盡懸藁街唯  
是反覆劉保一案叅之樞輔之疏章撫院之移文及諸犯前後之口供則不能無說於  
此蓋奸細之法必窮起謀接引之人按太劉逆爰書只有宗功而無萬象主謀原  
不相涉據云密室私言則達子為假刺麻非逆逆透殊為無據且携數十口絲  
遠而居登尚未甘於入虜即聚三五黨朝醉而暮娼亦豈類夫間諜第謂布鬻  
豈似假托為生涯倏京倏灣後詭秘其踪跡行者有同乎竊鉄見者難忘於  
影弓總之謀尚未行法當未戕萬象以肺腑之親攀桂為父子之情擬流不  
枉張義陽居停老猾韓三韓四成俊宗仁廝子痴兒城旦何辭韓真性容即杖  
示警再照生死出入律當覈情而罪孽危疑計宜善後戮其父併刑其子原



無並生之條從其子仍留其姻恐開株連之累除董萬象韓攀桂流罪外  
其韓三韓宗仁韓四董成俊韓真正罪之後仍行撫按着移遠省以杜後奸寓  
霜肅於覆載之中國法伸而

皇恩普矣除僧如夏省放傳汝臣等隨審外將萬象等取問罪犯七名董成俊年二  
十歲韓三年十六歲韓四年十九歲韓宗仁年四十歲韓真年四十歲俱遼東人  
張義陽年七十三歲薊州府人性容年三十八歲係僧各招同議得董萬象等  
所犯董萬象韓攀桂俱各比依謀殺未行為從者律皆杖一百流三千里董成  
俊韓三韓四韓宗仁張義陽俱依知而不首者律各杖一百徒三年韓真性容  
俱依不應得為而為之事理重者律各杖八十董成俊等俱有

大誥戒等董成俊韓三韓四韓宗仁張義陽各杖九十徒二年半韓真性容各杖七  
十董萬象韓攀桂董成俊韓三韓四韓宗仁張義陽俱民性容係僧審性容  
有力照例運炭贖罪董萬象韓攀桂照例免杖流三千里董成俊韓三韓四韓

宗仁韓真亦照例免其徒杖俱同萬象攀桂咨解兵部轉解山東撫按定發  
地方流徙安置張義陽招年七十三歲以止依律收贖鈔貫完日與性容隨審  
傳汝臣等各發落寧家照出董萬象韓攀桂董成俊韓三韓四韓宗仁俱  
免紙張義陽韓真性容各民紙一分各折銀二錢一分付山西司性容又該運炭  
八百二十斤折價銀一兩六錢四分湖廣司各上納作正支銷張義陽該收贖鈔二  
十貫本司收貯年終類

進通

取庫收收管附卷餘無照等因案呈到部臣等會同太子太保吏部尚書管都  
察院左都御史事孫 等大理寺卿林 等會看得韓宗功通同逆保供在原  
招久通天誅藁街已晚今既正法矣若董萬象韓攀桂者劉保原案既無姓名  
東省寄居更多眷屬以至同行真違子傳報王喇嘛種種情詞都無確據  
則拒輔之疏及各撫之咨可覆按也惟是條京條灣是何居止條立條布是  
何行跡條襲職條安衛條上本是又何空譚而無定着請張若此巨測堪



疑總屬未行之謀應是宗功之從在董萬象為姻戚在韓攀桂為長男  
均應流置在韓三為幼子在韓四韓宗仁為廝役在董成俊為萬象族  
侄在張義陽為宗功僑寓均應城旦韓真性容各杖丹照法求當情策宜  
善後各犯除董萬象韓攀桂應流外其韓三韓四韓宗仁韓真董  
成俊恐以罪孽之餘或生株連之虞仍行彼處撫按令同萬象攀桂一併  
安置遠方以杜後奸誠安輯與銷弭兩得者也既經會問案呈前來該臣  
等覆勘無異相應題

請恭候

命下本部將董萬象等移文山東撫按定發遠省流徙安置性容等發落寧  
家等因於天啓四年四月二十三日題二十六日奉

聖旨是欽此欽遵抄部送司遵將張義陽等發落訖案呈到部擬合就行為此  
合咨兵部煩為查照

欽依內事理希將董萬象等轉解山東巡撫衙門定發遠省流徙安置施行等  
因到部送司案呈到部擬合就行為此

一咨山東巡撫 合咨前去煩為查照 行

欽依內事理希將董萬象等定發遠省流徙安置施行

計開

流徙安置犯人姓名

董萬象 韓攀桂 董成俊 韓三 韓四 韓宗仁

韓真

天啓四年五月

十八

日即中 廖起 張瑞

太子太保兵部尚書臣趙 等謹

題為清查馬匹急請發銀召買以充戰陣事職方清吏司案呈案照天

啓三年十二月初八日奉本部送准宣府巡撫王 咨稱據分守口北道右

叅政張曉呈蒙本職憲牌備查都督同知黃明臣原該馬價銀七萬七

千五百五十二兩零節次買完馬若干用過價銀若干解送榆關有

無取獲印信批迴其價價是否准其照數開銷仍該未買馬價銀若

干見今收貯何庫作速查明造冊呈報蒙此行據在城同知簡懋爵呈

准中府都督同知黃明臣回稱本職原該馬價銀七萬七千五百五十二兩二

錢六分除奉文庫貯七萬兩外存剩買馬銀七千五百五十二兩二錢六分嗣

後復領出庫銀六萬三千二百一十八兩八錢四分二項共領過七萬七百七十一

兩一錢於宣大兩鎮市口買解過馬三十四運共計三千七百七十匹用過馬備

草料籠繯馬稅共銀六萬六千八百一十一兩七錢六分又雇覓長川餵馬人

役併通官牙行寫字人等工食共八箇月用過銀四百兩二項通共用銀  
六萬七千二百一十一兩七錢六分奉有閣部批迴十九張仍該十五運批迴未回  
難以造冊及差官姚天輔等領賣馬價見在殺胡堡市口收買馬匹待買  
完用過價值等項銀兩另行開報查得山海召商買馬每匹價銀一十八兩  
今職所買馬匹連草料人工馬稅每匹止用一十七兩有奇較之召買似亦少  
省今准前因先行揭復等因到職准此查得黃都督原該買馬支剩銀七萬  
七千五百五十二兩二錢六分內除奉文寄收本職官庫銀七萬兩本督存留銀  
七千五百五十二兩二錢六分買馬間節准本官具領於前項銀內陸續領去六  
萬三千二百一十八兩八錢四分二項共銀七萬七千一百一十一兩一錢共買過馬三千七百七十四  
用過馬價草料等銀六萬六千八百一十一兩七錢六分又餵馬等役工食用銀四  
百兩二項共用銀六萬七千二百一十一兩七錢六分外該督仍收見在銀三千五百五  
十九兩三錢四分見今差人赴市收買本職官庫實存馬價銀六千七百八十一兩一

錢六分其本督買完前馬三十四運解赴榆關今已取獲閣部批迴二十九張尚有批迴二十五張未曾取到中間馬價不知減駁多少實用銀數未定此造冊不便等因具呈到道覆查無異轉呈到職首得買馬之後至煩費至勞擾也自有東事以來本鎮買馬解遠無歲不有然或委官借此以誇斂地方或將領借此以科派營路每馬一匹費至二十餘金而告幫貼告賠費者不可勝數此本職所目擊者黃都督承委以來親率弟男家丁遍歷市口自買自解不擾一軍先後凡八月買馬三千七百七十匹不但比營路為省且視召商節省亦已多矣雖批文未盡回而本職驗發有數似亦無破冒也該督忠勤趨事謹慎過人此事原非所欲堅辭至再職原許以事竣之日咨請優叙今職已束裝候代該督事以告竣所有買過馬匹用過價銀應行咨請既經該道具呈前來擬合咨報為此合咨兵部煩請查照施行果中無破冒馬有實用仍從優叙以酬其勞庶勸一風百於戎務有裨矣等因到部送司俟其買完銷算間天啓四年十八日據黃明臣揭同

前事內稱本職自天啓二年六月內蒙前經畧尚書王題銀十萬兩付職買馬

於九月內領到前銀即於本年買完馬一千二百三十五匹解交視師閣部孫

驗收共准過價值草料人工馬稅籠繮等項銀二萬二千四百四十七兩七錢四分天

啓三年正月內蒙前本部尚書董咨宣府王撫院銷算明白復咨在部亦

有視師閣部孫印信總批回存照於本年六月內復蒙本部閣部咨王撫院

又接本司與職手本相同將下剩銀七萬七千五百五十二兩二錢六分仍令職及時易

馬解送榆關應用即咨會王撫院查驗馬匹覈定價值職於六月至十二月復

買完馬三千八百七十匹俱經王撫院二驗過然後運發榆關其用過價值人工馬稅

籠繮等項銀兩撫行道道行府查駁并三銷算詳明止准用過銀六萬九千零

九十二兩八錢六分逐款造有清冊咨本部訖因見職買馬辛勤賠補虧苦咨

會本部優用以酬勞勩咨文可查所有下剩銀八千四百五十九兩四錢賠累

最苦亦不敢言業照報部冊內數目逐一湊慶交宣府撫賞庫取有簡同



知庫收一紙應繳本部以聽別用是役也職竭一腔心力博得五千餘驥見今卧病悉繇勞傷其用過銀兩宣撫咨冊可查交過馬匹閣部印批存証下剩銀兩見有庫收惟本部一按即無容職之多贅矣等因到司該本司查得本官原領銀十萬兩買過馬匹有無實收用過價值有無冒破剩下銀兩作何支用應俱查會宣府巡撫衙門以便題

請銷

美等因呈堂奉批本官買馬四千有奇用銀九萬餘兩計二十兩一匹夫據關院疏叅皆款段不堪劣馬尚未知有實數否何得以節省八千侈口也行文嚴查報奉此案呈本部移咨宣府巡撫備查黃明臣原領馬價買過馬匹用過價值并遺剩銀兩交貯是否務期查實咨覆以憑銷美等因去後今照錢糧匱乏之際需用甚急黃明臣剩銀八千四百五十九兩四錢貯在宣府庫內除黃明臣買過馬匹價值俟該撫查確報部覆奪外合無先行題

請將

前項剩下銀兩令該撫解送太僕寺存貯以備不時急需稍為有濟案呈到部

為照東西交誼羽書仰至需用軍興不啻星火之急當此三空四盡之時若搜括之無門伏思黃明臣有剩餘銀八千四百五十九兩四錢貯在宣府國庫動支然在彼中恐不能一旦邀西江之水以濟眉捷之急需也合咨宣府撫臣將前項銀兩解送太僕寺收貯容臣部創取以備不時之用也既經案呈前來相應題

請合候

命下遵奉施行等因天啓四年五月十五日太子太保本部尚書趙等具

題十七日奉

聖旨是欽遵欽此擬合就行為此

一咨宣府巡撫合咨前赴煩照本部題奉

欽依內事理欽遵查照施行

一司行手本黃明臣

天啓四年五月

廿一

日郎中廖起嘯

張瑋

兵部為查取實收以便附案事職方清吏司案呈奉本部送准工部咨  
前事內稱照得解運輸關及天津等處軍器俱係兵部差官督解自  
天啓三年十月起至四年三月止共計三運至今實收俱未到部相應咨查  
案呈到部擬合就行為此合咨貴部煩為查照咨文內事理即查通政司  
經歷呂知思武庫司主事王凝祚劉嘉遇大理寺評事孟兆祥等解運  
前項軍器有無實收到部希覆過部以便查照附卷施行等因到部送  
司查得本部題差通政司經歷呂知思領解工部硝磺等項解至天津巡  
撫衙門交割轉解毛帥虔應用隨於天啓三年十二月初六日准督餉部院  
畢咨為屬國効順等事內稱通政司呂經歷解到銷磺等項委天津左  
右二衛屯局指揮顧雲鷺等將原發硝磺等項照數查收完訖俟明春發  
運等因在卷至天啓四年正月內據武庫司主事王凝祚劉嘉遇解運硝  
磺等物至山海關取有遼東撫院印信批迴內開清硝五萬斤硫磺一萬斤鉛

子一萬斤帽兒盔六千頂紫花布甲六千副俱正月初六日收完建鉄五萬斤  
鉄子五萬斤正月十七日收完取獲批廻附卷訖又准天津督餉部院畢  
咨稱大理寺左評事孟兆祥解至黃牛皮五千張水牛皮一千張翎毛五  
十萬枝川白麻一萬斤魚鱉一千斤牛觔一千斤箭杆竹十五萬枝聽聽  
候派船分載轉解等因在卷相應據聞移咨工部知會案呈到部擬合  
就行為此

一咨工部 合咨

貴部煩為查照施行

大啓四年五月

廿二

日郎中廖起嘯

張瑋

兵部為海外之捷音可喜師中之實計當詳懇乞

聖明酌發以重邊防事職方清吏司案呈奉本部送兵科抄出登萊巡撫袁

題前事等因到部送司查得登萊巡撫先准戶部咨前事該撫議分餉銀  
二十萬接濟毛帥事于糧餉應咨戶部的議題覆案呈到部擬合就行為此

一咨戶部 合咨

貴部煩為查照題覆施行

天啓四年五月

廿四

日即中廖起獻

張瑋



兵部為缺官事職方清吏司案呈奉本部送准吏部咨前事內稱戶部湖廣清吏司署郎中事主事曹履吉今陞浙江按察司僉事管理分巡杭嚴道事務補吳伯與員缺移咨該部照例請

勅等因到部送司案呈到部擬合就行為此

一合具揭帖差主事孫元化齎赴

內府翰林院請寫

勅書施行

計開請

勅官一員浙江按察司僉事曹履吉查得本官責任分巡杭嚴二府兼管兵備事務專任省城不時往來嚴州地方巡歷督率境內軍衛有司掌印巡捕等官將原管前右二衛軍兵五百名與各府縣民壯一并團練備造戰船鋒利器械防守城池緝捕盜賊聽理詞訟關防奸弊如遇江曠各賊生發小則會同各該參

將并總捕都司徑自剿捕大則呈請巡撫衙門調兵剿除務期地方肅清盜賊  
屏息毋得生宇一隅顧此失彼仍聽巡撫官節制本官為憲臣受茲委任須將廉  
秉公正已率下以副任使如或曠職廢事責有所歸

天啓四年五月

苗

日郎中廖起猷

張瑋

兵部為開撫叱馭無期本兵缺掌可念乞

勅中外諸臣之趨受事共圖安攘無悞封疆事職方清吏司案呈奉本部送兵科  
抄出吏科給事中許譽卿題前事內稱臣聞古之為臣者朝受命而夕飲  
水蓋謂急公之誼不得顧私所以尊

君命至嚴也故凡一命之膺皆當夙夜匪懈况關門何時中樞何地乃十連之聞牙肅  
空懸司馬之堂印綬塵積其何以使軍中之壁壘一新而姐上之折衝克壯哉

則臣於喻安性李邦華張鳳翔諸臣不能無議其後矣安性之推巡撫也舉

朝皆曰安性孰知邊情饒有韜畧當此夷虜交訌聞

命之日謂宜單車就道慰

皇上東顧之憂佐樞輔一臂之用戒奴而後朝食可也何

廷推以來自春徂夏而脂車查然也豈曰樞輔獨斷行邊既為當關之虎豹  
而安性可從命駕乎則關門一線第挈而付之樞輔足矣又安用此贅撫為

也萬一西虜鷄連夷東承突鶴唳風生人心搖動臣不能為安性解也邦華

鳳翔之階解也舉

朝皆曰邦華鳳翔夙負物望近叙軍功當此東西用兵啓事之下謂宜兼程就列報

皇上隆遇之知贊本兵方圓之畫務勲於旂常可也何

簡在之後自冬徂春自春徂夏而起

關杳然也豈曰本兵居中運籌業有

禁中之頗牧而邦華鳳翔可優游錦里乎則中樞一席第總而授之本兵

足矣又安用此多貳為也萬一逆奴再逞孤黔不支捉衿露肘

廟筭張皇臣不能為邦華鳳翔解也況據毛文龍塘報奴謀賄虜換懺欲

犯藩家等口即未知真偽方屋

聖明傳諭料理防禦蓋

君父焦勞如此豈是臣子晏安之時乞

勅安性諸臣立刻赴任勿再濡滯至續推樞貳王國禎孫居相亦速令交代起朝不宜後蹈前人之轍也臣草疏間又見貴州總兵黃越恭逢

覃恩一疏臣更不勝駭異夫貴陽何等危急越奉

旨作速到任正其授桴忘身日也何暇為此陳乞况越果能敵愾

獻俘露布請功自當圖形麟閣又何必亟亟於此際陳乞哉在本部斷應勒

令即日日出城倘舟沿途逗遛即當以三尺隨之者也臣因論樞撫諸臣并

及之等因奉

聖旨封疆多事喻安性久推關撫何尚未到併李邦華等該部便移文速催

不得仍前延緩黃越著刻期就程已有旨了欽此欽遵抄出到部送司

案呈到部擬合就行為此

一咨本部侍郎

張李

合咨前去煩為遵照

明旨內事理欽遵查照施行

一咨宣大總督遼東巡撫陝西巡撫合咨前去煩為遵照

明旨內事理欽遵查照施行

一劄總兵黃越

天啓四年五月

日郎中廖起獻

張瑋



兵部

題為缺官事職方清吏司案呈照得叅將職銜管登萊巡撫標

下中軍遊擊將軍事李友梅近該本部題奉

欽依仍以原官調管山東巡撫標下中軍事所有員缺合當推補案呈到

部臣等按公推舉得都司僉書職銜管山東文登營守備事署都指

揮僉事周鴻謨都司僉書職銜管浙江南洋遊兵遊擊將軍事署都指

揮僉事張震俱各堪任伏乞

聖明於內簡命一員俱仍以原官調管中軍事務候

命下之日本部備查原擬責任剗令欽遵任事遺下員缺另行推補

計開擬堪登萊巡撫標下中軍遊擊將軍官二員

周弘謨

係登萊衛武舉署所鎮撫歷陞署都指揮僉事見任都司僉書職銜

管山東文登營守備事

張震

係杭州右衛指揮僉事歷陞署都指揮僉事見任都司僉書職銜管

浙江南洋遊兵遊擊將軍事

等因天啓四年五月二十二日太子太保本部尚書趙 等具題二十五日奉

聖旨是有點的依擬用欽此內周鴻謨有點抄出到部送司案呈到部除  
劄仰本官交代之日為始定限十日以裡到任外

一咨登萊巡撫 合咨前去煩照本部題奉

欽依內事理行令本官依限到任仍將到任日期并履歷緣繇同原奉  
本部劄付呈報巡撫衙門繚部查考如過限不到及不繚部劄  
照例察究施行

一咨都察院 合咨

貴院煩為轉行山東巡按御史照依本部題奉

欽依內事理行令本官依限到任如或過違照例察究施行

一劄付周鴻謨

天啓四年五月

二六

日即中廖起獻

張瑞

兵部為虜賊聚衆復讐官軍設計截殺仰伏

天威

斬獲首級奪獲火器馬匹事職方清吏司案呈奉本部送准平遠總兵官

毛文龍呈前事內稱卑職孤懸絕域牽制狡奴設伏出奇屢有斬獲使奴跬步不敢西向四年於茲軍聲頗張夷氛稍息第恨不能一時殲而收恢復之功以盡卑職滿腔血誠者蓋緣糧餉不相接濟徒令吊影烟波眼穿島嶼無可措手足耳上年十月二十日蒙 聖鑒 微勞垂憐艱苦因時確見破格施行轉為題請慨發帑金十萬添發漕粟十萬俱奉

聖旨俞允未見速發目今奴酋計窮遷穴寬輟等處俱屬我有奴退我進機有可乘且盡命官兵分屯布種順民歸附如川之流親編數目另冊呈報惟是糧餉不敷相向飢斃望救無門兼之去歲借貸充賞商客貨價未償猶涸轍之魚仰汲西江之水將何以濟已蒙為生靈計為

封疆計勿厭煩瑣亟催戶部速發題准前項錢糧漕米即令差官星馳督

解未鮮接濟困窮鼓舞士氣掃穴犁庭寔有資矣等因到部奉批方司  
速查行送司奉此案呈到部 擬合就行為此

一咨戶部 合咨

貴部煩為查照咨內事理即將銀來發解施行

天啓四年五月

日即中

廖起  
張瑞

兵部為

欽例奉行而脩止武科已疏而復墜業改督撫各缺於部推復各留部各官於督撫人缺而懸勢同永錮伏乞

聖明勅照節次已行揆選 欽例以信

明旨以鼓士氣事職方清吏司案呈案查近該本部查照題議事理將新科武舉四十名外俱准選各鎮道中軍新缺揆次候補三月二十六日已選李應詔等三十七員矣比時多選以其守候太久不妨過寬此後應有畫一之法庶不寡參差或無每雙月二十六日一選十人少者須候及數多者不得濫增以今四月二十六日為始呈乞照議註選等因案呈到部相應依擬題

請  
候

命下將後開各官俱量陞署指揮僉事照例以都指揮體統行事照依註定地方劄令欽遵前去任事在各該督撫不得仍前咨留舊官而各官亦候舊官



任滿方行到任庶於選法人情俱得其便矣等因天啓四年四月二十七日太子太保本部尚書趙 等具題三十日奉

是欽此欽遵擬合就

一咨山東巡撫

合咨前去煩照本部題奉

事理轉行各該守巡兵備等道將本部註選各官任各官任滿之日即令到任管事不得仍前議留舊官仍將各官到任日期咨部查考施行

一劄張孔夢

合劄本官照依本部題奉

事理欽遵前赴山東分巡東昌道管理中軍守備事務項補郭吉迪員缺俟本官還轉之日即行來任候接管仍將到任日期同原奉本部劄付呈報巡撫衙門咨部查考施行

天啓四年五月

日郎中廖起獻

倍增而恢復之機可圖仍乞

勅下

戶工二部亟為措處若解功官陳汝明等遠賁

獻俘

冒險履危似當先與加恩以慰海外奔命之士蓋叙陞雖在勅後而酬勞

應在事先合無將陳汝明王三薦徐鳴泰實授遊擊職銜毛鳳翔

都司僉書職銜黃汝存守備職銜毛有功千總職銜既經具題前來相應

覆請合候

命下

遵奉施行等因天啓四年五月初五日太子太保本部尚書趙等具

題初八日奉

聖旨是陳汝明等准先加職銜其餘功次行催勘叙糧餉器械着戶工二部作

速措給毋誤急需欽此欽遵擬合就行為此

一咨督師閣部  
登萊巡撫

合咨前去煩照本部覆奉

明旨內事理欽遵查照施行

一谷戶部

合谷

貴部煩照本部覆奉

明旨內事理欽遵查照施行

一劄付毛文龍

合劄本官照依本部覆奉

明旨內事理欽遵施行

一劄付陳汝明

王三薦

徐鳴泰

毛鳳翔

黃汝存

毛有功

天啓四年五月

日郎中廖起巖

張瑞

兵部

題為逆盜陸續擒獲各正典刑地方安堵謹據實上

聞并請優卹死事官員以慰忠魂查叅失事官員以瞻跡玩事職方

清吏司案呈奉本部送兵科抄出浙江巡撫王 題前事內稱據

按察司看河長興知縣石有恒清操嚼雪勁節凌霜今茲

者數年而四壁蕭然橐中如洗及賊斧箱麓惟見敝衣數襲

葛布二端而已天下有如此真廉吏乳而忽遭千古之奇禍

則緣曩者葉朗生一案本官留心討賊密該方畧陰為消弭

諸賊窺見其微以為不除此人終無得志之日故一朝戾難

受以慘酷耳夫人誰不愛其生乃本官賊至不避以必加逼降送

厲聲叱之罵賊以死至今凜凜有生氣焉傷乳賢令以一死

保封疆以城池庫藏還

朝廷古稱烈丈夫本官近之多雖本官死得其所無心身後之名然  
國家旌廉勸忠之典原為死事之臣而設有如此忠廉而不破格優  
卹則後之人臣誰肯為封疆効死者查

會典開載凡以死勤事抗節不屈身死綱常者例得褒卹况近有  
四川興文知縣張振德被賊圍困合宅自焚而死贈太僕卿廕一  
子立廟

賜謚山東滕縣知縣姬文胤身陷賊中旬月累死贈太僕少卿

予祭一壇今本官身首異處受害獨慘而倉庫無恙城池宛然其視二  
令為猶加焉伏乞

早賜題

請易名贈廕以慰忠魂以快輿情以為疆死事者之勸其所風勵寧止  
本官一人已耳查當日發難之時邑宦丁儀部志切同讎督率材官

顧思義等奮勇格鬪當陣擒獲吳野樵等若而人使非本官則諸賊皆為吞舟之漏矣其有功於地方亦不小也至于分守嘉湖衆將焦續後駐師剡長興相去甚遠事出不虞難以苛求若府總捕同知吳一驥尚未到任而帶管者係添設同知周承恩乃本官又駐剡烏鎮去長興亦遠但捕盜是其職掌合無容其俸戴罪拏賊候賊獲之日開俸免議庶勸懲當而地方官亦知所驚警省矣又接鹽臣楊維垣疏稿據布政司比例詳請知縣石有恒於例有應得卹典尚冀破格優卹主簿徐可行殉義可加併懇

聖恩量與褒卹等因到臣臣接卹報該鹽臣楊維垣一本為劫賊擅殺印官等事奉

聖旨賊黨劫殺縣官地方大變已獲惡首吳野樵等審明正法餘著



嚴緝務獲石有恒併徐可行查例優卹鄭覲光額餉既完准即補任該部知道欽此欽除先獲賊犯許國興等續獲賊犯周應文等俱批行按察司會同布都二司覆審明白已經照例梟示吳野樵等雖經就斃並行梟示外該臣會同浙江巡按李思啓看浙西嘉湖一帶逼近太湖不逞之徒率喜兵而好亂重之軍興以來即加派太多人情煩苦頗懷反側妖賊葉朗生乘機謀逆幸已先行事死擒而孽黨如吳野樵輩尚繁有徒以其心何嘗一日忘狂逞執石令稚志剪逆野樵畏而迹迹而復歸不意有徐山永者復投入大夥也在山永法術招搖就裏雖另藏機括在野樵妖氛煽動分外實密有圖謀一利在借力而逞私一利在愚衆而集事相投既如魚水大志因而上炎於是糾徒註冊授師拜叔布席訂盟期以新正三日大舉據德清

妖僧供吐合之各犯若出一口其衆固不止二十五人而已幸天不  
佐逆謀洩事急勿卒發難着數慌張彼其意固曰吾一舉事  
夙訂之約自當聞風而集孰意劫令獻庫劫令獻印劫令納降  
皆不能得而開獄繼因囚亦不送擲頭威衆衆亦不退勢孤援絕  
遂不免鳥驚獸散此時非丁鄉宦急督材官及闔城士民登擒野  
樵等數輩遺毒流禍尚可言孔石令抗節守義身膏草野志烈秋  
霜且城池倉庫以一死留之而密發葉賊之謀事隱而心良苦覽其  
生前與撫臣及推官陳懋德稟帖乃知曲突從薪本官之功更有不  
可泯沒者若不

特賜優卹易名贈廕何以酬殉

國之忠昭死義之勸乎間見前監臣另疏請卹以際計已下部知  
皇上必不爲小臣靳也惟是以賊謀已久蓄于平日齊實突發於一朝智不

及慮勇不及決臣亦豈敢為地方請臣苛責伏讀

大明會典萬曆十一年議

准府州縣係有城池被賊打劫倉庫獄囚或殺死職官兵備守巡并守  
備官駐劄本城者降一級調用不係駐劄處所止調用今分守道駐  
湖州者王維曾也分巡道駐嘉興者方應明也長興止二臣所轄之地  
殺官劫印失事最重即臣在事亦當地方引過而况二臣第應明  
遠在他府一時鞭腹不及繼曾駐劄雖僅數十里而警報遙傳  
業已星馳電赴且自變故以來二臣焦勞拮据所捕獲業逾三  
分之二自臣到任繼曾督獲吳野樵黨賊周應文下萬程周日  
弘陸孔仁四名應明督獲葉朗生黨賊蔡石梁儲萬有王浩然三名  
七賊並係照捕渠魁又原印尋復得獲功過畧足相當似應免其調用  
令嚴緝務在盡獲以靖地方者也若分守嘉湖叅將焦續後則有可異者

事之初發汎防尚未急也乃始終不聞一旅鎮安反側而一則請兵鹽臣再則請兵道臣問之曰吾以自衛耳古人背嵬五百且官以分守嘉湖為名似難諉之曰防海之外非其職掌況殺令時諸賊自稱余山大王續何以知其非海舶闖入者也昨歲葉朗生事發前任叅將江之清振旅烏鎮刁斗夜嚴自本官視之可謂多事矣湖州府署捕同知周承恩官係賊曹身置局外先事不聞巡徼之能後期竟鮮捕獲之効臣不假他及第就捕言捕已大不能為本官鮮矣此二臣者在叅將焦續後當比照守備不同城例調用在同知周承恩當照不及例調簡僻用惟復念其駐劄遠變出突忽續後姑重加罰治承恩姑住俸戴罪拏賊此則法外之仁

聖主之寬政也非臣等之所敢知也伏祈

勅下該部覆議如果臣等所言不謬將長興縣知縣石有恒照例優卹主簿徐可行亦查例從優並議其守巡道二臣姑責令嚴緝免其調用分守叅將焦續

後署捕同知周承恩各

丞賜處分至于原任禮部主事元薦之應否錄用又在

皇上主裁竒因天啓四年四月二十日奉

聖旨該部即與議覆欽此欽遵本月二十三日抄出到部又該南京山東道御史劉漢奏為銷亂死臣有不可靳之恩養亂姪臣有不可寬之法懇乞

聖明早賜彰瘡大示勸懲以肅人心事竒因天啓四年四月二十二日奉

聖旨俱已有旨了該部知道欽此欽遵本月二十五日抄出到部各送司查得刑政條例開載先年素強知縣段勇與大勢強賊劉七竒對敵被賊殺死奉

世宗皇帝聖旨段勇率領民兵登城禦賊親冒矢石不避艱險賊已挫衄但衆寡不敵力盡被害義烈可嘉特贈大僕寺少卿與祭一

壇仍着有司立祠春秋祭祀還廕他男一人做錦衣衛世襲百戶欽遵在卷又查得天啓三年五月內本部題滕縣被難知縣姬文胤照段字例贈太僕寺少卿賜祭立祠查未經陣亡賞難延世應一了入監讀書其父姬籙併母給之應得

誥命等因具題奉

聖旨姬文胤准贈太僕寺少卿廕一子入監讀書伊父母准給與應得誥命餘依議行欽此又查得興文縣知縣張振德天啓二年五月內奉

聖旨張振德准贈光祿寺卿廕一子錦衣衛正千戶併義僕顧美優卹俱依議該部知道欽遵在卷案呈到部除鄉官丁元薦擢用署捕同知周承恩調簡各聽吏部查議外為照行逆與行劫殊也死與死盜殊也而盜至於殺官失印破獄開庫則逆已甚



矣况吳野樵本以逆黨在逃而知縣名有恒正以捕逃速禍者乳  
 且本官清風善治卓著一方觀其出押罪囚尚切綈袍之戀園  
 門兵衆不辭冒刃之傷父母神君亦可驗其一節矣雖不比於園  
 攻捍禦闔宅自焚之張振德而念其官之賢傷其死之慘即破  
 例從優贈以京堂職銜更加賜祭似不為過以撫臣亟言之臺臣  
 劉漢又申言之無非為死公事者三致意耳其主簿徐可行倉卒  
 之間奮身不顧首擢大難得正而斃矣相應贈以府佐職銜以為  
 怯縮規避者之勸鄉官丁元薦安不忘危儲材官於平日文而又武  
 驅市民以先登應變長才除兇壯畧已經吏部起用相應再行咨  
 叙聽該部酌量推擢者也夫虎豹在山樵者不敢過而問為其威之  
 遐懾也先事有防閑彈壓之能平時有課督發稽之務凡在統轄  
 一吸一呼所謂鞭不及腹似非守巡者得而口食也但事關劫賊疆土

無虞緝獲既多功過相準免其調用庶不以細事累高官驚地方  
觀聽耳若分守不守之參將署捕不捕之同知職掌弁髦兵防關葺  
無迹之罪豈待多言調用已屬危全恐難再從寬政抑臣更有感焉  
九彌亂於亂未成之時防奸與奸未發之日迨其成且發矣一身之  
節烈豈不高而地方貽禍非小也長興之事幸而渠魁就擒餘焰撲  
滅且連而畏捕捕而報讎者本無多人煽烏合之衆以遂其殺官劫  
庫之志天奪其魄踉蹌而行故胄無成美而烏驚獸散要而言之  
若保甲明而施許之隣佑何以不首緝捕密而野樵之出沒何以罔  
知啓閉慎而漏下四鼓城門何以遂開盤詰嚴而棍担多人歲朝  
何以闌入總之紀綱無在不廢弛而安能獨責一已殺之賢令尚  
望各有分土者脩實事以守官尤勿鑒石令而以縱奸為免禍  
也既經具題前來相應覆

請將石有恒照知縣姬文胤例贈太僕寺少卿查非陣亡賞難延世主簿  
徐可行准贈府通判職銜叅將焦續後赴部聽調員缺已經推補  
合候

命下容臣部移咨各衙門一體遵奉施行等因天啓四年五月二十二日  
太子太保本部尚書趙 等具題二十五日奉

聖旨是石有恒准贈太僕寺少卿廕一子入監讀書徐可徐行准贈湖州  
府通判丁元薦着吏部優擢欽此欽遵擬合就行為此

一咨 吏部 禮部 合咨

貴部煩照本部題奉

明旨內事理欽遵查照施行

一咨浙江巡撫 合咨前去煩照本部題奉

天啓四年六月

初四

日郎中廖起獻

張瑋

明旨內事理欽遵查照施行

一各都察院 合咨

貴院煩為轉行浙江巡撫按御史照依本部題奉

明旨內事理欽遵查照施行

兵部為投獲漏網叛逆奸細等事職方清吏司案呈案照先奉本部送准刑部咨稱希將董萬象等轉解山東巡撫衙門定發遠省流徙安置等因到部送司已經備述原招案呈到部移咨知會外仍牌行中兵馬司仰撥的當人役押解等因去後今據該司呈報等兵張祿李虎陳守仁楊爵舜等四名領解犯人董萬象等因到司應責令張祿等將董萬象等解送山東巡撫衙門將董萬象等定發流徙安置仍討回文憑查案呈到部擬合就行為此

一咨山東巡撫

合咨前去煩為查照先今咨內事理將

犯人董犯萬象等定發遠省流徙安置仍希咨回照施行

計押解

董萬象

韓攀桂

董成俊

韓三

韓四

韓宗仁

韓真

天啓四年六月

初四

日郎中廖遜獻



兵部為照例請給軍需以裕牽勦事職方清吏司奉本部送據平遼總兵官標下解功遊擊徐鳴泰呈前事內稱竊照克敵用刃鎗銃炮衛身用盔甲防牌毛總兵因念海外官兵空赤無計向差卑職賁文呈請炮銃盔甲等項已蒙軫念移咨工部專請給發矣第炮銃刀鎗其在各庫廠見有辦貯可發獨盔甲二項必須需官造辦知非朝夕可以竣事則期可以起解矧當匱乏之日造辦甚難今又牽勦不時豈容稽誤查得水牛皮防牌可以暫當盔甲向行京營預有造備榆關亦曾取用一萬兩面有案可查今敢照例請給一萬面暫抵盔甲既無造作之煩又可即時發運深補軍前實用伏乞憐憫海外孤軍空赤可憂移咨工部將前項防牌准賜先行查發解至天津得赴二運深為恩便如火稽延便又錯過一年軍前何以應用且差官賁文肅請軍需守候將

及半載毫無發解不唯有孤屢催接濟

明旨其如疆場大事何其布豆熟鉄等項查有現成及易辦可發者併懇  
作主一併移咨工部查付職等帶去庶各軍有資實用而卑職幸免  
守候之苦畢職目今出海回覆志切急公不得不急為控訴等情到  
部奉批方司速查送司奉以查得先據毛鎮呈為赤體空拳窮荒  
無措謹請軍需以資勦復事呈請益甲硝黃等項已經開數移咨  
工部未見回文今該弁止索水牛皮防牌二項似非難應之求合再咨  
催案呈到部擬合咨催為此

一咨工部 合咨

貴部煩為查照先今咨內事理查照給發施行

天啓四年六月

初六

日郎中廖超獻

張瑞

兵部為差官回島請足歲餉事職方清吏司案呈奉本部送據平遼總兵官標下解功遊擊徐鳴泰呈前事內稱竊照毛總兵孤軍海外為因糧餉不足於上年十月內專差職等解功併請歲額糧餉業蒙

明旨准給歲餉銀四十萬兩登萊解發二十萬兩京庫給發二十萬兩今因卑職等事竣起程回島赴部催領前項京庫歲餉幸蒙戶部着該經承同職面美清帳除天津解運米豈布足腳價等項共一十五萬兩外尚欠毛總兵歲餉銀五萬兩整再照迄今發運到登便是立秋時候若少遲延風高浪洶轉運最難矧

明旨屢催接濟而海外盼餉心更苦切專懇洞察上冬凍月斗粟兩全枕尸相望情實堪憐移咨戶部將所欠額銀五萬兩急賜那處發足俾海外得早為之計官兵幸甚疆場幸甚等情到部送司奉

批方司速查奉以查得糧餉銀兩事詳戶部應移客戶部查給  
案呈到部擬合就行為以

一客戶部 合答

貴部煩為查照施行

天啓四年六月

初四

日郎中廖起獻

張瑋

兵部為邊兵已加簡汰仍須量調西丁習長技以壯雄邊事職分清

吏司案呈奉本部送准甘肅巡撫李 客內稱應補本鎮銀一萬九

千三百柒拾二兩一釐六毫皆買馬製器急需而不可少者今據該司

搜刷借解庫貯各項銀一萬兩尚少銀九千三百柒十二兩一釐六毫

呈要于天啓四年地畝新餉銀內動支一萬九千三百七十二兩一釐六

毫內將一萬兩扣補借過前數餘銀九千三百七十二兩一釐六毫仍

解補欠少本鎮之數仍乞達部開銷一節既經該司議呈前來相

應准從合無請乞本部重念甘肅三面臨虜主戰不主款健兒壯馬

利器俱被調援遼營伍凋殘悍卒糾黨鼓譟點虜伺隙猖獗幾

至蹈黔蜀之覆轍是只為援遼一節致甘肅將淪於腥膻迄今南

北交訐禍釁新發如甘肅有難遼果能授一軍一馬否耶甘肅危蹙

不忍言

國家將置之膜外不一拯否耶况援遼之費幾十數萬今開以統近二萬金不過十分之一言之痛心在目貴部獨不一為之厯念耶伏乞將前銀移文該司准於天啓四年地畝新餉銀內照數兌解本鎮准令開銷庶免危遼買馬造器有資而防禦虜患有賴矣况閣部原疏乞

勅查陝西見在錢糧銷筭兌給今茲兌給新餉正以援遼甲馬兌支遼餉實遵原行咨文非分外擅支遼餉為以合咨兵部煩為查照等因到部送司查得天啓三年十一月內甘肅巡撫李 題同前事該本部題覆看淨河西一鎮孤懸天末逼邇銀多諸酋防禦之具不可不備自榆關再調西丁而馬匹甲仗亦與俱東營伍幾空矣今撫臣身任封疆計桑土議欲買補馬匹製造器甲無非思慮預防之計除用過



幣金外尚欠一萬九千三百七十餘兩數雖不多該處匪易應行藩司  
於庫貯別項銀內措處那用開銷庶武備不弛而固圉有藉矣  
等因具題奉

聖旨是欽以欽遵各行陝西總督李 轉行該鎮巡撫衙門去後今  
准前因應照本部原題覆事宜遵奉

明旨為當案呈到部擬合就行為此

一咨甘肅巡撫

合咨前去煩為查照題覆內事理

欽遵施行

天啓四年六月

初十

日郎中廖起獻

張瑞

兵部

題為仰承

聖斷亟與內外各衙門協心奮力以共圖

大計事職方清吏司案呈奉本部送兵科抄出督師閣部孫 奏前事等

因天啓四年六月初一日奉

聖旨覽卿奏併軍營圖冊具見壯猷成畫內外各衙門當念切封疆共圖

濟事這原議各鎮更番兵丁坐名統領各將及兌用馬匹盔甲器械俱

依限照數作速督催給發帑金匱乏念卿所請關係緊要搜括別項

銀湊發十萬兩餘着戶兵二部協同區處一併解給該部知道欽此

欽此遵抄出到部送司案呈到部照得樞輔更番各鎮兵丁及

兌用馬匹盔甲器械業經題覆督催給發外所有領出庫銀十

萬兩查得職方清吏司主事鄒忠胤堪以差解合無將前項銀兩

知

即令刻期解赴關門以濟軍前急需理合具本題

天啓四年六月

廿二

日郎中廖起嘯

張瑞

兵部

題為仰承

聖斷亟與內外各衙門協心奮力以共圖大計事職方清吏司案呈奉本部送兵科抄出督師內閣孫 奏該臣念奴酋之亂七年矣天下無一人不欲雪耻除兇報萬姓之仇復兩河之舊然而老成持重英銳低回即臣躊躇于此三年矣豈盡忘仇忍耻苟且便安誠念心不一難與共計氣不振難圖功具不備難與定謀機不起難與乘便天下固日虞邊臣輕擲漫常而邊臣亦何敢當數畝之餘群久鉅之心持破斧缺戣以當狡寇年來奉諸臣之教凡所為指摘臣者臣得執以指摘道將諸道將以必為之心奮有為之氣訓練綜核迄無遺力頃仰承聖斷勅天下協心奮力共圖大計蚤奏成功夫共則其力合早則其期近然必曰謀周萬全是豈一才一藝之長一手一足之力故在內外各衙門協心奮力

此我

皇上聖神文武仰符

祖宗開天闢地之鴻謨所為振起頹靡以靖亂寧邦之大畧也諸文武將吏奉

聖諭隨詣臣邸出所計畫十二車營據所以備已練繪圖貼說其另具一冊則車營所需軍實除分布關城內外信地兵馬不可移借者不敢擬為車營之用止據見在車營應用者筭為實數總計馬步二十四營合為車營十二外有前鋒後勁馬兵七營合用馬步兵丁九萬二千八百五十六名內步兵四萬一千八百五十六名通融俱足其騎兵五萬一千名除見有三萬五千二百一十一名尚少兵一萬五千七百七十九名內除密雲通鎮及東協領整馬兵聽用共可得五千餘名而尚少兵萬餘人議以見今催取七鎮更番之兵一萬二千而內有遠不及事者不美外

約可得萬人以借為聲援臣猶記初抵關門衆議調西兵八萬總兵馬世龍定擬三萬以預今日之需當是時人情洶洶即立調十餘萬無可阻攔而計費計時止調今數蓋以今日之苦于多費則臣之議長而以今日之苦于少兵則鎮臣之策遠然九邊一體豈敢盡空精銳以事一隅而又念一隅勢不可緩不得已姑括關內外應用之兵以成大勢仍議以臣所調一萬二千原議定年半或二年更番以恤久戍計今期已及瓜例該更番特差官具安家銀兩行該督撫衙門照原定各標下漢夷家丁速簡精銳各具器甲定以各鎮總兵下中軍坐營同所指名調用各官繇邊路統領前來定限八月十五日以前抵關交驗不許議留以啓規避蓋中軍坐營力能鈐束其人而自為統領必不敢以頂替塞責其有濫充違限及道途生事私逃者罪坐統領官定行梟首以徇仍行該督撫衙門查各故悞兵



官以軍法以中原調兵丁即在九月可回臣念諸臣誼在急公而  
又屬應代之兵是宜量為速發其騎兵十九營合用馬六萬三千  
六百一十三匹內正馬五萬一千匹馱馬一萬二千六百一十三匹除信地  
部營不可移借者見在馬二萬六百二十四匹尚少馬四萬二千  
九百八九匹內除密雲標丁有二千四百而三協可調三千通州已  
調一千及見行催取七鎮更番之兵可一萬二千有奇合之得一萬  
八千四百而前所乞

帑金及戶部補還等銀共三十萬可買馬一萬八千已分派各營  
分投置買合之共得馬三萬六千四百尚少馬六千五百八十九匹  
擬于京營量選三千五百太僕寺量兌三千一百則馬可充用再合  
各營所需細大之數約可七十餘萬件而見有見造及力可置辦  
者俱兩道分任總兵官逐營填實外其置辦凌雜約用銀六萬

有奇而騎營騾車二百四十兩車騾及馱砲騾四千八百頭馱大砲駱駝七百七十隻約用銀十萬兩有奇而行駐諸費不與焉他兩如少鐵盔二萬一千九百九十六頂鐵甲二萬一千三百五十副臂手一千副腰刀三萬把大稍弓一萬四千張大箭二十萬枝三眼鎗一萬零二百六桿鳥鎗二千四百七十二門并藥袋弩三千張弩箭十萬枝鉛子三十萬斤西鐵二十萬斤以須該部亟為擇精好堪用者照數給發該經管員役無得以朽鈍充數其各鎮統領更番兵丁官在宣鎮則龍門叅將馬士麟洗馬林守備孔登科在大同鎮則陽和撫夷遊擊懋應龍鎮川守備甯寵在山西鎮則馬站遊擊王秉忠標兵守備袁澄草梁山守備楊文謨在榆林則清平叅將趙大胤靖邊守備左光先柳樹澗守備李元勳鎮靜中軍何達內丁千總楊名正兵千總李廷寧延安千總

孫弘業而原任寧塞參將艾穆原任榆林坐營陳維翰俱堪調  
 用其在寧夏鎮則廣武遊擊拜世龍加銜都司周思堯平羗堡操  
 守趙有穆正兵把總陳學紹奇兵千總王良翰千戶王廉百戶戴三  
 材其在固原鎮則左營遊擊周一新坐營陳九禮管局指揮楊俊英  
 其在臨鞏鎮則舊洮州守備蘇固其在甘肅則鎮番參將官維賢大  
 靖參將張爾奇甘州備禦李承勳紅崖子守備王之屏土門守備  
 金友義而原任下馬參將張鳴鶚俱各量帶家丁星夜統領更番  
 兵丁前來以聽部署臣所指調俱夙號精健有胆畧者而多在千  
 夫百夫之列念各該督撫鎮恨不得同力來戮力自不慊于茲以數人  
 也至于薊門諸健將容臣隨時調取伏乞

皇上自為

社稷大計無徒拘臣以名而不予臣以實立發

帑金二十四萬以應必不可已之急需其行營之費容臣另計仍乞  
勅<sup>該</sup>部及內外各衙門念

君父之憂勞痛生民之困苦七年逋寇何以殄殲千里封疆何以恢復必且  
以憤殺奴酋之心急于應臣措辦即為措辦給發即為給發且車  
營十二兵不滿十萬非敢多索不可記之數示天下以難供而逆奴  
當天亡之會人心有共奮之機即毛文龍亦言乘時為計蓋鎮道  
向臣曰日可延握機難我待臣即衰病已盡未常不悚然驚骨也前  
以茅元儀募艇南直似機就緒適值地方紛亂臣閱邸報殊望  
心及在內各該衙門屢奉措辦

明旨未見分毫而至以臣筭作見有之數者姑為語應豈其忍不念關  
門非一家之事乎臣原擬計美明白恭詣

御前仰懇

天恩救此危疆適臣衰病不能動移獨有伏枕涕洟據鎮道所計懇同官以請蓋車營完成便可進圖大計臣即衰病罷免無人不可有為如百一不備即有名賢勝臣十倍者進不能戰退何以守況以臣之衰病即永錮千百寧益秋毫方今忠直盈庭名賢在列必且仰體

聖懷協心奮力以共圖大計期于早奏成功也等因奉

聖旨覽卿奏併車營圖冊具見壯猷成畫內外各衙門當念切封疆共圖濟事這原議各鎮更番兵丁坐名統領各將及充用馬匹盔甲器械俱依限照數作速督催給發帑金匱乏念卿所請關係緊要搜括別項銀湊發十萬兩餘著戶兵二部協同區處一併解給該部知道欽此欽遵抄出到部送司案呈到部為照督師輔臣

明主宵旰之心成三方率然之勢雖盈庭之謀議不一而元老方畧素定

用能使過道將踴躍士氣奮揚旌旗壁壘頓為改觀即今逆奴  
驚伏未敢蠕動非懾我軍中有節范執處奏十二車營規制前  
鋒後勁士飽馬騰進則風雨止則山岳其間呼吸之勢運用之神更  
有圖所不能繪者所少騎兵一萬五千七百有奇議以各鎮更番  
之兵一萬二千調補兵之得代者既恤其久戍之勞新集者可振  
其一鼓之氣臣一面即咨七鎮催督調發邊臣同切枕戈誰甘袖  
手觀望議留非所敢出疏內指名調用諸弁聞命兼程詎敢遲  
遛及沿途生事以頸項膏

尚方戎兵必有馬京營太僕寺揀選充發當無待臣詞之畢有兵有馬  
不可無械輔臣所請盔甲腰刀弓箭鉛子西鉄等件工部自應急  
擇糧良刻期解用者也

帑金荷



皇上慨茲容侯至部日立委精敏司官押運至關湊輔臣之手應補還應措處等項計臣亦宜蚤為結局輔臣有欲嘔之心逆賊適天亡之日倘機會可乘調度已集一舉而除兇恤耻從此而干戈永輯搜括無煩不亦一勞永逸孰與歲歲設防衿射時露迄無息肩日孔既經具奏前來相應覆

請合候

命下遵奉施行等因天啓四年六月初十日太子太保本部尚書趙具題十三日奉

聖旨是欽此欽遵擬合就行為此

一各宣大陝西各總督

合各前去煩為查照本部覆奉

欽依內事理希將督師提調宣大山西三延寧甘固四鎮更番官兵丁照依原數如期

督業

延緩施行

一客宣府 大同 山西 延綏 寧夏 甘肅 陝西 各巡撫

合客前去煩為查照本部覆奉

欽依內事理希將督師題調更番官兵丁照依原數如期督發赴關萬勿延緩施行

一客工部 合客

貴部煩為查照本部覆奉

欽依內事理欽遵查照施行

一客京營總督協理合用手本前去煩照本部覆奉

欽依內事理將營馬照數挑選解赴山海督師衙門以應急需施行

一劄太僕寺 合劄該寺煩為遵照本部覆奉

欽依內事理將寄養馬匹照依原數兌解山海督師衙門以應急需施行

一客都察院 合客

貴院煩為轉行宣大山西延寧甘肅各巡按御史照依本部覆奉

欽依內事理一體欽遵查照施行

一各督師內閣除各鎮兵將及馬匹器械等項一面移文

調發外合咨前去煩照本部覆奉

欽依內事理欽遵查照施行

十四

天啓四年六月

日郎中廖起獻

張瑞

兵部

題為恭報登兵出海之期並申明汛地以慎防禦事職方清吏司案呈  
奉本部送兵科抄出登萊巡撫袁 題前事內稱看得登兵總計  
海內外數共二萬二千六百餘名以臣去歲報部之數是以閣部督  
登兵出海檄中欲多則二萬少亦須萬餘乃二萬二千六百餘名之  
內除已在海外與分守青萊新兵及標下營兵不計外其可以出海  
者僅足一萬有奇方行道鎮整束督蒞間而沈總兵以

請告去矣新舊交代其行伍將佐不無變易續又奉有八分餉海外二十萬  
之

旨餉去兵消則營伍又不免更定匪但兵減至五千而出海亦少愆期職此故  
也然是五千者乃提兵楊肇基歷任方新畱心歸併嚴加汰簡皆精  
銳之尤者臣已分別賞犒以示鼓舞隨督叅將等官嚴正中孫承祖袁

進亨率領登舟於四月十五日先行總兵楊肇基率坐營守備羅寰英於十七日繼發統率各兵揚帆破浪出防去訖惟是訊地不明則防守易至推委功罪難以分析臣於海上諸島向頗留心咨訪其與登鎮相對者旅順也東則平島三山廣鹿諸島在焉他島但可往來停泊而島口寬濶可以駐船屯兵者惟廣鹿長山懸在海中距老岸六十里如欲應援毛帥則二島為緊要若議進窺遼陽覺此島為緩地矣旅順以西其近峙者有羊頭山連老岸不可泊舟再四則為雙島環島皆山駐舟雖不虞風颶但薪水皆取給老岸恐未便也轉而西北則有麻洋島再北則有松木汶悶島皆狹而水淺不堪屯駐再北則中島南汎北汎口也三島皆四面環海其去老岸遠者六七里近者三四里陸路抵復州三十里蓋州一百八十里水路抵蓋州祇半日程東南風順抵三岔覺華皆一日程耳如由蓋套入蓋州不過十

里由三岔入海州不過四十里由海州入遼陽僅一百二十里此督師閣臣  
謂三島之間可進窺復蓋西連覺華良有見耳且三島沃野百里  
甘泉茂林即充國之金城不是過之故藉登兵以議恢復則三島  
誠為屯住要地海外諸島之形勢大畧如此今欲分地而守則旅順  
以東各島毛帥業已布兵屯住且逼近金州頃兵部議金州當為  
毛帥進兵發軔之地必自當屬之東鎮若旅順以西則去皮島最  
遠恐東鎮之鞭雖長終難以及馬腹也今擬嚴正中等兵駐旅順  
雙島之間與張盤為大牙相維之勢袁進等兵駐西汛中島之  
間與覺為犄角聯絡之形必所謂遠汛之二營也然南汛中島  
潮落有淺可渡防守宜慎而至冬凍合則皇城島又為大兵出入  
歸著之處東西策應之衝議以孫承祖率兵守之總兵統標下  
雄健往來巡視於諸島中於以督練策應倘機有可乘即當運



籌出奇以少擊衆亦儘可當海上之一面矣乃樞部則謂登鎮之駐師貴其與毛文龍近也不責其與文龍遠也據文龍近日之塘報則又欲其遠也不欲其近也伏祈

勅下兵部議覆申飭以旅順之東屬之毛鎮以旅順之西屬之登萊遼東西各有汛地而有功不得互相爭執有罪不得互相推卸紀律嚴而人咸知所遵守矣等因奉

聖旨這分汛防禦事宜即與議覆申飭袁可立還着料理候代該部知道欽此欽遵抄出到部送司案呈到部為照海濱之形坳突牙錯而登萊一帶則江淮河漢直洗其南是以入海最長而礁磯亦最利運道之危皆在於茲若轉而東而北則海湮耳其水清其潮平其間因石積沙因沙積島累累而是向為近地居民芻蕘雉兔之鄉不入職方而今者天厭遠土而腥臊之驅其遺

黎而風波之勞者易息遂為海國俄馬毛帥騎虎於皮島樞  
輔擊蛇於登萊而撫臣為之合其聲勢聯其線索於是履洪濤  
如平地開荒濶為桑郊以古禹奠所不及秦望漢求所未能者而  
量里制區設處虞立戍於今天倫亦一奇也噶非樞輔三方布置之  
達觀而撫臣兩載拮据之成績孔既聚米以作圖乃按圖而分汛以  
相對之旅順為中而東北則廣鹿長山以應毛帥之皮島西北則中  
島兩汛以接樞輔之覺華登撫本撫為接調海外而設今畫疆  
分鎮以應皮島者詳毛帥以通覺華者詳楊帥兩鎮不得互  
牽推諉而後該撫始得分任責成允屬訏謨更何異議第須立  
成規以須島將定出哨之時約會哨之地設查哨之法嚴候哨之  
形使隱礁伏淺洄湟旋渦練而愈識舟法濤情風占針路練而愈  
明舵老頭工蓬師篙手練而愈衆搶風奪水放大施兵練而愈

便蓋今日海上一軍防海者其名也練海者其實也練之於登萊之北之小海之靜海而行海之法可察矣大抵行海之法遠岸則安近岸則危何也海之灘不比他水十里之外不過數尺百里之外不過數丈海之浪不比他水一升一沈輒十數丈一進一退輒十數里若倚岸而行忽焉風起開洋則膽消頭暈疊塗則觸石折釘萬有餘喪也如病夫稚子沿離靠壁先已皇皇一有趺跬而傷我者即離壁矣向者每言海運費人以近所聞何常費人僅費舟費米耳每聞津兵門出運去岸不過數里畧有風色勿次收泊負裝挾資以泳游而登而立視其顛播風息之後幸可補塞則收召魂魄復而為運兵不則散之四方以逃罪也管運者報曰失風以寬責也此無他不習海勢不知海法耳今幸有防哨之人不得來接濟販賣之人不得不往是以千里漂搖莫以為難擴而充之更撥東哨以與狼淞

之兵會於成山引出淮之艘一線東行俟離登千里轉針西北徑達  
旅順東西諸島可海市矣此亦諸島所自為計也雖非歲月可速幾  
然近岸遠岸之利害島人舟人無不心知而首肯者可鼓舞得不  
可詰問必得也願撫登與鎮海者共加之意耳既經具題前來相  
應履

請合候

命下遵奉施行等因天啓四年六月初六日太子太保本部尚書趙等具

題初九日奉

聖旨是欽此欽遵擬合就行為此

一客登萊巡撫

合客前去煩照本部題奉

欽依內事理欽遵查照施行

一劄總兵

毛文龍  
楊肇基

合劄本官照依本部題奉

欽依內事理欽遵施行

天啓四年六月

十五

日郎中廖起獻

張瑞

兵部

題為遵奉

聖諭申飭邊備事職方清吏司案呈該臣于五月初四日

內閣傳諭

聖諭一道到部臣具題申飭邊備外看得毛文龍孤軍海外倏進倏退雖未遽能滅奴而亦足以掣奴昨歲屢戰屢捷奴亦有懼心焉而毛帥之孤軍懸于海島而奴之奸謀未可逆料又當乘其不備而批吭搗虛者是在文龍之磨礪以需耳乞

皇上賜一璽書換其忠勇而飭以廣偵探精間諜使奴果有狂逞之意務必多方撓之使不敢西向一步方為全功等因具題奉

聖旨是朝鮮封事已有旨了該部移文應援還查明行欽此欽遵移文

內府翰林院請撰



勅書所有 勅書應差官齎送今查得光祿寺署丞管鴻臚寺事郭

自維自顧渡海以効微勞堪以差委合無將以

勅書賁送總兵毛文龍處所以示鼓舞合候

命下遵奉施行等因天啓四年六月初七日太子太保本部尚書趙 奇

具題十一由奉

聖旨是欽以欽遵擬合就行為以

一各登萊巡撫

合咨前去煩照本部題奉

欽依內事理欽遵查照施行

一劉署郭自維

合劉本官照依本部題奉

欽依內事理欽遵施行

天啓四年六月

十五

日郎中廖起獻

張瑞

兵部為邊兵已加簡汰仍須量調西丁等事職方清吏司案呈奉本部送准督師閣部孫

客前事內稱卷查天啓二年十二月間

該本閣部奏前事等因徵調宣府鎮官丁一千三百五十三員名大

同鎮官丁二千三百五十九員名山西鎮官丁九百四員名延綏鎮官

丁二千四百九員名寧夏鎮官丁一千五百五員名固原鎮官丁

一千五十四員名臨鞏鎮官丁五百二員名甘肅鎮官丁二千五十六

員名業經如數選發統領抵關歸營操防訖唯是各鎮兵丁間關

跋涉久戍邊徼動思鄉井興嗟憊瘁每每籲控乞均逸勞更班替

換本閣部日與諸鎮道酌議既念岌岌嚴關亟需精銳又念長

征遠塞久戍為難酌情飭法特議更番以示休息業經具疏

奏明仍以量調舊額計酌年半或二年新舊定為兩班其各鎮先經

每名給過安家銀五兩惟寧夏鎮三兩俱議扣一半給付新丁

換替班滿舊丁如期徑又來更番不復再煩扣給周而復始永為  
則例今期已及爪特差官祝賴賚銀三千五十七兩五錢解赴宣  
府鎮蘇元賚銀五千六百二十兩解赴大同鎮郝時遇賚銀一千  
四百二兩五錢解赴山西鎮張奇化賚銀五千一百六十五兩解赴  
延綏鎮張明賚銀二千七十兩解赴寧夏鎮何登科賚銀二千  
三百四十七兩五錢解赴固原鎮又賚銀九百九十五兩解赴臨鞏  
鎮繆選賚銀三千八百一十二兩五錢解赴甘肅鎮給發各丁至有  
不敷仍查向在途在關脫逃兵丁捕追安家以抵補給併量行優恤  
病歿陣亡之丁或有餘欠各該督撫衙門不妨酌裁銷美各鎮照  
原定各標下漢夷家丁速簡精銳各備馬匹器甲在宣鎮總兵  
下中軍坐營官同龍門寨將馬士麟洗馬林守備孔登科在大  
同鎮總兵下中軍坐營官同馬站遊擊王秉忠標兵守備袁澄草

梁山守備楊文謨在延綏鎮總兵下中軍坐營官同清平叅將趙大胤請邊守備左光先柳樹澗守備李元彰榆林衛指揮加銜守備王繼勲加銜守張邦才鎮靖中軍何達內丁千總楊名正兵千總李廷宰延安千總孫弘業原任寧塞叅將父穆原任榆林坐營陳維翰原任榆林威武守備王永祥在寧夏鎮總兵下中軍坐營官同廣武遊擊拜世龍加銜都司周亮同羗堡操守趙有穆正兵把總陳學紹奇兵千總王良翰千戶王廉百戶戴三才在固原鎮總兵下中軍坐營官同在營遊擊周一新坐營陳九禮管局指揮楊俊英在林鞏鎮總兵下中軍坐營官同舊洮州守備蘇固在甘肅鎮總兵下中軍坐營官同鎮番叅將官惟賢大靖叅將張爾奇甘州備禦李承勛紅崖子守備王之屏土門守備金友義原任下馬叅將張鳴鶚俱各量帶家丁經繇邊路統領新丁前來定限八月十五

日以前抵關交驗不許議留以啓規避有濫充違限及道途生事  
私逃者罪坐統領官定行梟首仍查各故悞兵官坐以軍法  
蓋渝關兵有急需本閣部何敢以偶空九邊精銳特蚤借應代之  
兵以速為聲援頃奉有

明綸勅內外衙門協心奮力共圖

大計蚤奏成功因念凡我同胞念

君父之憂勞痛生民之困苦也七年逋寇何以殄殲千里封疆何以恢復

且以憤殺奴酋之心蚤為應發不待大聲疾呼始雇胥溺於同  
舟也除已經分別逃故見在備各該督撫更番外擬合移會轉行  
為此合咨兵部煩為查照咨文內事理即希轉會各該督撫衙門  
速為如議更番以應關門急需戰守萬勿遲悞具仰同舟大誼等因  
到部送司查得先奉本部送兵科抄出督師閣部孫題為仰承



聖斷等事該本部題履移咨各鎮調發兵丁去後今准前因應行亟催  
案呈到部擬合就行為此

一咨宣大陝西各總督 合咨前去煩為查照先今咨內事理轉

行咨該巡撫衙門照數調發施行

天啓四年六月

十五

日郎中廖起嘯

張瑞

兵部

題為奴情叵測我備當嚴乞

勅在事諸臣仰遵

聖諭講求應敵實着以圖萬全事職方清吏司案呈奉本部送兵科抄出兵科都給事中李精白題頃因登撫塘報准平遠總兵毛文龍揭稱奴謀內犯有賄買西虜借路潘家口情形致屢

聖慮宣諭樞輔臣督飭沿邊文武將吏洋洋

聖謨軫念封疆大計慮至深遠也諸臣恭承

嚴命敢不倍加密慎多方籌畫務保無虞以仰副

聖懷惟是應敵如奕棋然窺其意之所向得先應手方為勝局稍遲即為後著若失著則為全局之害不淺矣向幸奴之來者曰戀老巢而不肯舍也慮毛帥之乘其後也茲據塘報所言脩築舊遼陽城以

設防漸逼而西去毛文龍遠矣文龍勢不能裹糧遠躡其後是為  
馬腹之鞭無可恃矣且潘家口進攻之說為計甚狡挨牌攻城之  
具為制甚堅若非相機揆勢先時而制之一旦突發倉皇急遽之  
中著數安得不亂古稱無恃其不來當有以待其來待之者多方  
以擾之使其不能來直前以應之使其來而不能逞也擾之須藉渡  
海之兵應之惟在關門之衆登萊自設撫鎮以後歲費餉四十餘  
萬養兵二萬三千名三年以來并未借其一臂之用用之以其時矣  
近因分餉海外二十萬撫臣袁可立鎮臣楊肇基歸併營兵止得  
精兵五千分布各島其在兩汛口中島皇城島者可以進窺復蓋聯  
絡覺華為犄角以攻其腹其在旅順雙島之間者與張盤為犬  
牙相維之勢可以接濟毛文龍以擊其背惟是五千之衆合之  
僅成一營散之有如晨星安能制奴而掣肘之當申前

音登鎮以二萬為額速行招募凡遼人之在內地者方虞安插未安宜  
盡令為兵使之渡海殺奴以復故業青州新兵一千名亦宜量撥  
一半以益之有以二萬重兵相機進取以擾之又有毛文龍大兵出其  
後則奴腹背受敵自顧之不暇而敢思向耶更祈

嚴勅

諸將不時塘報務有斬獲一如海外之師有如毛帥前揭所稱西

來將領到訊地販賣子女馬匹故殺歸順遼民以邀功賞夏遊  
嬉而冬不知揚帆何地也則軍法難貸矣竭天下之物力以奉山海

養兵十餘萬原期殲奴而恢復三韓自樞輔行遼榆關之壁壘一  
新設關外以至寧遠墩臺城堡屹然金湯日討軍實而訓練之  
稱有制之兵然技成未有所試譬如病者延醫於家日聚參苓  
日事炮製必須立方投劑而後病有起色趁此秋風未起奴騎  
未動正宜簡擇戰將挑選戰兵鼓行而前逐去西虜恢復廣寧

修城濬池安插開墾選精銳敢戰之士屯劄於中隱然在山虎豹  
 如騎一動秣馬礪兵逆之河上使之摧折而回即不戰而城守奴  
 必不敢越此而徑趨薊門舊唐書報所傳奴制攻城挨牌高一丈  
 二尺濶九尺厚七寸作何應之亦爾集衆將之議求制勝之策毋得  
 視為虛傳而忽之也至於賄虜假途之說寧信其有撫賞以携其  
 交此不可少之著數惟是大羊貪慾無厭每於督撫新舊相代  
 之際肆其要挾近喜峰潘家口馬蘭路等處聚衆吹吹所在見  
 告然

國家之金錢有限額外之濫觴難開老成謀

國自有妙裁若夫脩邊除器簡將練兵時時為自強之計不問虜之  
 款不款也督撫二臣已計之預矣臣草疏方完於本科接得撫院鄧  
 漢地重時危一疏慮中協之單弱念主計之匱乏損益於多寡之

間參酌於去留之際倣而行之不惟足兵抑且節餉真借節之苦思  
遑之壯猷也應從撫臣之請中協增兵六千取足于通薊牛欄順義  
之兵改分防為額數務使中協有益伍而墩臺無缺額其餘仍歸  
原營令時常稽查約束俾有實用而無虛糜可矣蓋兵易聚而  
難散恐一撤之後散之無法未免費調停矣世無必勝之民有必  
勝之將故得千軍易得一將難也孫祖壽廉勇素著為登壇極  
選撫臣深知其賢矣賢故不厭其多且又值薊門需才甚急而該  
鎮人地相宜也通州咫尺

神京大將旗鼓彈壓為重曩之創設原因東事起見奴氛之起威  
尚在不可知惟過冬杪春初始決耳故二鎮之去留俟樞部斟酌  
於下

聖明裁斷於上臣愚未敢擅置喙也伏乞



勅下該部覆議施行等因奉

聖旨關門戰守事宜聽督師輔臣調度餘著酌議具覆該部知道欽此欽遵抄出到部送司案呈到部除薊門通鎮之兵將宜留宜裁者臣部另疏具覆外為照前者欽奉

聖諭後臣部即疏陳禦奴之策矣未幾督師輔臣亦有疏

入告大意與臣部相同而總不外於我能往則賊自不來之一語所謂

往者關門以正兵逼其前毛帥以奇兵綴其後登萊以水師搗其腹使賊三面受敵疲於奔命也然三方節制總聽於關門而進止机宜亦何容輕談在樞輔汎幾遠照自有成畫誠非臣部所能渝度但軍事靜如處女動如脫兔靜者正所以為動地也倘兵不預足不預練練不預精即一朝欲動將何湊手今士馬之在關門與毛帥者計備已周而獨登萊一路名為二萬實止五千則殊不足用

宜科臣之亟請如額也查撫臣袁可立恭報登兵有二萬三千六百有  
奇今揚帥精選其鋒銳者僅得五千何也蓋登餉原餉四十萬今  
移二十萬與毛帥則去其半矣餉減則兵亦減是二十萬之餉亦可養  
兵一萬之多而精銳止得五千其餘皆羸弱不堪用乎宜亟行簡  
閣速議召補而募不必遠求即就近以遼人之精壯而有收藝者  
充之蓋遼人之技力原未常遜於我軍而怒氣倍之吾用之既足  
以實伍而又省安插之煩何為而不用也登州新兵外有舊兵九  
千餘名兼之青菜二營量為挑選何難二萬之數審時度勢酌量  
分派東接毛帥西應覺華豈不赫然雄峙足成犄角之勢哉如是  
而關門一旦有舉動則首運而腰尾俱應奴即自救不暇何有餘勇  
敢窺潘家口等處哉此所謂我能往而賊自不來者也若夫奴造挨  
牌雖極堅厚然輸攻不足墨守有餘從來衝竿撞車之用原設

以備攻豈邊臣今日不預為未雨之綢繆乎要以善守者守之於賊所不及攻車騎誠精火器誠練偵探誠先將虜馬未及城而先催折矣寧俟其俟牌之施設訖至如西兵之春來冬去逍遙海上而徒以掠販剽殺為長技者自有三五之軍令在何可以寬假也既經具題前來相應覆

請合候

命下遵奉施行等因天啓四年六月十一日太子太保本部尚書趙等具題十四日奉

聖旨是欽欽遵擬合就行為欽

一各督師閣部登萊巡撫合前去煩照本部覆奉

欽依內事理欽遵查照施行

一劉毛文龍

合劉本官照依本部覆奉

欽依內事理欽遵施行

天啓四年六月

十七

日郎中廖起獻

張瑞

兵部為仰承

聖斷等事該本部題云等因除具題外相應咨會割領解為此

一割主事鄒忠胤合割本官照依本部具題內事理將

帑銀十萬兩解赴山海督師衙門仍取實收繳部以憑查考施行

一咨督師閣部合咨前去煩照本部具題內事理將主

事鄒忠胤解到帑金十萬兩查收應用希咨回部以憑查考施

行

天啓四年六月

十七

日郎中廖起巖

張瑞

兵部為仰承

聖斷亟與內外各衙門協心奮力以共圖大計事職方清吏司案呈奉本部送准督師閣部孫 咨稱天啓四年五月二十五日該本閣部奏前事等因六月初三日接讀邸報奉

聖旨覽卿奏併車營圖冊具見壯猷成畫內外各衙門當念切封疆共圖濟事這原議各鎮更番兵丁坐名統領各將及兌用馬匹盔甲器械俱依限照數作速督催給發帑金匱乏念卿所請關係緊要搜括別項銀兩湊發十萬兩餘着戶兵二部協同區處一併解給該部知道欽此欽遵為照關門策戰剿方畧計畫車營所需戰馬六萬三千六百一十三匹皆係定制成美正馱之數不可缺一酌計設處除關城見備併所計調買抵數外尚欠六千五百八十九匹業經疏奏于京營量選三千五百太僕寺量兌三千一百奉



旨勅發唯是念切封疆場倭係戰剿所關機會當乘時事莫失戰馬  
軍需萬分喫緊轉催各該衙門速行照數應發強壯堪戰馬匹  
不得以不堪搪塞責委員役押赴關城他日藉之雪恥除兇敢謂  
非各衙門協心奮力之功也擬合移會轉行為以各該貴部煩照  
明旨內事理欽遵督催速發施行等因到部送司案呈到部擬合就  
行為此

一本  
一各京營總督

合用手本  
前去煩照先今來文內事理將

營馬揀選強壯堪充戰陣者差官解赴山海督師衙門以應急需  
施行

一割太僕寺

合割該寺查照先今文內事理將寄養

馬匹照數挑選強壯堪戰者充發山海督師衙門以應急需施行

天啓四年六月

十九

日郎中

張廖  
張  
張

兵部為仰承

聖斷亟與內外各衙門協心奮力以共圖大計事職方清吏司案呈奉本部送准督師閣部孫 客前事內稱天啓四年五月二十五日該本閣部奏前事等因六月初三日接讀邸報奉

聖旨覽卿奏併車營圖冊具見壯猷成畫內外各衙門當念封疆共

圖濟事這原議各鎮更番兵丁坐名統領各將及兌用馬匹盔甲

器械俱依照數作速督催給發帑金匱乏愈卿所請關係緊要

搜括別項銀兩湊發十萬兩餘着戶兵二部協同區處一併解給

該部知道欽此欽遵為照方今大計全唯減奴一着關門計畫車

營所需器具甚多一有未備即係設置未獲萬全然無米之炊

勢所誠難竹頭木屑動需金錢是爾本閣部不憚懇懇懇懇

屢疏冒

請帑金向經奉

旨着戶工二部設法措處方在跋望二十萬金抵關應手接濟猶計未敷  
適今續請二十四萬又奉

明旨湊發十萬兩餘着戶兵二部協同區處蓋關門朝夕拮据獨唯戰  
剿機宜何敢以疆多事之際泄泄為情乃待需置辦奚翅洗  
金而應發無期烏能致軍中器具一一有備無缺可相機乘會  
圖剿禦方畧乎是唯同仇共憤深念關門需用甚急多方設處蚤  
為解運無負

朝廷惓惓東顧勿虛

嚴旨幾經勅發倘使經費不乏進剿有備邇人敢忘協謀共圖之力也  
擬合移會亟發為此合咨貴部煩照

明旨內事理即便會同戶部欽遵區處一併解發施行等因到部送司

查得先該督師閣部題前事內請

帑金二十四萬兩緣緣具題奉有

明旨除見發十萬兩外餘着戶兵二部協同區處應移客戶部作何區

處協同商議又查得先該閣部題為經費既乏軍需至急等事

內請

帑金三十萬等因具題奉

聖旨舟車戰守必資置辦宜預覽卿奏知兵船已行召募車營

器具急需銀兩內帑向來匱乏念卿所請多方搜括湊發銀十

萬兩餘着戶兵二部設法措處作速解運欽此除已發十萬解赴

關門外已經兩次移文戶兵二部措處去後

隨准戶部咨稱舟車等項銀兩應

隸工部咨覆前來

今准前因應行工部亟催以濟關門急需案呈到部擬合

就行為此

一客工部合客

貴部煩為查照先令題奉

欽依內事理措處起解仍希文回照施行

十九

天啓四年六月

日郎中廖起獻

張瑞

此張多的



兵部

題為缺官事職方清吏司案呈照得都司僉書職銜管山東  
德州營叅將事谷九有近該山東巡撫王 各稱病故所  
有員缺合當推補案呈到部臣等查該公推舉得昌鎮口白  
羊口守備以都指揮體統行事指揮僉事貢士奇大同平虜  
城守備以都指揮體統行事署指揮僉事劉芳声俱各堪任  
伏乞

聖明於內 簡命一員量陞署都指揮僉事以都司僉書職銜管前  
項地方叅將事候

命下之日本部備查原擬責任請  
勅一道賁付本官欽遵任事合用  
符驗旗牌照例就彼交代具繇回奏遺下員缺另行推補

計開擬堪山東德州營參將事官二員

貢士奇

係武清衛指揮僉事天啓元年九月推以都指揮統行事守  
備昌鎮白羊口地方三年該勦鎮督撫按官王象乾等  
奏保五次歷俸二年十個月

劉芳聲

係大同前衛付千戶天啓元年十一月推升署指揮以都指揮僉  
事統行事守備大同平虜城地方四年該大同督撫按  
官王國禎等奏保三次歷俸二年八個月

兵部

題為缺官事職方清吏司案呈照得都司僉書職銜管山東文登營

守備事周鴻謨近該本部題奉

欽依以原官調管登萊巡撫標下中軍遊擊將軍事所有員缺合當

推補案呈到部臣等從公推舉得錦衣衛會舉房可宗大嵩

衛指揮僉事王鋌俱各堪任伏乞

聖明於內

簡命一員照例以都指揮體統行事守備前項地方如用房可宗量升署

指揮僉事候

命下之日本部備查原擬責任劄令欽遵任事

計開擬堪守備山東文登營地方官二員

房可宗

係錦衣衛會奉天啓四等年該薊鎮督撫按官王家乾等奏保三次本年該行遼尚書王各稱本官起家科目久歷遼方邊務夷情無不周知遇有相應守備員缺即為推用茲值前缺相應推補

王 鈺

係大嵩衛指揮僉事天啓三等年該山東撫按官趙等奏保三次

等因天啓四年六月十六日太子太保本部尚書趙等具題十九日奉

聖旨是有點的依擬用欽此內賈士奇房可宗各有點抄出到部送司案

呈到部除劄仰賈士奇以新官交代之日為始定限十五日以裡房可

宗定限本年七月初五日各到任外

一各山東巡撫

合各前去煩照本部題奉

欽依內事理行令各官依限到任仍將到任日期併履歷緣繇同原奉本部劄付繳部查考如過限不到及不繳部劄照例參究施行

一咨都察院 合咨

貴院煩為轉行山東巡按御史照依本部題奉

欽依內事理行令各官依限到任如或過違照例參究施行

一合具揭帖差主事孫元化賁赴

內府翰林院請寫

勅書施行 計開請

勅官一員都司僉書職銜管山東德州營叅將事署都指揮僉事賈士奇查得本官責任專在德州駐劄操練新舊兵馬剿緝遠近賊盜防護運艘固守城池凡德左二衛所操捕及中軍千把總等官俱屬管轄一應軍務聽兵巡官調度有警不分水陸相

機撲滅如遇賊勢重大俱要會同攻剿仍聽巡撫官及提兵官  
節制須持廢秉公正已率下以副委任如或貪酷僨事罪不貸  
貸 一割付賈士奇 房可宗

天啓四年六月

三

日署司事郎中張瑞

兵部

題為裁止冗員事職方清吏司案呈奉本部送准山東巡撫王 咨  
稱據分巡兗東道右叅議兼僉事王繼美呈稱照得本道舊設  
標下馬步兵七百七十六名舊例在於沂州衛指揮員內揀選中  
軍充領訓練自天啓二年妖變奉

旨募添新兵一千名係是前道徐副使揀用本衛指揮彭文炳統領  
備隊攻圍旋蒙叙陞本道中軍守備統領新舊二營兵馬操練  
新兵近准布政司照會奉撫院明文裁去新兵五百名總共新  
舊兵止存一千二百七十六名本道查得守備彭文炳係本衛指  
揮衙宇不必另設設衛額有俸糧廩給無容另議近閱邸報  
兵部新推本道中軍一員李銳新兵既裁一半此官一到創置  
衙宇需費二百餘金每歲薪紅廩糧廩約費百二十金計茲



二項從何措處計必減兵縮餉以待新官大添一必不有之官  
裁去必不可少之兵合無重念沂州環山濱海要害之區兵不應  
重減以示削弱官不應另設以滋繁費仍令原設守備彭文炳照  
舊中軍深為兩便將新推本道中軍李銳移咨兵部改選等  
因呈詳到院據此為照沂州道新添之兵既裁其半所存者  
數亦不多該道議令該衛指揮彭文炳照舊中軍且食本職  
俸糧並不動及兵餉似屬兩便其兵既議裁而新添中軍李  
銳恐無事事既經該道呈詳前來擬合咨請為合咨兵部  
煩將本官改選施行等因到部送司查得兗東道中軍原有沂  
州衛指揮彭文炳祇食本職俸糧又不更置衛宇且沂兵已裁  
其半新推中軍李銳似無所事事又用議俸薪衛舍咨部將李  
銳改推等因似應題准將李銳另推呈堂奉批准改奉此案呈

部為照

國家設一官務得一官之用而竟東道中軍新推李銳蓋為該道舊有馬步兵七百有奇又值昨年妖變添設新兵一千名則該道之彈壓中軍之訓練未可乏人也乃今新兵已裁其半彼中業照舊例選沂州衛指揮彭文炳管中軍事且本官食衛俸而居衛舍不必設處薪紅衙宇而揀亦不致廢弛矣撫臣議將李銳另推為地方省繁費計也既經具咨前來相應覆

請將李銳另行推用合候

命下遵奉施行等因天啓四年六月十九日太子太保本部尚書趙 亨具<sub>奏</sub>二十

二日奉

聖旨是欽此欽遵擬合就行為此

一咨山東巡撫 合咨前去煩照本部題奉

欽依內事理欽遵查照施行

一咨都察院

合咨

貴院煩為轉行山東巡按御史照依本部題奉

欽依內事理欽遵查照施行

天啓四年六月

廿五

日署司事郎中張瑋

兵部為專官稽查發抄以慎軍務事職方清吏司案呈案照先奉本部送兵科抄出貴州道御史徐吉題為毛帥之驚謗報萬分可虞等事奉

聖旨邊備宜嚴這所奏着該部嚴行着實整飭不得仍前虛文塞責每科道官條陳邊事併各處邊情奏報不得發抄且屢旨嚴禁通不遵行着兵部專委司官一員嚴查抄報人治罪如違併行究處欽此欽遵抄出到部送司欽遵在案近查內外各衙門一切章奏無論大小一槩發抄甚至遊手好閑之輩駕言誼膳以致中外不寧殊非法紀相應專官查覈嗣後凡有內外一切章奏事關軍務者各報房俱送本官查驗方許發抄不得朦朧槩發等因案呈本部劄委職方清吏司鄒主事管理今鄒主事奉

命差解帑金所有發抄事宜相應另委案呈到部擬合就行為此

一劄主事孫元化 合劄本官照劄事理凡內外各衙  
門章奏有事關軍務者逐一查覈方發報房如貴奏員役并坐  
班及寫報等役不遵約束者即盡法究治施行

天啓四年六月

某

日署司事郎中張瑞

兵部為清查馬匹等事職方清吏司案呈奉本部送准宣府巡撫徐 各前事內稱黃明臣下剩銀八千四百五十九兩四錢責本官家人承領併行在城同知差人公同押解太僕寺交收等因到部奉批方司查行前給黃越銀一千四百兩當取還方司庫仍行太僕寺以銀不許輕動候題

請奉

旨方得發也到司奉以查得前項銀兩已經宣府撫院責令黃明臣家人承領併行在城同知差人公同押解應責令如期蚤至盤驗明白除發黃越家丁銀一千四百兩補還本司外餘銀收貯候

題作別項正支案呈到部擬合就行為以

一劄太僕寺

合劄該寺照劄事理候黃明臣



請  
行

解到銀兩收貯不得擅動候本部題

天啓四年六月

某

日署司事郎中張瑞

兵部為差官田島請足歲餉事職方清吏司案呈奉本部送准戶部咨前  
事內稱毛帥差官再三催請糧餉又值匱乏無已本司議于李勛科查追  
登萊陶撫院還官入官銀內撥取三萬兩前去接濟餘欠二萬俟外解  
稍多另行文山東登萊二撫院解發去訖今兵部復又移會前因相應  
咨復知會諭令差官徐鳴泰即赴山東兌領前銀三萬可也呈堂奉批准  
咨奉此案呈到部擬合就行為此合咨貴部煩為查照施行等因到部  
送司查得戶部咨稱將陶撫院入官還官銀三萬兩諭令毛鎮標下官  
徐鳴泰赴山東兌領恐屬未便戶部原稱于五月二十八日行文山東登萊  
二撫院解發去訖等因不若照戶部原行仍移咨撫院差解以免侵漁  
之弊呈堂奉批移咨去奉此案呈到部擬合就行為此

一咨山東 登萊各巡撫

合咨前去煩為查照咨內事

理將前項銀兩解發施行

天啓四年六月

九

日即中方孔昭

張瑞

太子太保兵部尚書臣趙

等謹

題為仰承

聖斷亟與內外各衙門協心奮力以共圖大計事職方清吏司案呈到部案  
照先該督師閣部孫 奏前事等因奉

聖旨覽卿奏併車營圖冊具見壯猷成畫內外各衙門當念切封疆共圖濟  
事這原議各鎮更番兵丁坐名統領各將及兌用馬匹盔甲器械俱依  
限照數作速督催給發帑金匱之令卿所請關係緊要搜括別項銀奏  
發十萬兩餘著戶兵二部協同區處一併解給該部知道欽此該臣部差  
司屬一員恭領

帑金已經題解外看得輔臣既念關門急需又念中外匱竭止請二十四萬  
必少厘毫不可遲時日不得今少銀一十四萬兩業奉

明命協同措處臣等何敢推諉致誤軍機臣等與戶部面議兩部各分認銀七萬

而急應議處別無應動銀兩仍于太僕寺馬價銀內動支七萬兩解赴榆關以應彼中車營等項之用合候

命下遵奉施行等因天啓四年六月二十三日太子太保本部尚書趙等具題二十六日奉

聖旨是欽此欽遵擬合就行為此

一咨督師內閣

合咨前去煩照本部題奉

欽依內事理欽遵查照施行

一咨戶部

合咨

貴部煩照本部題奉

欽依內事理欽遵解發施行

一劄太僕寺

合劄該寺照依本部題奉

欽依內事理將前項銀兩照數查發希文回部以憑查考施行

天啓四年六月

三十

日郎中方孔炤

張瑞



太子太保兵部尚書臣趙 等謹

題為歲終類報江洋盜賊叙錄文武職官以飭江防事職方清吏司案呈奉本部送兵科抄出浙江巡撫王 題據浙江按察司呈送造完所屬各府州縣衛所地方天啓二年己未獲盜賊起數名數并各功罪官員職名到臣該臣會同浙江巡按李思啓覆加查覈相同除未獲盜賊嚴行緝捕以靖地方陞遷事故及獲盜名數不多并功罪相准各官俱不敢縣列外計開杭州府功罪相準官一員總捕同知徐文龍錢塘縣有罪應罰治官一員巡指揮高秉忠嚴州府遂安縣有罪應罰治官一員巡捕主簿林多嘉興府有罪應罰平時桐廬縣有罪應罰治官一員巡捕主簿程自和但查二官任淺姑與縣有罪應罰治官二員知縣湯齊巡捕主簿程自和但查二官任淺姑免議罰行令戴罪緝捕秀水縣有罪應罰治官一員知縣范文若

但查本官任淺姑免議罰行令戴罪緝捕嘉善縣有罪應罰治官二員知縣康元穗巡捕主簿吳廷鑑但查六官任淺俱姑免議罰行令戴罪緝捕海鹽縣有罪應罰治官一員知縣樊維城崇德縣有罪應罰治官一員知縣鄧漢臣寧波府有罪應罰治官一員巡捕千戶解武元鄞縣有罪應罰治官二員知縣張伯鯨巡捕典史熊邦魁查二官任淺姑免議罰行令戴罪緝捕定海縣有罪應罰治官一員知縣顧宗孟但查本官任內捕獲別起賊盜一十三名姑免議罰行令戴罪緝捕紹興府蕭山縣功罪相準官一員知縣陳振豪台州府仙居縣有罪應罰治官一員知縣陳起龍但查本官任淺姑免議罰行令戴罪緝捕處州府麗水縣有罪應罰治官一員巡捕典史陳國策遂昌縣有罪應罰治官一員巡捕典史夏一鳳等因天啓四年六月十一日奉

聖旨該部知道欽此欽遵本月十四日抄出到部送司案呈到部除陞遷事故

及獲盜名數不多并功罪相準各官俱照原題不議外為照高秉忠等弭盜不嚴緝捕尤疎相應罰治以示懲警陳此心等或履任尚淺或別起捕獲姑令戴罪緝捕以責後效既經具題前來相應覆

請合候

命下將高秉忠賀平時林多樊維城鄧漢臣解武元陳國策夏一鳳各罰俸三箇月陳此心湯齊程自和范文若康元穗吳廷鑑張伯鯨熊邦魁顧宗孟陳起龍俱責令戴罪緝捕務在盡獲以靖地方仍行各衙門遵奉施行等因天啓四年六月二十五日太子太保本部尚書趙 等具題

十八日奉

聖旨是欽此欽遵擬合就行為此

一各浙江巡撫

合各前去煩照本部覆奉

欽依內事理欽遵查照施行

一咨吏部 合咨

貴部煩為查照本部覆奉

欽依內事理欽遵查照施行

一咨都察院 合咨

貴院煩為轉行浙江巡按御史照依本部覆奉

欽依內事理欽遵查照施行

三十

天啓四年六月

日部中方孔昭

張瑞

兵部為赤體空拳窮荒無措謹請軍需以資勦復事職方清吏司案  
呈案照先奉本部送據平遠總兵官毛文龍呈請盛甲硝黃等項已經開  
數移咨工部隨據毛帥標下解功官徐鳴泰呈為照例請給軍需又經  
移咨去後未見回文今又據徐鳴泰呈懇請給軍需此係海外差  
官以日為年事在急公幸加速發堪用物件應再移催案呈到部  
擬合就行為此

一咨工部

合咨

貴部煩為查照先令咨內事理亟為查發施行

初七

天啓四年七月

日即中方孔昭

張瑞

兵部為缺官事職方清吏司案呈奉本部送准吏部咨前事內開原任直隸太平府知府覆奉

欽依

以原推副使職銜致仕余思明今起補山東按察司副使管理山東青

州兵備道事務補孫穀員缺見任山西汾州府知府楊嗣修今陞山東

按察司副使管理巡察海道移駐登州事務補譚昌言員缺仍照

新例兼管糧餉兼查理軍前折色餉務移咨該部照例請

勅其

勅內增入督餉字樣以便責成等因到部送司案呈到部擬合就

行為此

一合具揭帖差主事孫元化賫赴

內府翰林院

請寫

勅書施行

計開請

勅官官員山東按察司副使余思明查得本官責任分巡海右道整飭兵



詹兼管屯田駐劄青州所屬州縣并濟南萊蕪新泰長山淄川四

縣地方及境內衛所俱屬本官管轄操練官軍舍餘義勇壯快教

習武藝督捕盜賊保障地方合用馬匹器械賞勞等項聽本官

設法處置所屬軍衛有司軍民詞訟亦聽本官兼理本官須申嚴

號令禁約下人毋得因而邀功生事害及良善凡一應事宜務要

區畫詳明措處周密小則從便施行大則奏請定奪該管有司衛

所官員如有貪殘不職玩寇殃民應提問者徑自提問應奏奏者

具奏處治其所屬宋家口等處沿海地方亦要會同巡察海道

備倭總兵官協同防禦仍照新題事例兼管糧餉聽該省撫按

督餉部臣及薊遼總督節制本官為憲臣受茲委任須持廉

秉公殫心竭力務期盜息民安以副任使毋或因循怠忽自貽罪戾

山東按察司副使楊嗣修查得本管責任專一駐劄登州整飭登州

一府沿海軍務往來巡歷如遇地方有警互相策應督令各該衛所  
守城備倭等項官軍并有司官吏修理城池整點器械操練官軍  
舍餘義勇快壯教習武藝各令精熟遇有盜寇生發即便調遣截  
殺務要盡絕仍監督沿海倉糧兼理詞訟毋得因循怠惰廢弛  
武備亦毋得縱容貪婪官員虐害下人如其弗收輕則從宜懲治  
重則奏聞區處一應海道事宜悉與新設總兵從長計議停當而行  
如青州府屬宋家口等處沿海地方有警會同青州兵備官員計  
議防禦仍照新題事例兼管糧餉聽經畧撫按督餉部臣節制其地  
方興利除害等事聽從宜斟酌施行務須殫心竭力期靖海氛庶  
幾不負

朝廷委任

天啓四年七月

初八

日郎中方孔昭

張瑞

太子太保兵部尚書臣趙 等謹

題為缺官事職方清吏司案呈照得山東王徐寨守備楊洗近該登萊巡撫  
袁 題稱病故所有員缺合當推補案呈到部臣等從公推舉得已推京  
營練兵生營以都指揮體統行事指揮使王時春小把總職銜管通州道  
中軍事署指揮僉事霍先登俱各堪任伏乞

聖明於內

簡命一員如用王時春仍以原官改前項守備如用霍先登照例以都指揮體統行  
事竊下員缺另行推補候

命下之日本部備查原擬責任劄令欽遵任事

計開擬堪山東王徐寨守備官一員

王時春係武城中衛指揮使天啓三年四月推以都指揮體統行  
事京營練兵生營因缺裁本官聽候別用茲值前缺相應推補

霍先登係南直隸一科武舉天啓二年七月推陞署指揮僉

事以小把總職銜官通州道中軍事三等年該順天督撫

按官王 等奏保七次歷俸二年二個月等因天啓四年七

月十三日太子太保本部尚書趙 等具題十六日奉

聖旨有點的依擬用欽此內王時春有驗抄出到部送司案呈到部擬合就行

為此除劄仰本官定限本年八月十五日以前到任外

一咨登萊 山東 巡撫 合咨前去煩照本部題奉

欽依內事理行令本官依限到任仍將到任日期并履歷緣繇同原奉本

部劄付呈報繳部劄照例奏究施行

一咨都察院 合咨

貴院煩為轉行山東巡按御史照依本部題奉

欽依內事理行令本官依限到任如或過違照例奏究施行

一劄付王時春

二十一

天啓四年七月

日郎中方孔昭



太子太保兵部尚書臣趙 等謹

題為遵例歲終舉劾將領官員以昭激勸事職方清吏司案呈奉本部

送兵科抄出山東巡撫王 會同登萊巡撫袁 山東巡按魏光緒題前

事除薦舉防海總兵官楊肇基恭遊擊指揮等官李在沐等俱  
附漕擢用不議外內稱訪得沙溝守備王應兆婪以成性殆貪狼之可  
憎怯以臨人嗟怒蛙之不逮此一官者干輒乃其職掌而至大盜劫人  
即准符之不清豈兵戎之可守所當革任田衛以敏貪弁者也等因天  
啓四年六月二十九日奉

聖旨兵部知道欽此又該登萊巡撫袁 題為歲終甄別將領以昭激勸

事除舉薦楊肇基等與山東撫臣相同外內稱有舉必有劾但登萊  
自總兵至守備奉

欽依者僅十餘員其非奉部陞選者稍有不類臣得從革例不足以辱白

間今數月之內水營遊擊劉宣化已經臣特疏議裁膠卽營守倫王希燦已經按臣劾革標下中軍叅將許定國已經革任赴閩而王徐營守倫楊洗又已病故所存見任各官分防海外者實居其半况遊擊劉宣化之革係臣本年清汰守倫王希燦雖經按臣論列而實臣所咨議以備甄別崇廢之人緣臣方病急懇

恩允放遂為按臣用之今餘將領數員稀將抱蔓豈堪再摘誠難更為苛求者也等因于本年六月二十九日奉

聖旨兵部知道欽此欽遵七月初四日抄出到部送司案呈到部為照守倫王應兆淫縱成性利慾營心不聞禦盜之方祇有虐軍之跡官箴已玷疆域無裨所當褫革以警官邪者也既經各撫按會題前來相應覆請合候命下將王應兆革任回衛等因天啓四年七月初十日太子太保本部尚書趙

具題十三日奉

聖旨是欽此欽遵擬合就行為此

一咨登萊 山東巡撫 合咨前去煩照本部覆奉

欽依內事理欽遵查照施行

一咨都察院 合咨 貴院煩為轉行山東巡按御史照依本部覆奉

欽依內事理欽遵查照施行

十六

天啓四年七月

日郎中方孔炤

兵部為恭承

聖諭嚴飭邊防懇乞

聖明亟發錢糧以定大計事職方清吏司案呈奉

本部送准工部咨內稱該本部題前事奉

聖旨這所奏分餉甚明閩門原請置辦器具銀二十萬兩着戶部還遵前  
旨解發以後各省直派定你部軍器銀兩着徑自收解併奏罰開銷俱依  
議行欽此欽遵相應移會煩照題奉

明旨事理施行等因到部送司查得督師閣部原題為經費既乏軍需至  
急等事奉

旨着戶工二部設法措處今工部題奉

明旨原請置辦器具銀二十萬兩着戶部還遵前旨解發等因欽遵移會  
前來應移咨戶部竟行差官起解山海關部衙門應用案呈到部擬合就  
行為此

一咨戶部合咨貴部煩為查照差官解發施行

十六

天啓四年七月

日即中方孔昭

太子太保兵部尚書臣趙

等謹

題為赤體空拳窮荒無措謹請軍需以資剿復事職方清吏司案呈奉本部送據平遼總兵官毛文龍呈前事內稱竊照有兵即有盜甲弓矢軍需等械此皆用兵之實事一件不可有缺今欲取足於置辦食且不足安問其餘惟望給於內庭兩軍之津運更自甚少其何以練精堅而殺奴賊也伏乞移咨工部檢甚用軍需多發應用庶內積者不致朽蠹外奮者得以憑依戒奴其有恃矣等因查得器械等項事屬工部應移咨催解等因案呈到部移咨工部去後至本年七月初三日據工部虞衡清吏司手本內稱刑部照磨所照磨吳鳳起呈討領解軍器奉堂批准解毛帥取討各項軍器一面知會兵部奉此相應移會煩為查照題差等因到司查得工部軍器例應兵部題差今准虞衡司手本有刑部照磨吳鳳起呈討解毛帥軍器業奉工部堂批本官



情出忠義相應准從又查得光祿寺署丞朱仲先經呈討此差已奉批准或專差吳鳳起為妥或令朱仲夥解呈堂奉批准分差奉此查得前項軍器為數幾萬件令二官分解庶可刻期以至天津令令彼中轉解案呈到部為照毛文龍牽制海上也兵民日眾器械不敷何以應敵文龍之所以呈請益甲硝黃等項勢不容緩今工部既已造辦刑部照磨吳鳳起光祿寺署丞朱仲俱堪委解合無令二官分差領解庶途次不致耽延軍前得有接濟矣相應題 請合候

命下遵奉施行等因天啓四年七月初八日太子太保本部尚書趙 等具題 聖旨是欽此欽遵擬合就行為此

一咨天津巡撫 合咨前去煩照本部題奉

欽依 內事理將照磨吳鳳起署丞朱仲解到軍器照數查收差官轉解施行

一劄 吳鳳起 朱仲

合劄本官照依本部題奉

欽依內事理將後開軍器解赴天津巡撫衙門交收明白仍取回文繳部以憑查考施行

一咨工部 合咨 貴部煩照本部題奉

欽依內事理照數查發差官領解施行

計開 照磨吳鳳起解 戰甲四千五百副 布花盔四千五百頂

銃鈹一千把 鈎鑷鎗一千根 佛朗機一百位 角弓面五千副

署丞朱仲解 鉛二千斤 生熟鉄二萬斤 硝三萬斤 黃五千斤

鵬翎箭十萬枝 絲弦五千條 腰刀三千把

天啓四年七月

日部中丞孔昭

太子太保兵部尚書臣趙

等謹

題為缺官事職方清吏司案呈照得守備山東沙溝地方王應兆近該登  
萊巡撫袁 題恭不職本部另本議覆所有員缺合當推補案呈到  
部臣等從公推舉得武昌衛武舉署所鎮撫陳鏞杭州前衛武舉  
署所鎮撫邵宏仁俱各堪任伏乞

聖明於內

簡命一員量陞署指揮金事照例以都指揮休統行事守備前項地方俟  
命下之日本部備查原擬責任請

勅一道賚付本官欽遵任事緣係云

計開擬堪守備山東沙溝地方官二員

陳鏞係武昌衛武舉署所鎮撫壬戌三十四名

邵宏仁係杭州前衛武舉署所鎮撫壬戌三十五名

兵部為缺官事該本部題云等因天啓四年七月初十日太子太保本部  
尚書趙 等具題十三日奉

聖旨是有點的依擬用欵此內陳鏞有點抄出到部送司案呈到部擬令就  
行為此除劄仰本官定限本年八月十五日以前到任外

一各山東 登萊巡撫 合各前去煩照本部題奉

欵依內事理行令本官依限到任仍將到任日期并履歷緣繇同原奉本部  
劄付繳部查考如過限不到及不繳部劄照例參究施行

一各都察院 合各

貴院煩為轉行山東巡按御史照依本部題奉

欵依內事理行令本官依限到任如或過違照例參究施行

一合具揭帖差主事孫元化賁赴

內府翰林院請寫 勅書施行 計開請

勅官一員守備山東沙溝地方照例以都指揮體統行事署指揮僉事陳鏞查得本官  
責任駐劄沙溝地方夏秋量帶官兵移駐沙河韓莊防河備運運畢仍回沙溝操  
練所轄軍馬禁緝盜賊保障居民務俾防運固圉而無偏弊仍聽撫按該道節制調遣  
本官須持廉秉公正已率下以副委任如或目循怠玩贖貨害人法不輕貸

副台陳鏞

天啓四年七月

日即中方孔昭

兵部為催請月廩等事職方清吏司案呈奉本部送據平遠  
總兵官毛文龍呈前事內稱照得遼兵之初集也群情歡洽歃血同盟  
然皆赤身奔命灰燼之餘似非一方豪傑括囊倡義其何以戡非常  
之勦敵成難撼之軍聲萬死一生致有今日新舊見在兵丁二萬六千  
餘名馬騾四千五百餘匹前後來銀八萬兩糧九萬餘石能穀三年  
兵糧馬乾之什一其各官履歷勞績惟授加銜且私囊因公而罄竭  
何以聊生公帑尤惜而不前似置不聞何以勵人心而勸將來乎職據  
呈撥理不得不為詳請更乞俯鑒各官歷來捐資報効未蒙毫忽憐准  
允例各官分級拘數月給廩費庶士氣可鼓而恢復有資矣等情具  
呈部院外于本年八月十五日蒙薊遼總督王 批各官練兵海外  
寄危疆艱苦倍嘗廩如議支給繳蒙此遵奉在卷日久未蒙上臺  
議發今據各官具呈前情併造各官花名清冊一本擬合再請伏乞

轉奏速發施行等因到部送司查得各官荷戈海外効力更苦廩俸一  
即似應准給但錢糧事隸戶部應移咨戶部酌議請呈堂奉批准咨  
戶部酌議奉此案呈到部擬合就行為此

一咨戶部

合咨

貴部煩為查照咨內事理希速酌議支給施行

天啓四年七月

日郎中方孔昭



兵部為欽奉

聖諭事職方清吏司案呈奉本部送兵科抄出登萊巡撫袁題前事內

勅下部院轉行山東按院嚴提海外領糧各官令與散糧員役當面質審庶

造俱備而虛實有無當自見矣若江淮各兵在萊食餉皆募院親自支

放而過海登舟皆募院躬行督發至於海外領糧四千七百之數見有

毛帥之印信文冊可據豈得止言三千五百名而此後分給新餉二十萬

又已題定該鎮委官自行支領臣衙門止任轉文之責似可以無贅也等因奉

聖旨該部院知道欽此欽遵抄出到部送司具案題覆聞又奉本部送兵科抄

出登萊巡撫袁會題為鎮臣叅官非體部疏覆奏太輕等事奉

聖旨據奏覈餉甚明領糧各官還着巡按御史嚴提勘奏海外用兵不必苛求

以後文職薦劾等事不得干涉如有侵剋等弊聽撫按官查明叅處該部

院知道欽此欽遵抄出到部送司案呈到部為照奴首煽禍費餉不貲而

海外如毛文龍者孤懸之島烏集之師獨能出奇設伏屢創虜費餉近止十萬功莫若焉惟苦則

中朝之接應更宜體恤矣據屢次解收七萬金輒有七千之扣減抑不思

廟幣之間搜絡如洗島嶼之蕪望眼欲穿而為此剝膚及骨之慘料我文紳

豈應有是耶又奚怪毛帥疾呼而計部亟欲勘明以茲將來者業經奏

明旨院道嚴為訊查今者謂七萬閱領有毛師差官王學易李惟棟孫安

國等照原鞘入舟解訖現存實收則此七千扣數必得諸弁而面質之方有

着落而院道又慮蔽護私情欲行按院行提結局本部反覆思之料想

餉廳之潔已與在登餉之誓天院道知之其海外各弁之有無動鞘竊

餉情弊毛師必知之若謂登萊有營私則無以白文臣之操若謂海外

多挑激則恐以反武臣之心合無各剖虛心共搜弊孔有明除於鞘外

有暗耗於鞘先者務在互相質証明白連結毋貽葛藤至准兵五千

名實止三千五百名以歸咎於前募兵者從來招募不貲淺如漏尾引繩批根尤宜浩歎總之此二十萬之餉在

朝廷為膏髓在海島為靈丹分毫虧折貽疾封疆有如原疏求之隨領並不粘手固是良法而中間稽遲那移之弊彼此耽悞該地方亦不得不設法而嚴持之也是在秉機務者一督查之斷不容姑息以養奸蠹則餉足兵強海上之敵氣耀靈何患乎師老蔑成重屋主憂孔既經案呈前來擬合就行為此

明旨及咨文內事理施行

一咨 東

登萊各巡撫

合咨前去煩為查照

一咨 都察院

合咨

貴院煩為轉行山東巡按御史遵照

明旨施行

一劄 元文龍

合劄本官遵照

明旨內事理欽遵施行

天啓四年七月

十八

日郎中方孔炤

兵部為照例咨用事職方清吏司案呈奉本部送據山東東昌衛副千戶岳萬陞呈稱切陞勿習韜鈴力能弓馬雖有勤王之志蹇無効用之機幸逢新例陞授納東昌衛副千戶取有完狀實收訖切思納級求官京祈聽用非比遙授之虛銜伏讀

題准事例款開內云納銀完日咨兵部題冠帶仍咨軍門聽用亦許登薦俯欽依陞既遵例納銀亦應照例咨用懇乞

天恩俯賜作養准咨京營總督標下聽用等情到部奉批本省聽用到司奉此案呈到部擬合就行為此

一咨山東巡撫

合咨前去煩將岳萬陞收錄軍前隨宜

効用俟有勞績咨部叙用施行

一劄岳萬陞

合劄本官照劄事理前往山東巡撫衙門効用

俟有勞績咨部題叙施行

天啓四年七月

十一

日部中方孔昭

兵部為全備制虜之具等事職方清吏司案呈奉本部送據平遠總兵官毛文龍呈前事內請討軍器盔甲等項緣緣到部送司查得軍器事隸工部應照原請數目移咨工部除已發外速為辦解案呈到部擬合就行為此

一咨工部

合咨

貴部煩為查照辦發施行

計開原請物件

盔叁千頂

甲

甲叁千領

翎毛五拾萬副

箭竹伍拾萬枝

硝貳拾萬觔

磺伍萬觔

回油壹千觔

牛筋壹千觔

神器砲銃壹千件

熟藥叁百觔

白麻壹萬觔

魚膠壹千觔

生牛皮伍千張

水牛皮貳千觔

今將新告增物件開具于後



火箭竹伍拾萬枝

白藤壹萬觔

百子銃叁千門

號衣布叁拾萬匹

要五色

京高紙壹萬刀

梓木桿伍千根

生漆貳千觔

要真正者

杉木炭壹萬觔

柳木炭壹萬觔

五色旗幟絹伍千疋

乾燒酒壹千觔

鉛彈伍萬觔

腰刀叁萬把

鋼鉄口銃貳千觔

鞭銃伍千桿

芋麻叁萬觔

鉄鍋伍萬口

沙缸叁百隻

茅竹貳萬根

隻頭銃伍千桿

雜麻拾萬觔

鉄蒺藜拾萬

唬缸壹百隻

鉄彈伍萬觔

虎藥壹千觔

烏鎗壹萬桿

角面拾萬副

要長大者

硝拾萬觔

磺叁萬觔

桐油壹萬觔

魚鱉伍千觔

牛皮壹萬張

天啓四年七月

日部中方孔紹

兵部為兵政統于中樞等事職方清吏司案呈奉本部送兵科抄出督師  
閣部孫 奏前事等因奉

聖旨卿以廟筭籌邊計畫自是周到况更番戍議戰守皆宜這原派各鎮兵  
兵丁將領着照數督發就中遠近衝緩聽卿移文酌定不必奏奪其儲備糧料  
着餉部速行料理一應捐助銀兩通解充用不得別項開銷閑門利害係天下  
下安危卿苦心深念朕所鑒知諸臣豈不能亮樞計兩部及邊鎮各官着協力  
急公共佐封疆大計毋或觀望致誤軍需該部知道欽此欽遵抄出到部送司案  
呈到部擬合就行為此

一咨宣大總督

合咨前去煩為遵照

明旨內事理轉行宣大山西各巡撫衙門將所調更番官丁速發赴閑萬勿延緩  
施行

一咨宣府

大同

山西各巡撫

合咨前去煩為遵照

明旨內事理即將督師所調更番官丁希速督發萬勿延緩施行

一咨陝西總督 合咨前去煩為遵照

明旨內事理轉行延寧甘肅各巡撫衙門將所調更番官丁速發赴關萬

勿延緩施行

一咨延綏 寧夏 甘肅 陝西各巡撫 合咨前去煩

為遵照

明旨內事理即將督師調更番官丁希速督發萬勿延緩施行

一咨督師 除各鎮移咨催發外合咨前去煩為遵照

明旨內事理欽遵查照施行

十九

天啓四年七月

日即中方孔昭

兵部爲亟請馬價料價以補援遼缺額以圖重地萬全事職方清吏司  
案呈奉本部送准薊遼總督吳 谷前事內稱希將援遼調去昌鎮馬  
價除給發外尚欠銀一萬三千四百九十兩照數給發前來以便買補  
前調馬匹其天啓二年十一月所調馬一百匹已經山海發還價銀都司  
孟吉兒去密雲馬駝九十匹俟行密雲道計價補還俱無庸別議  
者也等因到部送司查得援遼兵馬之需先經會議新餉兵部每  
年應得九十四萬餘兩今計部創議歸併矣兵部將何銀可補馬價  
之數况見貯援遼馬草料銀總屬公家又何得分彼此也應答回總  
督竟各戶部議處呈堂奉批回咨奉此案呈到部擬合就行為此

一咨薊遼總督

順天巡撫

合咨前去煩爲查照施行

天啓四年七月

日即中方孔昭

太子太保兵部尚書臣趙 等謹

題為仰承

聖斷亟與內外各衙門協力以共圖大計事職方清吏司案呈奉本部送准工部咨稱戊字庫查發鉄盔一萬頂鉄甲一萬副腰刀一萬伍千把大稍子九千張大箭十萬枝鉛子十萬觔節慎庫查發鉄彈十五萬觔西縣鉄二十萬觔三眼槍烏行廠補造如數查發刻期起運等因到部送司案呈到部看得前項軍器解運榆關需用甚急查得光祿寺署正謝師教堪以差委合無令本官赴工部支領脚價將器械等項解送榆關理合具本題

知等因除具題本題

知外相應移會為此

給劄

一咨工部 合咨前去煩照本部具題內事理希即給發差官

領解施行

一谷督師閣部

一創署丞謝師教 合創本官照依本部具題內事理即將

下赴山海督師衙門交收仍取回文繳部以憑查考施行

二十三

見

日郎中方孔炤



兵部為~~劉存義~~察功薦移咨起按議官事職方清吏司案呈奉本部送據  
劉存義通狀告前事內稱義初任山東萊陽縣縣丞四十三年十二月陞  
任城衛經歷候缺四十八年四月到任天啓二年兗州府妖亂蒙部院趙  
委職督造軍器火藥等項供應克敵晝夜傳烽取用應機剿滅妖  
氛蒙部院趙題叙隨營効敵監造軍器等官兗州府經歷任繼美  
併職等一十八員皆心司滅賊志切奉公暑雨驅馳輦車驪馬而匪懈  
晨昏拮据胼手胝足以忘勞相應薦資以俟擢用者也又蒙巡按陳九疇  
查勘軍功題薦隨營効敵及監造軍器等官照前叙一十八員皆忠能盡  
命卒不言勞聚米則虎帳生春運器則金戈曾

用蒙部院趙兵部上任薦職才識

後又蒙部院趙去年職親征

器勞績最茂應從憂

軍功查勘復明內

俱以本職准行

照例紹

功勘疏開舊本全

勞聚米則虎帳生春運

在卷今據前因似應移各吏

歷劉存義適當妖寇發難而本官監

時目擊其勞苦疏請叙錄擢用而按院勘

資以俟擢用本部覆請業奉

俞旨已經移咨吏部矣本官今已方轉而伏地哀鳴情蓋有可原者大約雜流

微小罪每當懲功亦難遂似應通查軍功勞官酌量陞遷則大政不遺于末職矣既經通狀前來擬合就行為此

一谷吏部

合谷

貴部煩為查照谷內事理酌處施行

二十四

天啓四年七月

日郎中方孔昭

兵部為塘報事職方清吏司案呈奉本部送准平遼總兵官毛文龍呈稱天啓四年五月初五日據來鄉齊得勝稟稱小的在遼陽親見有撫順道士一名董志道年將六十餘歲鬚髮蒼白身中肥胖原與奴酋未叛之先年誦經打醮交好甚厚及奴得志遼東說他是個好人為我有功隨令志道合族道士數十餘人皆不剪髮向匿密室人都不見于二月初三日奴酋與衆王子李伯隆佟李二駙馬商議聽得關上人馬極多似難進取又聞各邊關口有幾處不防不備我們差能幹的心裏進關去細細打聽的確便好下手以是衆議董志道向來奸細有功還是他忠心可用隨賞銀三千兩金簪玉簪纓子帽上好蘇樣衣服等件併八猪八羊雞送董志道出大門差他進關上京各邊奸細往來黃綠打聽軍機至今未回萬分真的與原差哨探千總韓啓陽回稱無異等情到職又查尋有丙午年間撫順佟養性一家知奴酋患病求醫甚急暗將灤州善

多齋商人馬志  
先 火掌出

嚴拿正法

及薊鎮緝捕防備送司

此數十人皆不剪髮作奸于內地孰從而辨之亟行關門薊鎮密訪隄防  
不容緩也至于馬志富昔年曾以醫術而通奴雖今已告取回家寧能保  
其非狼子野心耶既稱灤州人氏則居址有地踪跡防範不可無也

示

後馬志富優待甚厚前後七八年如  
富雖是西人第恐受恩深處不得不為  
志道心切為奴已一日潛通線索提  
莫辭又恐而失其稽查也切職慮方無識  
卓的的在於奸細之縱橫全遠既誤于昔關  
為密訪求耶為此事關安危萬分急切  
甚等因到部奉批方司速具稿行關上  
奴奴之故智也王術如董志直與其

到部擬合就行為此

一谷督師閣部  
薊遼總督

合谷前去煩查照谷內事里密訪防範仍

希谷回照施行

一谷遼東  
順天巡撫

合谷前去煩為查照谷內事理密訪防

範仍希谷回照施行

二十四

天啓四年七月

日即中方孔昭

事職方清吏司案呈天啓四年七月十九日接郎

報該督師閱部孫

奏前事奉

聖旨卿以廟籌善選計畫自是周到况審成議戰守皆宜這原派各鎮  
兵丁將領着該督叅就中遠近衝緩聽卿移文酌定不必奏奪其  
儲備糧料着餉部速行料理一應捐助銀兩通解充用不得別項開銷閑  
門利害係天下安危卿苦心深念朕所鑒知諸臣豈不能亮樞計兩部  
及邊鎮各官着協力急公共佐封疆大計毋或觀望致誤軍需該部知  
直欽此欽遵案呈到部爲照三韓之淪喪于腥膻也已七年于茲矣晉  
天切同仇之恨盡人懷收復之想四海戮力中外一心孰不欲成奴而後  
朝食我樞輔師成節制謀畫進取更番之議較然畫一業奉  
明旨允行久矣近聞宣大山西三鎮啓行有期者虜款而地近力亦易措人



不憚煩也陝西白鎮尚無成就者戰款靡常道路頗遠費不繼而備  
 難周也邇者延綏撫臣以在延計延之說稍為剖析艱難非以是  
 為可罷而恠兵不發也操其要言惟恐經費之無實而慮還兵之有虛  
 歆得買馬製器等項一一措給為延為關而得之耳臣部正爾焦  
 勞謂得如向日原議以安家九十四萬憑臣調發則臣部可朝發夕奏  
 不待各邊之有請也今已歸併司農矣又謂得如前歲以帑金五十  
 萬憑閭臣調發則閭臣更可朝發夕奏亦不待今日之急呼以請  
 也今兩者皆乏矣臣等叨領中樞則九邊之機宜皆得籌算今日  
 之事關門誠急而各邊亦非後至者視閭臣固急而視各邊亦不較  
 緩方擬條上便宜速准各邊發兵問而樞輔疏主商雖于臣部者  
 甚切隨奉

聖旨這原派各鎮兵丁將領着照原數督發欽此臣即日移咨各督撫上緊

督發無敢後時矣又恐各鎮仍執上次調兵之議等候錢糧不幾于號  
誤大事乎今惟就更番言更番各鎮俱于各營見在兵馬中揀選其精  
強者各帶熟習器械邊限速發候到關之日更一兵還一兵更一馬還  
一馬兩關三協不常入衛井井乎照例而行七鎮亦復何說然而各鎮  
之選兵馬也則其本者以從關門之還兵馬也自宜足其原數以乘  
口接替之

自逃故馬有倒壞器有殘缺酌其原數俱行補足而

切銀兩俱可開銷則七鎮之支可自然關門之

語不誤

甲亦望尚書量

久限

可少矣使臣部仍有加派之分撥或有別項之耗

為今九邊之兵馬必不可虛臣部之措發必不可得而計部亦以年例燃眉

不可望矣乞我

皇上穆然深思超然遠覽閱城何如其迫切邊臣何如其支撐自為

社稷久遠計

慨發帑金二十萬分發七鎮以為更番買馬製器之需俾

更番之舉有濟於閱城無損於各鎮三韓底定九邊晏安所費者少所

省者多萬萬年

金訖鞏固在此舉矣臣等非不知

帑帑發難於常繼但各邊一體屬情緊急臣與樞輔同心籲

天祈請於

皇上者為

國家之大計恐生失事机獲戾於封疆不小也統惟

聖明之裁察焉臣等不勝戰慄懇切待

命之至等因天啓四年七

月二十二日太子太保本部尚書趙等具題二十四日奉

聖旨這督發各鎮見在兵馬到閱更番依議速行其安家器甲銀兩着該

巡撫官就近于該省民運等項督催措處前次督師輔臣調發各兵

俱係開門發去帑金見今內庫匱乏俟外解稍充朕自酌處欽此欽遵擬合就行為此

一谷宣大 陝西各總督 宣府 大同 岢嵐 延綏 寧夏

甘肅 陝西各巡撫 合谷前去煩照本部覆奉

明旨內事理欽遵督發施行

一各督師閣部 除更番官丁嚴檄各鎮督發外合谷前去

煩照本部覆奉

明旨內事理欽遵查照施行

二十六

天啓四年七月

作速

萬兩餘着戶兵二

官一員恭領

帑金已經題解外一十四萬臣部與戶

動銀兩仍于太僕寺馬價銀內動支七萬兩

項之用于天啓四年六月二十三日具題二十六日奉

聖旨是欽此欽遵臣部已經移剴太僕寺動支馬價銀七萬兩應解榆關查得

武英殿中書茅元禎光祿寺署丞張崇慶俱堪差委理合具本題

知審因天啓四年七月二十一日太子太保本部尚書趙等具題二十四日奉

聖旨是欽此欽遵擬合就行為此

一咨督師閣部 合咨前去煩照本部題奉

欽依內事理將解到前項銀兩查收應用希咨回部以憑查考施行

一劄付太僕寺

令劄該寺查照本部題奉

欽依內事理希將前項銀兩給發差官領解施行

一劄

中書茅元禎署丞張崇慶

合劄本官照依本部題奉

欽依內事理即便會同

中書茅元禎署丞張崇慶

赴太僕寺領銀七萬兩解赴山海督師衙門

查收乃取回文以憑查考施行

一司行手本中書科

天啓四年七月

二十六

月

兵部

題為懇恩比例陣亡以慰忠魂以勵人心事職方清吏司案呈奉本部送准山東巡撫王 咨稱據山東布政使司呈蒙本院案驗准兵部咨前事內稱轉行該衛備查王三畏援遼是否陣亡忠烈取具該衛及隣佑結狀咨部以憑優卹施行案行到司今准案按察司牒呈行據東昌府呈據臨清衛查得本衛右千戶所陣亡襲署副千戶王三畏委於萬曆二十二年蒙本省軍門委管鋒營千總事務四十八年奉

遼本官與陣亡中軍千戶唐際盛統領山東兵二千名赴遼應援鎮守遼陽西門紅旗督陣至天啓元年三月內與賊對敵因賊勢重大當被射傷陣亡理有優卹之典本官男王景耀比例唐際盛男唐允恭襲陞父職與例實合並無扶捏情弊取具隣佑李茂華



等甘結到衛回報到府呈詳本司帶管濟南兵巡道據標下鋒  
營呈稱見有回省功省陞把總米守業等親見為賊所殺緣到  
道牒呈到司呈報到院為照臨清衛署副千戶王三畏陣亡是的  
既經該司查明取給前來據合各處為合咨各部煩請裁酌  
施行等因到部送司查得王三畏領兵援遼因遼陽潰陷同

唐際盛陣亡際盛既已優卹三畏尚未得與比例呈懇業經行查  
原籍回稱有同營回省把總米守業見三畏被虜所殺取有該衛  
所及隣佑結狀似應照唐際盛例優卹呈堂奉批王三畏陣亡既  
的准照唐際盛例優卹奉以查得邦政條例款開官軍衝鋒破  
敵陣亡生前不曾立有奇功襲陞二級欽遵在卷又查得天啓元年  
十一月內該本部題將陣亡唐際盛照本職上贈二級襲陞二級題奉  
在案等因案呈到部為照王三畏挺身對敵骨暴沙場有米守業親見

其陣亡衛所隣佑保結具在且其同事之唐際盛贈襲可援撫臣之  
咨文司道之覆查斷非虛謬合無照例優卹不以事遠而湮沒其死  
事之例庶足慰忠魂于地下勵士氣于將來也既經具咨前來相應覆  
請合候

命下將王三畏照本職上贈二級襲陞二級

太子太保兵部尚書臣趙

等謹

題為海外之捷音可喜師中之實計當詳懇乞

聖明酌發以重邊防事職方清吏司案呈奉本部送兵科抄出督師閣部孫 奏稱

該臣於正月初十日接得援遼總兵官毛文具詳呈解屢獲首虜隨行閱  
外道監軍副使袁崇煥逐一查驗三次首級三百七十一顆俱係真正壯夷

當陣生擒賊虜四名除二名已死不解外見解二名俱係真正東虜臣隨  
賞其報功員役陳汝明等紬布銀兩有差令中軍官集各將士於衙門外三  
砲三爵用絲亭送各員役於寓所臣時在寧遠適春賞夷人虎酋等部  
俱到特令各官解其首虜經各賞夷部落乃抵寧遠不獨風屬邊人  
抑亦見天下有殺賊之人賊自有可滅之日一時人心殊覺感動因念文龍  
以孤劒臨豺狼之穴飄泊於風濤波浪之中力能結屬國總難人且屯且  
兵以屢挫梟鯨且其志必欲從臣之請率其尾搗其巢舉世人巽懦現

望惴惴於自守不能者獨以爲可擒也真足以激發天下英雄之義膽項  
令縮項歛足者愧死無地臣讀其疏輒爲東向再拜隨寄金杯二大行  
二以見臣慰勞之意且臣近有謀於東賊且述文龍有謀於賊所發而廣  
寧人鉄信其謀主也近亦述其事則文龍之膽智無日不在賊巢  
然外搔之而不能深則彼之堅自若數肆之而不能入則我之計且窮是唯  
天兵相機肆入立可殄殲而文龍所請餉需尚未一有夫邊人之相蒙也上以  
實求之下嘗以虛應之况予之以虛著責之以實効力不能以虛爲實而又何  
能以實應虛即如文龍報功則疑其不實而亦喜乞餉則信其非虛而亦  
難此等舉動皆足以解天下之體而無以鼓動英雄任事之心蓋鸛突做事亦  
有了期而天下事終有不可言者臣謂登萊防南岸不防北岸東江作虛應不  
作實應似密而疎似省而費如滕理有袁按之不入終不聞痛癢究竟疎且爲  
漏費且不賞伏乞

皇上勅該部查照有功員從例陞賞其所請糧餉酌為給發責令登萊撫臣綜

核其事無曰功不必核其虛餉不必問其實令孤懸異域之臣捐身為國而大聲疾呼不為應等因天啓四年二月初六日奉

聖旨

覽卿奏海外解功獎賞慰勞等事具見風勵將士聯絡兵機深意總兵官已賜勅褒賚有功員從照例陞賞所請兵餉作速給發仍着登萊巡撫官協助綜稽聲援相及功成一體優叙該部知道欽此欽遵本月初九日抄出到部案照登萊巡撫袁 題為官兵奮勇勦奴大捷謹

獻俘誠事據登州海防兵巡等道副使譚昌言登萊監軍道副使田一井會呈

蒙臣憲輝天啓三年十一月二十二日准平遠便宜行事總兵官毛文龍手

本前事內稱本鎮自居鮮地以來無一日不思剿奴矣向緣糧餉不足屢

失事機今夏秋初冬哨探回報即調撥官兵竒正互行疑伏運用屢次勦殺

斬有六十二級業經屢報東自湯站堡鳳凰城長奠大奠永奠新奠等堡



及寬奠城發陽城皆為我有其西金州城木場堡張盤以計取俱無亡矢  
遺鏃之患復地四百餘里令我兵分據守之屢設計斬獲賊且不敢近然各  
官兵俱裹糧而守以張聲勢會糧盡仍退居東江西之金州兵寡勢孤遇  
奴賊全至移避其銳候退仍進守之俱倣兵家虛實之法頃者奴賊西犯情  
真本鎮統大兵深入牛毛寨進攻閔王寨與賊大戰官兵奮勇衝鋒追逐  
斬級一百三十八顆生擒活夷四名及再入牛毛兩山伏發而各營將官李景  
和陳繼盛許日省王輔宮養棟等又斬獲首級一百七十一顆前後通共  
斬級三百七十一顆一併送驗除備開首從造冊外生擒真夷四名有被重  
傷至麗已斃今存二名一係奴之領兵官牛祿呈送本院轉獻

閣下此皆我

皇上之洪福本院之勝筭以暨諸將士之用命鎮顧纖毫之不與焉伏念奴酋未滅  
即斬獲數多鎮豈敢自以為功惟是海外官兵無喫無穿無廩無餉極窮極

若今番之捷都是忘父母棄妻子拼了一身以博此捷其望賞於

皇上不淺矣若曰給功票准紀錄皆官兵所不願只求轉

奏並發功賞銀兩救此眉睫三軍之士不戰而氣自信謂今穿喫俱無功票紀錄將焉用之若得飽暖而奴為我平功票紀錄依然猶在所以願彼而不願此至有寄股肱而竭盡勳勅託心督而矢圖忠義如葛應貞徐鳴泰毛承祿者所當超擢以示激勸者也其陣亡及被傷官兵所當優恤以示風勵者也伏乞本院鑒海外之臥戈較居腹內者既自懸異大敵之血戰比諸鼠竊者又自不同速將賞銀懇轉奏

請給發廣官兵感激盡思殺賊仰沐

上恩奴即狂逞安能當我官兵個個之肯用命也擬合移會為此合用手本今差官遊擊陳汝明王三薦徐鳴泰都司毛鳳翔千總毛有功管押功級并活夷二名送赴本院照驗伏乞轉



奏施行等因并造送斬獲功級陣亡被傷及夷器等項文冊到臣准此看得該鎮所報屢次勦殺逆賊斬獲功級生擒真夷奪獲夷器等項并分別官兵首從功次與夫陣亡被傷官兵名數亟應驗明酌議以便具

題為此牌仰本道即便會同監軍道將差官陳汝明等解到真夷并斬獲功

級夷器等項一一詳加驗閱要見夷級三百七十一顆是否真的仍譯審俘夷牛祿等二名果否真夷其一切夷器等項照依原冊俱要查驗明確要見官兵於某地方獲功若干分別首從功次酌議應陞應賞應叙緣繇定擬應銀數與賞功銀兩作何

請發以鼓士氣其陣亡被傷官兵作何陞廕褒恤以勵人心逐一備查獲功獻俘往例勘議妥確造冊具繇速詳本部院以憑具題施行欽此依蒙隨該

本道會同監軍道在於公所查驗得斬獲首級三百七十一顆係真夷首譯審牛祿等二名係真夷人其器物等項除冊稱留營應用外查見

解到者係真夷物至於獲功賞叙等款登鎮未有往例無從比議統俟  
定奪施行等因到臣該臣看得據總兵毛文龍冊開天啓三年四月至本  
年十月中止叅將遊擊都守千把等官朱尚元等督率兵丁人等節於  
平冒磯硝兒河山岔子長奠龍王峪互市橫江草場把截嶺清河涼馬  
佃董骨牛毛閭王寨等處陸續斬獲夷級參百七十餘顆活夷名  
得獲夷器除刀槍弓箭撒袋盜甲利器給營應用外見解達衣達  
帽等件通共壹百七十九件差官遊擊陳汝明等押送到臣臣方卧  
病閉門不能親為辨驗隨行函道查閱並檄勘叙有功官員及應優  
恤將士以憑具題今據該道函稱級夷級也人夷人也器夷器也俱已驗明  
惟是登鎮新設賞恤未有往例無從比議夫毛帥以孤軍建功異域遠在  
三千里之外其功既奇其賞當從不次較之年来腹裏之捷委屬不同若  
無往例可比則擬重擬輕之間恐未必盡當此道臣之所以不敢擅擬也臣

除將解功員後陳汝明等量行賞給花紅銀兩督令解

獻外謹具疏奏 聞伏乞

勅下兵部將海外之功查明應照其鎮某次報功之例檢其勘叙覆

奏之疏抄給各行到臣容臣轉行該道作速勘失等因天啓三年十二月十日奉

聖旨該鎮斬獲夷級至三百七十餘既經解驗毛文龍併各將吏功次着即行

勘叙督撫各官調度有功候勘明併叙該部知道欽此欽遵十二月二十日抄

出到部天啓四年二月二十五日據平遠總兵毛文龍呈同前事各到部送

司查得總兵官毛文龍斬獲奴級已經本部題覆為大將督師深入官

兵奮勇克捷謹據報

上聞以舒

聖主東顧之懷事奉

聖旨毛文龍深入斬獲有功着賜勅獎勵賞銀一百兩大紅蟒衣一襲併有功

有功將士統候另叙仍發帑銀三萬充賞功等費作速差官解去其糧餉  
着戶部即與議處欽此欽遵該本部題將前項

帑金三萬兩差中書舍人許立禮解送訖又該登萊巡撫袁 題為海外致  
勝益奇官兵獲功愈懋謹據報奏

聞以慰

聖心事等因奉

聖旨該鎮屢獲奇捷着巡撫官查明優叙仍於前取各衙門賞軍銀動支  
三萬兩作速解充給賞等用該部知道欽此該本部題差主事張福臻  
解送登萊巡撫轉解訖兩次共解賞功銀陸萬兩矣除賞功外稍有餘  
者以犒三軍唯是糧餉不敷器械缺用應題

勅戶工二部速為區處再查先經本部原題空劄一百道給毛文龍處查有  
功者聽該鎮填授職銜俟奴平酌量題授奉



肯欽依在卷今解功官陳汝明等執前後疏詞欲行題敘案呈到部為照自

奴首發難以來虔劉我人民淪沒我土地貪淫嗜殺逆天犯順亦自蹈覆

亡之轍矣今我之征派窮四海之力抽調盡遑之銳而不能聲罪致討損奴

首之一毛者非兵之不多將之不廣而先事之不備也繇于歷來之大將無

一毫報國之真心有百般糜餉之巧計怯懦不振虛驕成風致虜之猖

獩一至于此豈真奴之能哉獨毛文龍以二百人渡江而東糾金士馬幾

五萬遼人十數萬雄視海島中我能攻奴而奴不能攻我奇也去歲滿浦

昌城之戰損奴兵二三萬而我兵無亡鏃遺矢之患又奇也節次深入直搗生

擒賊虜四名斬首三百七十一顆又十一月從烏鷄關進搗斬首二百二十

五顆又奇之奇也蓋文龍以一腔忠義鼓舞三軍齊心戮力克敵致勝故

如是之易耳但功級報于海外而見聞未親疑信亦且參半今生擒二虜

首級三百七十一顆解至山海一驗明則捷功之非虛明矣樞輔疏稱

首級俱係真正夷生擒俱係真正東虜則虜首之非偽明矣善乎樞輔之言曰真足以激發天下英雄之義膽頃今縮項歛足者愧死無地可為文龍論功之鉄案矣夫功懋賞不刊之義典賞不踰時激勸之微權據文龍呈稱驗功票准紀錄皆官兵所不願只求轉奏亟發賞功銀兩救此眉睫三軍之士不戰而氣自信是海外諸官兵之望賞甚于望陞若此其急且切也查首功則例願陞者加一級願賞者每一級銀五十兩今毛帥節次獲功三百七十一顆并十一月報功二百二十五顆共幾六百顆通以賞論該銀三萬兩而去冬蒙

皇上發帑銀三萬兩又于賞軍銀內動發三萬兩二次共六萬兩除賞功外尚有三萬兩普賚諸官兵俾之共霑

皇恩亦綽綽有餘者毛帥遠在海島未知

皇賞先發故有此請耳今大賚已久固無俟于再發也惟官兵為首為從應

隆應賞當照九邊例行登萊撫臣覈實叙錄具疏

奏報臣部移咨都察院劄行山東按臣勘明而後慶典敷焉有功者不致湮沒而無功者不得冒濫似未可據報而懸斷也然

朝廷之所以寵異文龍與文龍之所以報效

朝廷者不在區區之捷功而在制奴之死命奴雖驚伏二年亦未常一日  
窺之心自今以往文龍當卧薪嘗膽礪兵秣馬一跬步皆圖奴之計又  
聯合朝鮮獎率忠勤約會兵馬犄角之勢虛虛實實分道佈兵以亂  
奴正正奇奇合謀盡銳以制奴或剪其羽翼或搗其巢穴務使奴狼狽  
奔命竄伏絕塞而不敢西窺一步則為文龍之全功

朝廷茅土之賞又何靳焉萬一牽制不力遏截不早奴有十數騎西來則前功  
盡付東流谷將誰誣惟本官之時刻如意焉無負

朝廷之倚毗士紳之推轂斯得之矣又必糧餉充足器械精銳則敵懷之氣



兵部為任重材疎等事職方清吏司案呈奉本部送准戶部咨專理新  
餉山東清吏司案呈奉本部送准兵部咨稱毛鎮糧餉不敷應咨行戶部  
措處接濟其兵餉舡隻與未到之兵事隸登萊者咨登萊撫院查給  
至若陸九州鄧子智之奉委遲滯吏胥之勒索常例併行登撫查勘庶  
無隳該鎮任事之苦心等因到部送司除委官耽誤吏胥勒索等事法  
當嚴究聽兵部行文登撫查勘外查得糧餉一節今歲議運本色二十  
萬石准督餉部院咨稱前幫已載糧料八萬七千一百八十一石零青白  
布一萬五十疋并兵部差官運到鎗砲盔甲等項於本年四月初二日離  
津初七日祀海出洋訖後幫不日派裝停當便可啓行矣至于折色  
議給二十萬兩亦該本部題奉

欽依

于登萊兵餉內支解是本部體悉海上之師一切應運糧餉俱已極力  
措處發完接濟固不待其呈請而後發也至若浙直江淮等營兵馬

住登即食登菜之餉調發則食毛帥之餉何至從二年九月起無糧又  
 何至無一人持半月之餉者又如南壯營兵之規避征東營兵之不到統束  
 者不知所司何事致其觀望若此總之各營官兵領出月糧或營官侵剋  
 或恣意花銷及至調援不前藉口無餉何處不爾況乎一海遙隔出沒無  
 形此輩尤易于虛濫者乎宜夫毛帥之有激而言也今准前因相應咨覆  
 兵部轉行該鎮即查各兵無糧之故及規避不到之緣開具該營將領姓  
 名報部以憑處分可也呈堂奉批准咨奉此案呈到部擬合就行為此合咨  
 貴部煩為查照施行等因到部送司查得糧餉布疋器械既有解發折  
 色二萬折色業經戶部題准登餉內支解其各兵無糧之故及規避不  
 到之緣應行該鎮查明報部轉行登菜撫院處分案呈到部擬合就行  
 為此

劉元文龍 合創該鎮照創事理查明報部施行

奏議

明資政大夫太子傅賜飛黃服總督陝西邊軍務兼理糧餉察院右都御史兼兵部侍郎楊鶴著

附供狀一首

陝西總督洪承疇奏疏一首

陝西賑院吳 姓奏疏一首

男楊嗣昌奏疏二首

微臣誤蒙起用疏 時起陞都察院右僉都御史

伏睹皇上求治甚殷用人若渴頃者平臺召對言路弘開  
主聖時清千古魚兩臣有一言少裨獻納國家之有元氣  
如人之有腹心四肢百骸可病腹心不可病也皇祖神宗  
皇帝臨御四十八年元氣培之最厚萬曆初太倉岡寺之

積動至數百萬水旱災傷數有蠲貸晚年礦稅雖興間民  
未嘗加賦平倭平寧夏平播所向克捷未嘗老師匱財  
停刑之令無歲不下諸臣誑誤逮繫終皇祖之世未嘗殺  
戮一人享國長久何其盛也光宗皇帝以能爲克舜之主  
而天不假年憲宗皇帝有可爲克舜之資而政歸羣小皇  
上中興反正社稷危而復安開萬年有道之長鑄四海無疆  
之福然自十年以來遼事加派大工搜括誅求殆盡杼柚  
其空而小民之元氣傷矣遼左之役清河敗三路敗開鐵  
敗遼陽廣寧敗水蘭交訌川黔又敗前後喪師失律暴骨  
如麻士馬芻糧器械軍資一時俱盡而封疆之元氣傷矣  
士大夫分別門戶彼此相攻後浪前波互爲起見逆瑞用

事邪人附之今日追贓明日削奪屠戮忠良死無完骨而士大夫之元氣傷矣方今之世如人重病才有起色百脉未調風邪易入所急者培養元氣耳皇上聰明天縱事事勵精臨軒面議或問之而未必盡知事下六曹或呼之而未必卽應致干聖怒數取譴訶此自諸臣有負皇上然積習至於今日所繇來者漸矣一切民生國計吏治邊防皇上但取祖宗成法申飭百司課之以委任責成行之以信賞必罰皇上執要臣下執詳必有改絃易轍者夫天地之道浸自然之道靜願皇上嚴爲之程寬爲之地圖之以漸鎮之以靜但令常如今日何憂不致太平此臣之所望於皇上者也年來邪人當路賄賂公行幾於不成世界當此

聖明在上大小臣工各宜洗滌肺腸靖共爾位體皇上日

御文華講求大政未明求衣日昃不遑暇食之心無獨使

至尊憂社稷耳崇禎元年九月初九日 旨逸

嗣昌曰此我皇上御極初起田間爲御史臺第一疏也時承魏崔播唐之餘陽氣初留議者不知養以安靜鼓之太和而一片殺機橫據霄府衝決齒牙取快一時而不思其漸我先人切切憂之疏上得旨培養元氣今日要著小臣執魁柄者曰這學問用不得也于是特疏謂養元氣非其時意麾先人出矣嗚呼元氣果有時而不當養哉毋論小民封疆試觀今日士大夫之元氣何如也讀先人疏諸臣誥誤逮繫終皇祖之世未嘗殺戮一人享國長久噫嘻仁人之言哉豈惟今日萬世而下啟沃君心培養元氣者斷斷乎當用此學問不則皆以學問殺天下者也

布信招降疏

時任總督陝西三邊軍務兼理糧餉太子少保都察院右都御史兼兵部右侍郎

臣奉命移鎮於二月二十五日鞏賊困慶陽馳赴寧州調度初尚不知其爲何賊及密檄寧州知州周日強遣人傳示招安具有回稟到臣始知其爲賊首神一魁卽保安之賊也臣意欲收而撫之使之就我條籠結保安未結之局去三秦心腹之憂蓋此賊與河曲之賊皆東西兩路慣戰邊兵攻一城卽破一城破一城卽據一城不比鄙近腹裏之賊止於弄兵潢池猶易收拾然可以不戰而屈未可以兵威也三月初一日遣小頭目二人劉恩王从仁投見其時俱已辮髮問之則保安句邊之日一軍皆易服矣臣與



知州周日強商之曰此窮寇也撫之便臣乃推心置腹手書示諭遣之去差舍人劉可觀與慶陽衛指揮繆光先同往而知州周日強亦爲危苦痛切之詞再三曉諭且願以身爲質一片血誠幾欲沁入賊之心骨及提督總兵官杜文煥飛遣定邊副將張應昌提兵南下於三月初三日破賊解圍臣恐疑臣有意殺之遣去之人必死賊手乃賊中大頭目方欲披甲上馬與官兵死戰而去人勒馬止之且出臣牌以止應昌應昌收兵而賊亦息鬪矣至是賊還歸合水復遣頭目劉金劉鴻儒同臣舍人劉可觀仍來求撫臣始知可觀未死而賊心未變也臣喚二賊近臣之前反覆開諭洞開重門示以青天白日魚鱗斧可疑而賊始信

美至三月初九日大小頭目六十餘人率衆來降送回合  
水縣知縣蔣應昌獻出保安縣印信一顆據賊首神一魁  
等具稟於臣內有投戈請死叩頭正罪等語覺已悔罪輸  
誠臣與知州周日強商議此輩降人歸順須示之以禮乃  
安設龍亭於城門樓上令賊叩頭頂禮呼萬歲者三而後  
容之入城即令賊擡舉龍亭用黃旗二面導引一書聖壽  
魚疆一書太平有象迎入臣衙門安設臣率文武官吏軍  
民父老行五拜三叩頭禮州學諸生宣讀聖諭賊皆跪聽  
叩頭魚算成禮而畢臣復令材官輦押赴關帝廟中焚香  
發誓臣亦自往降賊爭擁臣輿負之而行臣亦聽之示反  
側子已安令城中父老魚恐自是州民蜂涌懽聲雷動蓋

皆仰借皇上威靈警伏凶人醜類令知有漢官威儀耳是役也賊求撫之心甚真而不得撫我欲勦之心愈急而不能勦臣意雅欲撫之州官周日強亦力贊其決但思賊罪大惡極即寸斬不足雪神人之憤孰有以爲當撫者方議撫時止知慶陽未破不知合水已破乃遣人往來賊中親見該縣知縣蔣應昌軟禁賊營又輦合水蹂躪甚慘臣撫心自嘆此等罪狀如何可撫知州周日強言於臣曰事機中變此不獸合水令之歿生所係一郡安危在此舉也不若忍之臣亦心納其言是時調遣各路兵馬俱未見到慶陽城小而堅推官馬一荀與該府鄉紳原任太常寺少卿麻億蘭陽縣丁憂知縣李希沅合士民竭力固守城中

矢名亦多中賊然賊所遣攻城者皆其指揮使令之人即有死傷多係平民其賊中頭目安坐營中固自若也臣念睢陽之陷張鎰援兵之到止差三日夜憂心如焚雖下招撫之令以緩賊兵然城中水道斷絕人人釜底求生縱城而下投賊者數十輩矣縱不外破亦將內潰幸而張應昌提兵破賊恍若从天而下遂解重圍救一郡生靈於塗炭此皆皇上如天之福也賊慮大兵漸逼且信且疑臣下令軍中謂賊已聽撫調到官軍俱安營休息士馬非奉臣軍令不許妄殺一人蓋一則隱然虎豹在山之勢一則安賊之心堅其求撫耳然風聞有搜山尋賊割獻首功者俱皆脅從之平民也臣下令嚴禁之慶陽城中又有一二不

曉事諸生狃於一捷謂賊遂可圖欲臣行勦臣即欲移鎮  
慶陽而州中父老萬衆焚香擁門植入哭聲震天謂臣一  
動足賊必驚疑若不行撫一方之人皆化爲魚肉矣臣乃  
從容勸諭示無行意而諸生始知賊未可動事理本自如  
此但事體重大未敢輕易且恐撫後復有煩言竊念皇上  
發帑賑濟聖諭有云朝廷軫念飢貧特行賑資嗟爾百姓  
何故不安本分甘作非爲即有已被脅從誤投賊黨若肯  
歸正便爲良民嘉與維新一體收恤臣伏而思之若肯歸  
正不獨誤投賊黨者爲良民即身自作賊者亦良民也首  
惡神一元已斬神一魁罪應未減旣能歸正即當嘉與維  
新以爲不可撫則不撫以爲可撫則亦未嘗不可撫也賊

亦有宜撫者四蓋邊兵生於塞上舍從軍別無事事父兄子弟死者陣亡生者補伍衝鋒陷陣常懸帶血之刃臥雪眠霜半作沙場之骨援遼之後從來征戰幾人回此邊兵所共苦也臣防秋出塞親見延西一帶極目黃沙比之中東二路更苦从前歷過月餉實是缺欠四年地本不毛一物不產頻年亢旱粟貴如珠欲其不作賊不可得也倡亂者不過數人其餘率多脅從衝邊戍卒萬若干辛實世世為皇上守此一塊封疆者也此其情有可撫官兵初攻保安朝氣正銳正月十四十五日之戰賊已破膽城中人出始知賊首神一元與高應登並亡然後辨認首級真神一元高應登也撫臣洪承疇曾遣標下秦謀加銜都司費邑

宰撫之密囑邑宰必須神一元正法然後可撫乃一元既  
歿而賊中復奉神一魁業已僥首就降衆議紛紛不定因  
之不果自是賊知必歿用金帛勾遶而來二月初八日背  
城一戰其鋒不可當官軍望風奔潰谷底之魚終於出押  
令城圍既解若再貪功妄殺是連之翫也此其勢不容不  
撫臣受事以來前後剿賊據報斬獲不下萬餘級賊黨盡  
矣何以愈剿愈多蓋賊皆習戰曉兵往往賁從當先而自  
處於不敗之地勝則長驅不勝則疾走官兵雖斬級累  
不知多少無辜歿於鋒鏑之下而精兵健馬之賊十不得  
其二三剿者自剿亂者自亂剿法窮矣易曰天地解而雷  
雨作此亦赦過宥罪利用解之時也其局不容不撫皇上



發帑金十萬兩遣使賑濟飢荒招撫流賊頃者御史吳甡奉命入閩矣若一面解網放麕一面禽獮草薶是謂春行冬令佳兵不祥且今歲雨雪應期臣道路所經見麥蘖青青似豐年之象若及今令羣盜解散歸農猶有太平之望不然亂無日矣此其時不容不撫賊有此四可撫故臣撫之也臣考成化間土達滿四之亂朝廷以其負固不服討之用京營兵五千甘涼固原延綏陝西兵五萬耗費金錢士馬殺官殞將至於彗星西方見之譴告雖云討平亦已苦矣今日國家物力能如祖宗朝之全盛否東方以一隅有事海內兵連禍結者十餘年至今猶不得了又可如以秦寇耶年來飢饉薦臻人人思亂揭竿斬木處處皆兵賊

攻城屠邑勢如拉朽州縣民兵既不足恃又魚如許官兵  
處處防守安能保其不破至於破巢之後追思完卵彌縫  
補救亦已遲矣此臣欲以一撫結保安之殘局也賊始終  
信服者惟撫臣洪承疇謂其赤心報國故不忍負臣以其  
猶有一點忠義之性故敢撫之臣自國原移鎮即移書撫  
臣練國事謂此行願效昔人釋甲接搶之意推赤心置人  
腹中雖以七尺之軀委之虎口亦所不辭臣之招降自始  
至終拏定一信字覺賊既信臣臣亦信賊可使不相背負  
然而狼子野心有時而發不可不為之防臣粗解亂繩安  
挿善後應聽撫臣為政蓋招降易安降難安降易化降難  
今如出押之虎咆哮噬人臣已收之籠檻之內交還典守

之人至於時其飢飽達其怒心是在主者撫臣忠信行於蠻貊愛士有如嬰兒或可魚煩聖慮也惟是神一魁等攻城破縣殺將辱官或明正典刑或大開湯網恩威出於皇上生殺斷自聖裁臣愚未敢定擬然願寬其一死必能出力報效臣駐劄寧州道府並無一官堪以集思廣益止是知州周日強朝夕與臣商畧同心共濟賴有此耳臣初在邠州發告示令本官宣布皇上恩威相機解散本官先得臣心早已物色一人遣入賊中小人多智果不辱命中間斟酌賊情隨機操縱事事俱有著數八面之才長於應變智深勇沉心堅識定蓋異日節鉞之選也若非本官臣孤掌自鳴亦何能爲役且慶陽圍困之初不有包胥告急城

陷久矣臣初發鎮城即自謂此行不用多兵恐擾民間中  
軍官王性善約束秋毫無犯至於調度兵馬偵探賊情一  
切相機行事蓋亦隱若一敵國焉是兩人者一將一吏臣  
倚爲左右手而周日強之才真可大用臣亦自愧以爲不  
及矣賊衆燎原不止一處兵餉兩虛又不應手將官中能  
以寡擊衆制賊之必命者實匙其人計不得不出於此臣  
拜疏將發接得邸報見臣已被臺省交章恭論自知奉職  
無狀有負皇上任使不容一日居乎其位伏乞皇上連簡  
才望之臣久歷邊陲熟知兵事者代臣總督前來一鼓蕩  
平臣願逮繫闕下先就斧鉞之誅崇禎四年二月二十二  
日具題奉聖旨剿逆撫順諭旨屢頒據奏神一元已經誅

戮神一魁伏罪乞降渠惡既殲脅从可憫自當申明大計  
曲賜生全楊鶴相機招安允協朕意並周日強王性善等  
調度著勞知道了該部知道

恭報剿賊情形疏

時任總督陝西三邊軍務兼理糧餉太子少保都察院右都御史兼

兵部右侍郎

臣奉命移鎮親歷行間六閱月矣竊念秦中流賊始於飢饉薦臻成於亡命嘯聚自邊丁攻城屠邑勾邊內訌臣之憂不在腹而在邊保安之賊雖撫河曲之賊未平臣之憂不在秦而在晉榆林斗米七錢人心洶洶思變臣之憂又不在流賊而在榆林今神一魁撫矣河曲復矣王加印獲矣榆林兩澤霑足糧運通矣所未平者猷有韓城宜維之賊

耳聳各賊俱已願撫獨點燈子一技負固不服臣以爲仰奉皇上威靈宣布赦詔可傳檄而定也孰知賊陽順陰逆一面求撫一面搶掠臣於五月十五日將到耀州即聞金

鎖關之失說者曰榆林兵馬迫之也適道臣張福臻鎮臣王承恩提兵將至臣再四躊躇商之撫臣練國事曰省兵素弱賊狎而玩之榆林兵馬先聲奪人必借此一枝重兵與省兵合剿方足制其死命此機會不可失矣撫臣趨道將鼓行而前見臣於耀州臣諭以一切進止機宜悉聽撫臣調度撫臣委監軍道臣葉廷桂督趙大胤艾穆之兵會於邵陽數日之內各有斬獲屢以捷聞至梁山之捷兩軍夾擊斬首四百餘級追奔逐北賊膽始寒賊首滿天星金翅鵬一丈青亂點軍等八十餘人先後率妻子歸降其界在耀州宜君之賊有田近菴李二等乞降道臣翟師雍與耀州知州范鳴河親自安插解散地方頗稱安靜八犯韓



城卻陽蒲城白水之賊道臣胡其俊多方防禦節經官兵  
撲剿遠遁宜川西安境內已無一賊臣乃移鎮廊延中部  
道中聞榆林道將剿賊於廊州之太平原停車駐馬遣兵  
助之已報官兵大捷矣斬首共三百一十三顆臨陣投降  
者二千餘人臣是夕宿於三川驛降丁羅拜馬前明日當  
堂親驗首功血級淋漓盡皆強壯臣始知賊非大剿兵威  
不震道臣張福臻短衣匹馬與鎮臣王承恩親履戎行蒙  
犯矢石降丁五百餘人衝鋒殺賊陣陣當先官軍鼓舞用  
命以故剿為實剿降亦實降也時尚有上天猴渾天猴被  
大兵殺敗竄伏宜州點燈子乞降清澗撫賑按臣吳甡代  
撫臣洪承疇坐鎮榆林撫臣親往撫定臣駐劄廊州有白

柳溪石耀宇等乞降遣人偵探別夥之賊再有搶掠者道  
臣張允登約榆林道將休養士馬期以疾雷不及掩耳一  
往擊之此臣移鎮西延剿賊之情形也據目前景象賊兵  
屢敗如秋林之葉搖落變衰似亦窮而將盡之時所餘大  
夥賊無幾然臣終不敢謂一鼓蕩平正可次第剿散剿一  
處即撫一處撫一處即安插一處處安插即處處善後  
善後之後仍不廢防剿此之謂真蕩平也臣一入延安之  
界目擊宜君田地荒蕪人民離散不成縣治雒川中部廊  
州田地之種成者芄芄黍苗陰雨膏之大是豐年之象然  
十不能二三葺延北州縣有寸土不耕者笑延安光景已與  
西安大別延北光景又與延南別賊皆流轉延南亦不肯

歸延北職此故也此輩窮餓之極無處生活兵至則稽首  
歸降兵去則搶掠如故此必然之勢臣在耀州道臣葉廷  
桂与臣徃復商量卓有定見謂剿撫竝用以剿行撫此兩  
言直當徹始徹終服則舍之解散安插是也聚則殲之掃  
蕩廓清是也數言者盡之矣總之禁暴正亂必不可一日  
無兵客兵不若主兵客將不若主將主兵宜用邊兵主將  
宜用邊將邊兵即用榆林之兵邊將即用榆林之將撫臣  
練國事所題趙大猷張全昌招募邊兵若而人西安防剿  
布置定矣尚有謂金鎖關黃龍山各宜添邊兵三百名者  
然西安根本重地添設固宜詳而酌延尤不宜畧蓋賊之  
流禍雖在西安而病根實在延安若延安不去其根西安

未得安枕也臣按延安與綏德鄜州鼎足而居俱係重地  
綏德切近鎮城緩急呼之立應延安軍丁雖有一千一百  
餘人然皆不任荷戈僅靠副將李卑畜養戰丁二百餘人  
必實有馬兵五百而後足用鄜州爲西安鎖鑰延慶咽喉  
關係最重兵馬最爲單弱城池復被雒水衝壞道臣張允  
登赤心任事勞怨不辭饒足辦賊今議用原任叅將卜應  
第馬步戰兵共足千人而後可資戰守臣又商之兩撫臣  
具疏上請矣慶陽接壤鄜州合水殘破張村隆蓋邵莊驛  
遞皆絕盜賊縱橫亦必馬步兵共足一千之數而後可與  
鄜州唇齒相爲聯絡如是則延安與慶陽俱安而西安安  
矣以上兵馬有原有者有欲新增者非盡創設也如有有

兵有將魚事虎豹在山賊不敢動有事秣馬厲兵賊可立  
剿各分信地責成以兵聽將以將聽道有賊即報見賊即  
剿聞警觀望者罪承調失期者罪縱賊出境者罪致賊焚掠  
城堡與失陷封疆者同罪賊生發匿不以聿者道將並罪  
此綢繆善後之第一義也其招撫降賊脅从之解散者必  
實到原籍州縣取具收管撫臣洪承疇謂解散安插言之  
甚易行之實難以數千之衆村落盡成丘墟魚居魚食何  
以度生押回未必盡回散又魚處可散誠是千難萬難然  
雖心知其難而正經道理方法不得不如是實行一面真  
心招撫解散一面著實整兵備禦果真解散則兵徑可不  
用倘仍聚仍搶則剿不得不立繼之此以兵脇散之一法

也撫賑按臣吳姓貽書於臣尚有所餘賑金一萬八千餘  
兩留爲安撫之用不足則以勸輸佐之可以活此子遺矣  
安插既定繼以賑濟然後責成州縣加意撫摩墾荒田開  
糴販行保甲之法弘養濟之恩皇上方加意地方選用良  
吏此自良有司事臣等可次第施行者也此皆善後之要  
務也而善後之最急者莫先於兵兵莫先於餉蓋添兵有  
添兵之費設將有設將之費買馬有買馬之費賊一日未  
平大剿有大剿之費零剿有零剿之費皇上止知請有裁  
扣站銀不知從前剿賊原無正項錢糧止是東那西借借  
者未還請者不足有限之金錢必不能填無窮之壑必不  
可已之役必不能當無米之炊此皆地方隱痛苦情不敢

聿之皇上而臣不得不言者也爲今之計舍遼餉無可請者矣失流賊之亂首尾四年禍延秦晉殺將攻城覆屍流血此關中一大劫數也王加印神一魁業已收拾其餘自是么麼幸而天心旤悔賊勢內衰且陰陽調而風雨時父老相傳數十年所未有此亦仰藉皇上如天之福而轉亂爲治之一時也但救亂之道必爲百年之計而後可保數年必爲數年之計而後可保終歲若止補苴於目前非策之善者也今日之事倘掃蕩不清善後無法一局不完前功盡弃豈一勞永佚之算耶或疑兵馬不宜添設賊平之後兵難於散獨不思今日全秦是何等時勢揭竿四起所在生心延安勿論矣而慶陽復然甚而臨鞏而鳳平無不



皆然即西安內地姦宄包藏禍心者正自不少目前雖云  
增兵後來猶恨其少此不特智者而知也邊方未靖臣何  
敢以遼餉請但三秦治亂關係海內安危更有甚於遼陽  
者遼陽土宇淪沒尚敵制勝恢疆關中百二山河可令金  
甌缺陷今天下非無事之時臣不敢深言之矣接部咨撫  
賑按臣吳姓題爲流賊肆掠無已等事奉聖旨這本說飢  
民困苦情形覽之惻然吳姓著加意料理所有應賑飢民  
便宜酌行據稱賊衆陽撫陰掠擾害不淺地方官剿禦何  
在著該督撫用心設法措辦糧料整集兵馬速奏蕩平永  
圖寧謐不得苟且塞責該部知道欽此欽遵臣恭繹聖諭  
反覆思維整集兵馬易措辦糧料難欲永圖寧謐必不能速

奏蕩平欲速奏蕩平必至於苟且塞責皇上俯采臣言請如接臣吳  
姓之疏令兩撫臣徹底打算某賊已剿某賊未剿某賊已降

某賊未降掃蕩廓清尚須用兵馬糧料若干善後用兵馬  
糧料若干明白具奏取自上裁寧兵餉寬然有餘事完奏  
繳開銷用充正餉如有冒破則以國法隨其後如是仰遵  
明旨勒限蕩平可也永圖寧謐可也臣非親歷行間不知  
賊如是之多剿賊如是之難臣特罪三邊奉職魚狀惟知  
以勿欺事皇上若為不能速奏蕩平畏皇上切責隱默不  
言實誤封疆大事臣不敢也如果臣言不謬伏乞勅下戶  
兵二部覆議施行臣荷國恩深重痛心時事見此兵連禍  
結民窮財盡追憶神宗皇帝真聖人也平関白平噶平

播東征西伐所向克捷耗費金錢亦復不貲礦稅之興  
聖慮淵微豈無深意後來帑金千萬盡費之於三韓惜用  
若泥沙曾不得錙銖之益今日欲用而無可用不得已而  
加派民間加而又加恐處處民窮盜起終為厲階竊見皇  
上聰明神武天縱非常實實同符太祖高皇帝臣不識忌  
諱欲稱引高皇帝議宋太祖改封樁庫一事以佐封疆大  
計以救萬姓倒懸皇上倘聽臣之言臣雖伏妄言之罪碎  
首王階死不恨矣敢因秦事及之崇禎四年七月十六日  
具題奉聖旨督臣外控嚴疆內安重地禦邊戡賊悉倚深  
籌據稱韓城宜雒等處賊屢敗勢孤得策在以剿行撫正  
宜乘機迅掃熟計綢繆揚鶴既赴秋防即申嚴各撫鎮及

道府有司等官脅力殲賊畫地綏良罄展才猷共圖寧謐  
本內添兵請餉事宜戶兵二部酌議具奏

賊平魚日臣罪當誅疏

時在總督陝西三邊軍務兼理糧餉太子少保都察院右

都御史兼兵部右侍郎

臣奉命剿賊親歷行間凡六月矣方解慶陽之圍結神一  
魁撫局移鎮耀州再入鄜州剿賊畧有次第因接寧夏撫  
臣耿好仁兩次手書謂寧東邊警甚急趨臣赴邊臣隨督  
令鎮臣王承恩駐兵延安相機防剿於七月二十日班師  
回鎮防秋不意才一動足便有中部之失臣即返轡耀州  
督兵進剿與榆林兵馬合夾封疆破壞臣實魚辭於嚴譴  
伏乞皇上速賜逮繫治臣之罪如皇上念慶陽圍困之日  
身入虎穴拚命保全地方魚恙亦有狗馬微勞望皇上賜  
臣骸骨放歸田里臣願比於原任宣大督臣魏雲中回籍

聽勘乞速簡才望之臣代臣料理或即用撫臣洪承疇代  
臣亦如張宗衡故事魚徒耽誤封疆也崇禎四年八月初  
六日具題奉聖旨楊鶴已有旨了還著悉心料理不得遷  
求鄧撫該部知道

微臣萬苦堪憐疏

時任總督陝西三邊軍務兼理糧餉太子少保都察院右僉都御史

兵部右侍郎

臣勦賊無狀席藁待辜靜聽處分但亦有一段下情不得不哀鳴於君父之前者臣待罪三邊所遭之時勢乃從前督臣未有之時勢所受之冤苦亦從前督臣未有之冤苦也自邊方告警奉詔勤王前任陝西撫臣劉廣生出關省會空虛賊犯韓城聲言南下人心搖動臣移鎮西安遣兵破賊內地幸保無虞忽報延綏撫臣張夢鯨病故延鎮餉缺軍飢本邊蠢動臣寢食不寧移鎮三原隱示遙制至撫臣洪承疇命下臣始回鎮然延鎮猶未有變也甘肅勤王之兵中途殺官劫餉叛走河西臣一聞之心膽橫飛驚悸



成疾撫臣梅之煥定變蘭州回鎮料理兵馬再報勤王本  
邊棄虛犯搶官兵殺之斬首八百餘級撫鎮俱行本邊犯  
水泉硤石之間燹火幾連三月甘肅孤懸危於累卵鎮臣  
張顥謨推陞寧夏總兵官臣乃傳檄飛騎留之催赴鎮城  
人心始定未幾而西寧又報鼓譟矣河西五道見缺其一  
四道中惟道臣王維章足以撐持半壁臣更調涼州一以  
安西寧鼓譟之人心一以為衝邊留一賢者而樞臣梁廷  
棟彈射及臣矣撫臣劉應遇奉命受事臣之重擔始釋是  
時綏德清澗流賊復起省會無兵臣發固原兵馬一千名  
遣右營遊擊夏有奇與聽用遊擊李養棟將之屢有斬獲  
而賊殺孤山副將李釗木瓜圍之變又見告矣無何府谷

又陷矣臣防秋花馬池東望懸心復䟽上邊郡穴傷至極  
危疆內變可虞蓋慮延西將變防危杜患之意也是時延  
安賊勢猖獗臣防秋事竣行至下馬關復委遊擊張全昌  
提兵勦之鎮臣賀虎臣赴任寧夏臣命之先勦流賊後赴  
朔方盤客鎮一捷兵聲大振而逆賊神一元敗走寧塞復  
有連尅三堡之事危疆內變可虞臣言不幸而中矣臣日  
夜憂心如焚計無所出賊再陷保安調各路兵馬勦之所  
獲賊首神一元已為釜底之魚賊勾邊助逆背城一戰大  
將提兵萬餘迄不能制以至圍慶陽破合水破竹之勢其  
鋒不可當臣永壽聞變提兵不滿三百逗遛而西官軍俱  
不肯往臣乃停車大罵謂萬一慶陽失陷臣之首領尚可

保乎死賊亦死死法亦死等死耳臣乃馳赴寧州調度幸  
伏皇上如天之福得保慶陽不失人止知張應昌之解圍  
之故蓋賊方聽撫解鞍卸甲不虞應昌猝至遂爾勝之所  
殺之賊僅一百零九顆耳神一魁等為差去舍人劉可觀  
慶陽指揮繆光先勒馬阻止原未交鋒也賊盤據合水擁  
衆六七萬非臣設法招撫何繇解散此時撫臣按臣俱在  
西安草木皆兵誰為救援左支右吾歎臣一手之足耳設  
身處地危乎不危乎慶陽人心不同有如其面方臣散遣  
之際逼迫推官馬一荀申詳各院謂賊復欲反遣人手執  
紅旗二面大書飛報賊情訛言惑衆自卯乾以至省會人  
心又復動搖撫按諸臣相顧駭愕究竟散遣俱空賊在何

處今神一魁業在本邊報效三次告捷矣必欲疑其及叛  
何為者也然臣之撫特撫神一魁耳非謂神一魁當撫特  
勢不容不撫也非謂神一魁而外宜撫不宜勦也臣在寧  
州善後事體尚未完結撫臣練國事屢書趨臣謂賊已願  
撫臣蚤到西安一日蚤定一日撫非臣一久之私意也然  
撫臣亦有何罪不過欲使之鮮散歸農蚤結地方之局乃  
議者以撫之一字盡歸咎于臣則臣冤矣臣一入耀州見  
賊一面乞撫一面搶掠知其不可撫也適榆林道將提兵  
南下宜川一戰賊挺而走險犯搶西安者有之衆議沸騰  
遂謂賊在宜川兩月寂然不動榆林兵馬趕入西安破壞  
撫局絕反道將任事之心自失勦賊之機會臣力破其非

遣中軍官王性善白之撫臣練國亨撫臣欣然聽臣之說  
催兵合勦邵陽梁山之捷賊望風遠遁臣移鎮鄜州太平  
原之捷斬首三百一十三級臣親驗首功皆主勦也非主  
撫也如謂臣主撫不主勦則臣天寬矣臣疏請添兵設將  
處處掃蕩廓清與撫臣洪承疇按臣吳牲疏意正合臣何  
嘗數草草結局耶頃臣一聞中部之失即飛轡馳入耀州  
督兵進勦矣奉命大勦是地方之福臣之願也臣職居調  
度兵馬錢糧皆在兩撫臣掌握不過與之從長計議而行  
臣雖親歷行間未嘗欲臣提刀殺賊臣何所疑畏而不勦  
耶臣總督三邊勦賊自臣之分但臣亦自有職掌勅內若  
遇回兵犯邊調兵截殺竝無內地盜賊生發字樣即與撫

臣一體責備臣亦無辭乃前此當事者不責備撫臣而偏責備督臣何以服臣之心又謂臣分畛域撫臣各有信地臣賜履三邊處處皆臣責任何域可分臣一聞慶陽告變即馳赴寧州啟移鎮西安即移鎮西安啟移鎮鄜延即移鎮鄜延秋防赴信之期已過臣今尚在行間也敢委之而去手臣自歷任三年餘無一日不在多山多懼之中未嘗一日稱病一疏請告今不幸而有拘馬之疾矣五月十五日將至耀州中途忽報賊破中鎖關擁衆萬餘將欲南下臣食不下咽投箸而起不意遂成毀食之證臣體素強始猶忍之今日復一日飲食不進形容漸枯日食薄粥漸覺喉間窄小胃中有如一積塊不化此病著人必無生理始

有性命之憂矣自臣在任撫臣回籍者二病死者二因原  
鎮城道臣以憂去者一監牧同知知州病死者各一前任  
督臣武之望亦死于任臣焦頭爛額勦賊日久無功自知  
為不祥之人愈病愈憂愈憂愈病朝露微軀何能自保臣  
又有一段至情父子天性之恩人所同也臣之慈于臣子  
楊嗣昌與臣子之孝臣臣父子所獨也子之能仕父教之  
忠頃見臣子拮据關門粗有端緒臣心甚慰臣子聞臣之  
病方寸亂矣倘蒙皇上哀憐賜臣惟蓋之恩容臣回籍調  
理留臣未死之身使臣子楊嗣昌盡瘁危疆亦臣所以忠  
於皇上也崇禎四年八月二十一日具題奉聖旨已有旨  
了該部知道



微臣負不白之冤時任總督陝西三邊軍務無理  
史兼兵部右侍郎糧餉太子少保都察院右都御

頃接按臣吳姓題為天心厭亂等事奉聖旨秦中流賊屢  
旨勦撫並施正款殲渠散黨永計救寧乃督撫道將苟圖  
結局徇撫諱勦致賊氛益熾流毒地方真可痛恨已嚴飾  
自贖近日楊鶴練國事連報斬獲蕪獲賊首是否確情著  
吳姓即遵旨查明速報奏曹文詔及措餉事宜俱有旨了  
該部知道欽此欽遵除連報斬獲蕪獲賊首聽按臣吳姓  
遵旨查明題報外恭繹明旨苟圖結局拘撫諱勦臣不敢  
一字置辯然亦有不客默然者夫神一魁圍困慶陽自是  
一事韓城宜雉之賊蹂躪西安內地自是一事臣之撫撫

神一魁也神一魁率衆投降獻出保安縣印信臣以三月二十九日散遣降丁飢民俱盡神一魁之撫局完矣神一魁歸伍後三次本邊報捷至今無異心神一魁之撫局定矣臣在寧州方料理慶陽善後事宜固未至西安也韓城宜維之賊撫臣練國事行勦自如屢有新獲具在塘報中間勦撫兼行原是仰遵明旨相機行事實未嘗偏主于撫伏覩皇上召對計吏臨御平臺聖諭有言流賊原是中原赤子不可純以勦為事欽此臣仰窺聖意不嗜殺人值皇上發帑金十萬遣按臣吳甦賑濟飢荒招撫流賊神一魁復新蒙赦宥臣乃奉行德意頒布詔書倣先臣王守仁散宸濠賊黨故事給免死牌票誘賊投降魚非欲其解散歸

農如是而已賊怙惡不悛自有勦之一法在臣以五月十五日移鎮耀州先於十三日晚宿涇陽縣因分守關內道臣翟師雍告急即飛檄催調榆林兵馬前來進勦道臣張福臻鎮臣王承恩星馳而至見臣于耀州臣遣旗牌官督鎮軍前催兵進戰三令五申檄下如兩十九日有白水縣路家原之捷六月初六日有維川縣三即要險之捷十一日有澄城縣孫堡村之捷十一日有石堡川之捷十五日有郃陽縣梁山之捷七月初二日有鄜州太平原之捷臣親在行間皆勦也非撫也撫臣練國事報捷塘報皆有月日可查是否臣五月十五日移鎮以後臣之主撫主勦罪狀便自明白按臣李應期所引塘報有在臣未移鎮以

前者有在臣初到耀州正遣兵進剿者然止歸咎于撫之  
非竝撫臣練國事屢報剿賊斬獲之功一字不言則幾於  
一筆抹殺矣臣移鎮耀州以後調遣榆林兵馬入同耀蒲  
白韓城一帶窮追實剿賊兵屢敗賊膽始寒賊之殺者殺  
降者降散者散西安境內實無一賊而逃潰之餘孽盡走  
綏清米脂延長之間以故按臣吳牲發憤上疏臣疏謂賊  
之流禍雖在西安而病根實在延安請添兵設將掃蕩廓  
清者正以此耳臣將欲回鎮防秋即嚴檄鎮臣王承恩頓  
兵延安防賊復起仍移咨撫臣洪承疇為軫念延屬賊氛  
未靖民在湯火將榆林大兵暫免撤回防秋照舊留駐鄜  
延剿滅流賊俟南北蕩平之日方行議撤臣一動足果有

中部之失然以賊之大勢言之比之二月內神一賊圍困  
慶陽五月內結聚西安北境光景實天壤懸殊也萬耳萬  
目誰能掩之新考選南臺臣趙志孟入閤見撫臣練國事  
言曰都門以為無西安矣此行以為不能入閤也不意地  
方寧靜如是此非其確證耶臣恭報勦賊情形一疏謂賊  
非大勦兵威不振謂次第勦散勦一處即撫一處善後之  
後仍不廢防勦謂以勦行撫直當徹始徹終謂有賊即報  
見賊即勦謂賊一日未平大勦有大勦之費零勦有零勦  
之費謂救亂之道必為百年之計後可保數年為數年之  
計後可保終歲謂掃蕩不清善後無法一局不完前功盡  
棄請勅下九卿科道會看是否苟屆結局徇撫諱勦但臣

不幸而有撫神一魁之一事。無論知與不知，皆以臣為主。  
 撫豈惟廟堂之上不知地方之人先不知矣？豈惟地方人  
 不知同事亦不知矣？臣何所控訴耶？又聞臺臣遲大成上  
 疏，參臣彌縫不知所言何狀。臣待罪三邊以來，惟知以勿  
 欺事皇上一入耀州，具疏再報。移驥謂賊勢重大，賊情反  
 覆，致蒙明旨詰責。謂向來料理何在？臣未<sup>嘗</sup>彌縫也。恭報  
 勦賊情形一疏，謂賊陽順陰逆，一面乞撫，一面搶掠。臣未  
 嘗彌縫也。臣又謂若為不能速奏，蕩平畏皇上切責，隱嘿  
 不言，實誤封疆大事。臣未嘗彌縫也。張應昌提兵解圍，若  
 在他人，必謂應昌奉臣調度，受臣方畧，不知做出多少粧  
 點。前後上疏，字字歸功於應昌。若不與共事者，蓋賊困慶

陽臣飛調各路兵馬道路梗塞應昌未奉臣之調先期而  
至臣實不知應昌之來臣惟據事直書不敢欺皇上也臣  
駐劄寧州去慶陽咫尺身在行間如此因今成事儘可居  
之以為已功尚不敢欺此外又敢有一毫彌縫耶臣之朴  
忠惟皇上鑒此一點旦誠耳臣之冤苦已極彈射將無完  
膚但願速繫關下赴御前一言而死耳崇禎四年八月二  
十一日具題奉聖旨已有旨了該部知道



咫尺天顏束身待罪疏

時被逮

臣以謫者猥蒙皇上拔置三邊頃者勦賊溺職皇上賜臣逮繫臣方調度行間自耀州馳赴臨潼於十月十一日開讀跪聽聖旨楊鶴總制全陝何等事權乃聽流寇披猖不行撲滅塗炭生靈大負委任著革了職錦衣衛差的當官旗扭解來京究問其原缺速推堪任的未用練國事姑著降三級勦賊自贖如再犯前玩縱定行論治不宥欽此臣伏地感泣竊念臣奉命總督三邊事權不為不重皇上之倚任臣不為不專蠢爾流寇不能撲滅仰煩聖心孤負恩私惶恐魚措千罪萬罪更復何辭但臣承乏總督原非其據拜命之初正值揀部與流寇内外交訌三秦鼎沸又值

固鎮兵諱前任督臣武之望病故流聞輦下誤傳仰藥而  
死懸缺數月魚人肯往然後推擇及臣荷皇上召對平臺  
臣曾面奏實魚戡定禍亂之才亦未閱歷邊疆皇上不以  
臣為不肖面賜簡任臣不敢辭當日臣身在班行方其啓  
事未登豈遂不知規避但念人人避難危疆重寄誰為肩  
荷竊欲免竭駑鈍上報聖恩不意復俱至此蓋亦臣之自  
誤也臣初入關延安漢中勦賊相繼告平揔部三路入犯  
延綏三路報捷臣妄意地方可幸無事其後斬于兒罵破  
銀定反成諸部屢奏大捷二年之內擣斬首功共計三千  
五百餘級三歷秋防幸無失事豈意天不惠秦飢饉薦臻  
流亡載道禍不中於邊疆而反重于內地勤王之後士馬

單虛遣將徵兵殆無虛日及奉旨移鎮親歷行間八閱月  
焦頭爛額費盡苦心然而時勢多艱一日難于一日始也  
賊勢方張如火燎原不可嚮通慶陽危極勢不得不出於  
撫已而賊氛少定方減於東又起于西撫勦竝行拮据非  
一無柰天心不順人事轉乖臣亦自痛不辰愧恨欲死故  
於中部失陷之日即具疏請逮蓋一丁暴露罪狀伏聽神  
明昭察絕不敢一毫彌縫也今臣多山多懼百苦備嘗心  
血盡枯通身是病然雖身繫國扉心懸社稷臣子楊嗣昌  
見任閔內道聞臣被逮日夜憂煎臣傳與家人諭以皇上  
封疆為重仰遵明旨用心料理閔門勿以臣為念致有疎  
虞臣一腔血誠天日可鑒臣曾具恭報勦賊情形一疏又

具微臣萬苦堪憐所欠一死一疏又具微臣負不白之冤  
義難隱嘿一疏三疏具在御前伏乞聖明洞燭前後情形  
俯垂憐察天恩浩蕩國法無私臣惟席藁待罪靜聽處分  
不敢一字妄辨也崇禎四年十一月十八日具題奉聖旨  
楊鶴正在候問不得陳辯法司知道

對詔獄供狀

鶴湖廣常德府武陵縣人繇萬歷三十二年進士服官中  
外原未閱歷邊疆中遭削奪蒙聖恩起自田間補都察院  
左僉都御史歷陞副都協理院事此官例不外轉比因陝  
省流賊猖獗又募固鎮兵詳訛傳前任武總督服毒自縊  
京師闕然懸缺數月無人肯往吏部會推到鶴蒙聖上詔  
對平臺面賜簡用鶴恐迹涉規避不敢固辭到任兩年零  
四個月三歷秋防中嚴戰守延綏三路大捷堵回揀部節  
次擒斬首功共計三千五百餘級邊疆幸保無虞止是內  
地流賊起於萬曆天啓年間援遼兵丁陸續逃回不敢歸  
伍因而結衆搶掠以漸蔓延不幸邊地亢旱四載顆粒無

收京民二運轉輸不絕飢軍飢民強半從賊遂難收拾然  
該鎮守巡撫各有信地各有兵馬堪以勦寇撫安軍民鶴  
奉勅書居中調度初任半年漢南賊遂蕩平延安亦粗底  
定後因京師戒嚴調將徵兵沿邊五大鎮如吳自勉楊麒  
尤世祿王承恩楊嘉謀等統兵一萬七千餘衆先後入援  
又值延撫張夢鯨物故陝撫劉廣生甘撫梅之煥親自領  
兵出關東去以致邊腹空虛賊復乘機蠢動鶴於三年正  
月內移鎮省會請旨勤王陸聞延慶夥賊數千分列五營  
繇宜維直奔韓城勢甚危迫是鶴亟將浚運援將李鴻嗣  
劉國棟等已出潼關之兵星夜調回繇朝邑卻陽間道衝  
枚疾擊各賊大敗奔走始解韓城之危鴻嗣等仍復領兵

東援去訖續有結聚郟廷等處之賊鶴復遣標下游擊夏  
有啓李養棟等領兵協勦屢有斬獲七月內失記日期有  
廷綏東路賊首王加印聚衆攻破府谷縣鶴移會洪撫院  
檄遣原任總兵杜文煥督同各該官兵圍困三月勦殺賊  
級千餘旋即恆復縣城賊遂敗走山西十二月內有西路  
賊首神一元同黨高印登聚衆數千攻破寧塞營柳樹澗  
堡新安邊等處復陷保安縣鶴一聞警報即差標下掌號  
守備陳有謨帶領兵馬督同副將張應昌苑攀龍等各該  
官兵勦困間賊首神一元高應登被官兵當陣殺死賊衆  
復奉神一元弟神一魁為大頭目一魁勾邊助逆有總兵  
官杜文煥賀虎臣等各自退回賊遂擁衆數萬長驅直入



於本年二月二十四日圍困慶陽府城。鶴時正在固鎮挑  
選兵將，措處錢糧，打發起程，前赴薊鎮入衛。換班忽傳奉  
旨移鎮，延緩勅賊隨於二十五日止帶標下官兵三百行  
至永壽地方，聞慶陽報警，即日反轡於二十七日馳赴寧  
州。時慶陽被困，水道斷絕，陷在呼吸，賊復分兵剋破合水  
縣，擄去知縣蔣應昌。一時人情洶、隣近處所并無兵馬  
可調，不得已委知州周日強遣人持示傳諭，相機解散，仍  
差舍人劉可觀同慶陽衛指揮繆光先前往賊營招安賊。  
遂按兵不動，具稟乞撫。間適值總兵杜文煥調到定邊，副  
將張應昌提兵南下，於三月初三日挫賊解圍。賊尋探知  
官兵數少，欲與鏖戰，被舍人劉可觀指揮繆光先勒馬阻

止賊始收兵退歸合水復遣頭目劉金劉鴻儒仍來求撫  
允訖至初九日大小頭目六十餘人率衆投降送回知縣  
蔣應昌獻出保安印信一顆十六日神一魁親來投見量  
給名色劄付差官前往合水查點降丁給散飢民印票於  
三月二十九日散遣俱盡鶴親至合水查勘城池賑濟難  
民復駐慶陽數日撫恤瘡痍仍回寧州料理安插善後間  
不期某等夥賊又復猖獗有練撫院屢書趨鶴移鎮西安  
鶴於五月十五日移鎮耀州賊已於十四日攻破金鎖關將  
都司王廉殺死官兵敗衄賊勢復張有點燈子上天猴渾  
天猴嘯聚黃龍山一帶搶掠韓城等縣是時延綏總兵王  
承恩方總領回勤王兵馬到鎮鶴即催調榆林道張福臻

督同王承恩與省兵合勦路家原斬賊二百四顆三郎要  
險斬賊一百四顆石堡川斬賊一百二十六顆卻陽梁山  
斬賊四百五顆店頭山斬賊一十六顆太平原斬賊三百  
一十三顆俱有撫院塘報在部其環縣真寧之賊原係保  
安合永餘孽鶴遣中軍副總兵官王性善同寧夏總兵賀  
席臣領兵勦殺斬首五百餘級賊首劉六典黨惡三十餘  
人碎屍環縣塘報到部可查李二田並蒼等散掠真寧縣  
石梯子地方該耀州道翟師雍招撫安插馬欄等處外其  
餘各賊未能一鼓蕩平務在次第勦滅六月內前任陝西  
巡按李御史復命內稱秦中流寇旋撫旋叛等事題奉聖  
旨著巡按陝西吳御史查明據實連奏聞鶴移鎮鄭州日

久期逼秋防將款回鎮移咨洪撫院檄行總兵王承恩將  
兵馬駐劄延安以防賊起即行勒散豈期七月十七日鶴  
方離鄜州二十九日遽有流賊李老柴獨行狼等聚衆攻  
破中部縣鶴又星回耀州會同練撫院檄遣總兵王承恩  
副將張全昌趙大胤與東回甘肅總兵楊嘉謨等合力攻  
勦至十月初十日克復縣城擒獲李老柴等三名見在獻  
俘鶴於次日就逮止隔一宿鶴之命也竊鶴原奉勅書鎮  
巡以下官員悉聽節制一應兵馬錢糧賞罰等項事情應  
自處者徑自區處與各該鎮巡計議者從長計議十分重  
大者上請定奪如此十年餘孽四載奇荒偏地是賊比屋  
可誅豈非十分重大事情鶴自到任至今前後疏數十上

賊勢兵情一一奏聞聖上寧敢飾隱至七月間恭報勦賊情形一疏內稱諸賊窮餓之極無處生活兵至則稽首歸降兵去則搶掠如故此必然之勢又稱一面真心招撫解散一面著實整兵備禦果真解散則兵徑可不用倘仍聚仍搶則剿不得不立繼之此與李御史所奏流賊旋撫旋叛語意正同而鶴未敢徇撫諱勦即此可見時日未久紅本當在部科可查但李御史先因聖上平臺召問陝西藩臬以按臣何故殺降賊王左掛子一事一向驚悸成疾其意欲明殺降之是遂將塘報流言不分虛實盡入疏中如西安北界殺典史殺都司即是金鎖關等處失事鶴方身在慶寧無兵無將空手撫賊豈能全代陝撫無顧西安又如

京師訛言鶴出告示敢言勦賊者斬及傳檄邵縣兵不許  
設哨馬城俱不許設守具以致御史孫徵蘭風聞入告鶴  
非病狂喪心何至於此幸蒙聖恩行巡按御史吳姓查奏  
將告示全抄入疏備呈御覽鶴區區赤心方得明白今蒙  
勘問鶴在陝西二年零六箇月三歷秋防擒斬積有多功  
邊疆幸無失事自二年正月以後勤王勦賊移鎮往來不  
皇寧處慶陽之圍自親虎穴鄜州之戰獻馘馬前憂勞凶  
懼人所難堪鶴不敢避且如各鎮總兵東援日久非補則  
回惟鶴駐劄固原不敢請令總兵回鎮至今楊麒尚在薊  
門原缺亦未推補又如勤王之兵換班絕少惟鶴正當奉  
旨移鎮勦賊之時發遣固原官兵換班入衛此鶴平生一

片愚忠不敢以西方之急而先聖明東顧之憂如此才庸  
命蹇遭際艱難餘賊未盡蕩平自當束身待斁所有前後  
事情不能盡述總祈聖明天鑒耳



請寬前督疏

洪承疇總督

照得延鎮東西邊長一千二百里南至延安八百里外則套部僅距一牆內則黃沙彌望一毛不產夙稱窮荒絕塞臣叨任延撫當上年三月入境受事之初大荒已歷三載羣盜紛起衝邊營堡與臨邕州縣飢寒徹骨所在思變危迫情形從來所無臣首聯人心次討軍實拮据補救甫及兩月即有東路清黃府谷之變臣調兵措餉盡力征勦隨後再變臣親督兵渡河至山西迤往三月回至中途又突有西路寧塞保安之變才拙謀疎顧此遺彼封疆決裂至再至三即立加臣斧鉞之誅臣自無辭蒙皇上明見萬里念延鎮屢荒屢盜時勢萬難又俯鑒臣一片微誠不敢憚

除憚勞暫從寬宥臣竊激思奮拚命竭慮百計以圖收拾而盜賊未戢封疆猶危臣之千罪萬罪總無詞可以自解前督臣楊鶴蒙皇上廷對特遣蒞任以來小心謹慎書俱為地方籌畫隨事皆從封疆起見即臣先任督糧職司錢穀原無地方安戎之責蒙督臣會前陝西撫按兩臣委臣監軍臣東奔西馳從征年餘一切勦撫機宜悉稟承督臣成筭至上年正月間延慶大盜數千分列五營繇宜雄直奔韓城西安人情驚惶勢甚危急適督臣以敵入薊遼移鎮西安彈壓遂將固原臨洮河州勤王官兵二千餘名已出潼關飛檄調回繇朝邑郃陽間道銜救疾馳聽臣監督各官兵奮勇勦殺各賊力解韓城之危西安因得保全迨

臣陞任延撫正值大荒大盜兇橫異常督臣先發固鎮將  
擊李養棟統馬兵一千餘名再發固原游擊夏有啓統馬  
兵八百餘名又發固鎮都司李登龍統馬步兵一千餘名  
各先後馳赴廊延清綏地方俱為勦殺延屬盜賊屢次叩  
閭請發賑濟銀兩請留驛站銀兩俱為救濟延屬軍民今  
歲二月保安大盜勾邊潰遁慶陽破合水固府城岌岌有  
崩解之勢督臣移鎮邠乾聞警馳赴慶屬之寧州彼時賊  
衆數萬狂焰彌天若非督臣身逼敵壘督兵解圍賊衆乞  
降從權招撫將各賊乘勢長驅不知地方如何殘害五月  
間移鎮耀州正前榆林道臣張福臻鎮臣王承恩統延兵  
四千餘南下時廊延且雜間羣盜充斥狂逞魚忌督臣屢

次檄催所在堵擊斬獲賊勢稍衰未至深入西安即有一  
二招撫亦勦撫并用時勢不得不然惟是窮荒益甚盜賊  
愈繁東撲西生此戒彼起雖經屢次征勦畢竟蕩平久稽  
即如寧塞降丁安插以來三次本邊報效初魚變心惟降  
丁茹成名最為兇狡素日從中簸弄挑激生事害人遠近  
切齒神一魁等亦深為怨恨故用計送至督臣誅殺以絕  
禍端督臣因其來執而誅之原為除大姦安反測用心良  
苦不料神一魁等犯罪重大到底膽虛狼子野心終成巨  
測衆降丁訛言生變并神一魁亦不敢自認遂與之俱變  
此皆所遭時勢非常出於意料之外在督臣身任三邊全  
秦安危攸繫蠢爾流寇久逋天誅原自魚所辭責皇上逮

擊督臣正以振屬臣等在事文武各官早圖勦定安輯民  
生今大盜起在延鎮失事獸在延鎮臣之辜原在督臣之  
上茲督臣已蒙嚴譴臣以千罪萬罪之身承督臣之後此  
臣聞命冰兢悚惕靡寧惟有竭效頂踵親臨戰陣力圖自  
贖仰報皇上如天鴻恩若動止乖方調度失宜平賊無效  
臣自應束身待誅倘徼祖宗福庇皇上威靈相掄勦撫漸  
致擴清督臣在繫臣心萬不自安用是披瀝血誠上達宸  
聰伏惟聖明少加睿鑒奉聖旨流賊肆毒久未勦平洪承疇從  
監司擢至總制首尾在事自難辭責既說感恩圖贖著即  
鼓勵戡定以綏重地不得仍前延玩楊鶴自有裁奪不必  
代陳該部知道

遵旨查明疏

吳桂御史

崇禎四年八月十三日奉都察院勘劄為邊賊徒撫失策  
地方流禍堪憐懇祈急易庸督急圖勝算以救殘黎以安  
要地事七月十三日准兵部咨該福建道御史孫徵蘭題  
奉聖旨楊鶴已有旨了奏內縱賊撤備事情殊可駭異還  
著查明具奏該部知道欽此遵欽移此劄行前來該臣案  
行陝西按察司查勘屢催去後茲于十月二十七日據司  
臣李天經呈稱行准分巡河西道閔稱徧行府州縣查得  
原奉陝西總督楊鶴告示一道內云為申嚴安殺以存子  
遺事照得從賊之民或為飢餓難忍或為迫脅相從本院  
部撫順勒逆一以免地方之禍亂一以體皇上之好生非

得已也近聞解遣飢民歸回原籍經過鎮店鄉村多被居民復行劫殺以致見在飢民聞而驚疑遲聚不散或餓斃中途或仍復搶掠凡此舉動是絕其生活之路堅其從賊之心地方之人未厭禍亂解散歸農何日之有合亟申禁為此仰本道官吏即便嚴行所屬州縣禁諭軍民人等但遇歸農飢民安靜無擾而平買食者一體交易不得閑糶指勒有妄行劫殺即照殺降律例究罪抵償如解散之衆不改前非仍行搶殺果有實跡者許地方人等殺死勿論各宜仰體德意實：舉行毋得容縱致干天和崇禎四年六月十四日行此外并無出示敢言勒賊者斬亦無傳檄郡縣兵俱不許設哨馬城俱不許設守具等語備閱到司



該司看得示者揭之通衢檄者傳之郡縣皆耳目所共難  
掩今查原任總督楊鶴出示行檄并無勒賊者斬與不許  
設哨設防之文惟禁殺降一示中有抵償等語具呈到臣  
臣查臺臣孫徵蘭題奉原任督臣楊鶴一疏內云出示有  
敢言勒賊者斬及傳檄郡縣兵不許設哨馬城俱不許設  
守具數語正明旨所謂縱賊撤備者也臣七月經過延邵  
之時每諮訪民間疾苦雖田夫野老必進而問之亦有言  
軍門禁人殺賊之說臣問何據僉云有告示臣乃索告示  
而閱之正與司臣申報者相同係六月十四日行各道禁  
諭軍民乃禁殺降非禁殺賊也查律例亦有殺降之條細  
味示詞無非安反側之意而村野之民傳為殺賊抵償則

訛矣。臺臣之疏或亦風聞此言乎。至檄郡縣不設哨馬不設守具臣亦密訪郡縣各官并魚此事而司道申報亦謂查魚檄文非敢隱飭也。旨意止。

臣父棄臣甚慘冒死呼天曲施惟蓋疏 楊嗣昌

竊臣頃巡宣府方入鎮城不意罪孽深重不自過死忽有家人奔報禍近臣父至于不可爲諱也語未絕聞驚號昏死中軍等官倉卒無措昇還陽和心神迷迷已離宅舍臣不復知人間事者將半月矣家人告言即報奉旨料理候代有經手錢糧必須奏銷臣旋省旋廢作止顛倒都不自歸而一點惶惶不昧之死靡他則臣父蒙恩謫戍未沐漣除一事非惟臣父目不能瞑而臣世世狗馬死將俱不能瞑也臣是以忍死須臾強和血泪草奏哀鳴于我皇上高天厚地之前念臣父鶴自登萬曆甲辰榜進士歷任陝西雒南長安兩縣知縣擢拔浙江道御史巡按兩浙貴州

丁父憂服闋起陞大理寺丞轉翰林院提督四彝館太常少卿巡撫南贛都察院右僉都御史未任丁繼母憂尋遭削奪皇上御極初年起田間再官協理院事右副都御史陝西流賊猖獗又兼固鎮兵譁訛傳前任總督服督自經以致員缺半年不補迺推之日皇上召對平臺面賜簡用臣父星馳抵任拮据戎馬三歷秋防延綏三路大捷堵回插部柔我兕賽甘寧等鎮擊斬黠酋千兒罵大破銀定反成諸部共計首功三千五百餘級蒙恩叙加宮保服賜飛魚廕臣子山松錦衣衛正千戶世襲此臣父督邊職分似亦魚虧者也後因敵兵內入調將徵兵沿邊五大鎮如吳自勉楊麒尤世祿王承恩楊嘉謨等統兵一萬七千餘衆

先後入援又值延撫張夢鯨物故陝撫劉廣生并撫梅之  
煥各親自領兵出關以致邊腹空虚流賊乘機煽動臣父  
東西馳騖撫剿兼行言者捏稱出示州縣不許設塘馬殺  
流賊者与之償命等語仰于聖怒逮繫圖扉問擬遣戍終  
身發袁州衛著伍嗚呼彼一時也臣父稟承天譴輕重總  
不敢辭姑置人言是非毫不與較惟念父子東西竊祿報  
不盡如海君恩金吾奕世永延戴不盡如山聖澤而臣籲  
天請代至再至三未蒙矜許疊荷天恩再昇今官比出居  
庸臣念古人九折驅車或爲忠臣或爲孝子必有補于綱  
常名教方愜本懷臣今狗馬駑鈍願爲忠而不能臣父惟  
悴荷戈顧念孝之一字臣爲名教罪人綱常賊子亦已久矣

欽奉聖旨憐臣果能抒猷著績朝廷自有裁鑒不必屢以  
私情附陳臣含泪伏讀勉效馳驅不意陽明堡中接臣父  
書忽言脾胃泄消瘦有性命之憂安得飛至塞上見兒一面  
嗟此何時父召魚諾之時也而臣適在軍中魚敢喘息忍  
待事寧旋鎮然後奏歸父書泣請辭訣節奉聖旨敵方出  
邊楊嗣昌正當殫力料理以策後効何得以私情籲請欽  
此臣不得已再奏乞恩容臣解任辭訣奔走前來生殺予  
奪惟我皇上之賜臣何所逃于天地之間伏奉聖旨前旨  
果能抒猷著績朝廷自有裁鑒楊嗣昌何魚深體但以私  
情屢陳豈臣子作忠之誼欽此臣又不得已三奏謝恩言  
臣父向魚病緣以憂臣故病臣父亦魚他憂以臣仰負恩

命不稱任使為憂是臣父子愚衷皆从仰報聖恩起見即  
臣得請而去尋醫問藥之外猶將代戍荷戈仍是我皇上  
黥徒隸卒非比潔身亂倫也者嗚呼臣言至此是已明知  
臣有父有不可起之病即或卒然不可諱臣亦必有不能親承  
永訣之時而臣忍鬱至情勉从王事計自七月二十日拜  
疏至今有何絲毫裨益疆塞補報朝廷而臣父竟不能侍臣  
一面臣問家人臨卒亦竟無一言惟問思臣則點頭問待  
臣回則閉目推首而已嗚呼痛哉皇上謂臣何無深體臣  
真不敢不仰體聖心而第不能俯體臣父之心至于如此  
之極矣何使臣若得歸病榻之前辭訣一語即不忍言事  
臣父之日短猶庶幾異日事吾皇之日長今則有不然臣



不能事父敢言事君惟有一死而已右云求忠臣必于孝  
子之門然則求死臣豈非賊子之門哉臣今已爲賊子皇  
上亦何取于亂臣而不立刻誅之以慰臣父于地下免懷  
有子不歸視含之恨也嗚呼已矣臣自屏荒塞立膏天  
斧猶有餘辜皇上或念狗馬于役邊疆姑貸十惡不孝之  
罪則請削臣官并臣子孫錦衣世襲而特恩批准復臣  
父原任官階俾臣徒跣奔還哭告臣父以皇仁浩蕩聖鑒  
矜原雖未蒙解網于生前幸已荷蒯除于身後臣父得題墓  
道曰此資政大夫太子少保賜飛魚服一襲都察院右都  
御史兼兵部右侍郎之墓也將不獨臣父瞑目臣世子  
孫歿而瞑目可矣抑臣聞之敵惟不弔爲埋狗也敵蓋不

弃為埋馬也臣父骨肉未寒臣歸將就衰事是望特恩牽復  
幸于未葬之前斯稱帷蓋之義此惟皇上興念累朝服勤之  
狗馬帷之蓋之易耳若下之部議浸假自時臣孤寡慘  
切奄、殆灰恐一旦隨父地下魚繇親被聖恩用是不避  
瑣聒再瀆天聽懇祈立賜矜允施行崇禎八年十月二十  
七日具奏奉聖旨念楊嗣昌拮据衝遷楊鶴唯復原官不  
許請卹該部知道欽此

## 孤臣泣謝聖恩疏

奏為孤臣泣謝聖恩附陳下情萬苦懇乞聖恩俯憐暫假  
事竊臣某草土孤孽冒罪備員半載於茲百無一效方擬  
束身屏陌仰請嚴譴本月二十九日兵科抄出該部臣題  
為兩河套部約日齊犯等事節奉聖旨楊鶴贈太子少傅  
卹銀叁拾兩欽此欽遵抄傳到臣臣不勝感激嗚咽念臣  
父已謝人間天恩尚加地底知臣父不敢忘結草之報愈  
增臣不能荷祈薪之悲除臣報名迭謝外有狗馬下情不  
容不附陳天聽者緣臣父於前年九月十一日見背臣繼  
母於去年九月十七日繼之在尋常人子服制是為大祥  
小祥之期而臣生違侍養訣憶終天今者遠離淺土逐隊

市朝又不敢終日披麻帶素以盡哭泣之禮也臣聞鳥有  
梟獸有獍以為不孝人猶惡之而況於人乎用是懇乞聖  
慈容臣暫解部務屏居郊外以展哀思兼以新奉天恩告知臣  
父此臣狗馬至情萬々不容已者也查此月中有朝審武  
關大典應請聖命臣同官尚書王業浩署部事侍郎張福臻  
知武關庶料理咸得其人職業不憂曠廢矣臣因謝附陳  
魚任泣血懇祈待命之至等因崇禎十年八月二十九日  
具題九月初三日奉聖旨覽奏謝知道了朝審武關俱係  
大典卿還引義急公毋得請假求遂私情該部知道

[ G e n e r a l   I n  
f o r m a t i o n ]

书名 = 中国明朝档案总汇  
7 9

丛书名 =

作者 = 中国第一历史档案  
馆，辽宁省档案馆编

出版社 =

出版日期 = 2 0 0 1 . 0  
6

形态项 =     3 4 5

页数 = 3 4 5

原书定价 =     5 8 0 0 0  
. 0 0

读秀号 = 0 0 0 0 0 7 4  
5 4 4 5 1

SS号 = 1 2 2 2 5 4 2  
1

ISBN = 7 - 5 6 3  
3 - 3 1 7 6 - X /  
K 2 4 8 . 0 6 3

分类号 = 1 1 0 3 0 4 0  
4 0 8 & s w = D 6 D 0  
B 9 0 X 1 . 9 0 F 9 0  
0 P - 9 8 5 3 7 B 3 -  
0 X 1 . 6 F E 8 8 0 P  
- 1 3 5 F B 5 B 5 B 0  
B 8 D 7 D C B B 2 . 6  
3 6 8 5 1 E - 3 0 8 3  
+ 7 9

主题词 =

参考文献格式 = 中国第一

历史档案馆，辽宁省档案馆编．中国明朝档案总汇  
79．南宁市：广西师范大学出版社，2001．06．

简介 = 全国古籍整理出版规划领导小组资助出版：  
《武职选簿》是记载明代京内外各卫所职官袭替补选情况的登记簿，本册收“五军都督府所属卫所．后军都督府．万全都司．开平卫”等。



封面  
书名  
目录  
正文